

TZOTI' C'UL YET COLBANILE TZ'IBNEBILCANO YU NAJ SAN JUAN

*Istzoti' Comam Dios, ha' ton Comam Jesucristo
yuteco isba anmahil*

¹ Yet yalañtocojoj, yet maḁto hunu tzet watax'inaxa, ayxatic'a Comam Tzoti' isbi.* Ha' Comam Tzoti' tu' hune'ñie ye yeb Comam Dios, caw Diospaxo yehi.

² Yet caw yichebanil ayxatic'a Comam tu' yeb Comam Dios.

³ Yu Comam Tzoti' tu', yuxin iswatax'e Comam Dios Mame sunil tzettaj ay yul sat yibañk'inal ti' yeb satcañ. Machi hunu tzet ye tu' watax'inaj ta mach yuho Comam Tzoti'.

⁴ Yiñ Comam Tzoti' tu', chipitzc'ati k'inale, ha' ton xin chiak'ni issajilk'inal tet yanma anma.

⁵ Hune' issajilk'inal ti' chimujli xol k'ejholo. Ha' k'ejholo tu' xin, mach chik'oji isbutnitañoj.

⁶ Ay xin hune' naj ischejab Comam Dios, Juan isbi.

⁷ Hulic'o naj tzotelo yiñ hune' issajilk'inal tu' yuñie yanayto sunil anma hune' issajilk'inal yul yanma.

⁸ Ha' naj Juan tu' xin, maḁtaj naj hune' issajilk'inal tu', caw toñie hul naj tzotelo yiñ issajilk'inal.

* **1:1** Comam Tzoti', ha' ton Comam Jesucristo

⁹ Wal Comam yirñ caw yeli issajilk'inal tu', hulic'o yul sat yibañk'inal ti' yu yak'ni Comam issajilk'inal yul yanma sunil anma.

¹⁰ Waxañca iswatz'e Comam Dios sunil yul sat yibañk'inal ti' yu Comam Tzoti' tu', yaja' yet yulic'oj mañtic'a ohtañelax Comam yu anma.

¹¹ Hulic'o Comam yul iscoñob, yaj machi ischah anma Comam.

¹² Yaj wal sunil mac chahni Comam, yanayto yul yanma yirñ tzet chala, ha' ton huntek'an tu' yak' Comam yip yoccano yuninalo Comam Dios.

¹³ Yet ch'oc yuninalo Comam Dios, mach la-hano haca' chu ispitzc'a yuninal anma yul sat yibañk'inal ti', yeb mach haca'o chal isc'ul naj winaj, to haca' chiel yirñ isc'ul Comam Dios, hac tu' chu yoc anma yuninalo Comam.

¹⁴ Comam Tzoti' tu', yaco isba anmahil. Hulic'o coxol isyeni isyelal jet, yebpaxo isc'ulal isc'ul Comam Dios. Jilnipaxo isk'ak'al yip Comam ischah tet Ismam. Wal xin hañc'añe hunpilan Isc'ahol Comam Dios tu'.

¹⁵ Hacpax tu' naj Juan yal naj yirñ Comam tu' yirñ caw ip haca' ti':

—Ha' ton hune' naj ti' walan teyet ta tzujan yul wintajan yeb ta caw ec'bal yelapno ye insatajan, yuto ayxatic'a naj yet yalañto mañto chin-pitzc'ahan, xi naj Juan tu'.

¹⁶ Ha' Comam chiwalti'an, caw cosunil chic-ochah isc'ulal isc'ul, yaj xin mach hunelñeho chic-ochah, chilanñetic'a cochahni.

¹⁷ Yul isk'ab naj Moisés yak' Comam Dios hune' chejbanile caw how yak'ni naj jet, haxa Comam

Jesucristo xin, hul ak'no sunil isc'ulal isc'ul yeb xin isyelal Comam Dios jet.

¹⁸ Caw maŕto hunu mac xailni yiri Comam Dios, hachcahanŕe hunpilan Isc'ahol Comam Dios, ha' ton Comam Jesucristo ayŕetic'a isc'ataŕi, ha' Comam hul yeno jet tzet ye Comam Dios.

Naj Juan anicari ha' iswi' anma chiak'ni johaŕelo Comam Jesús

(Mt 3:11-12; Mr 1:7-8; Lc 3:15-17)

¹⁹ Yet hunel xin ebnaj yahawil coŕob Israel ay bey Jerusalén, ischejto ebnaj huntেক'an ebnaj sacerdote yeb huntেক'an ebnaj levita isk'ambeno tet naj Juan haca' ti':

—¿Mac hach anmahil hach ti'? xi ebnaj.

²⁰ Yalnilo naj yiri caw isyelal tet ebnaj, matzet yebacano naj, yalni naj haca' ti':

—Maŕtajinan chiwijan Cristohal, xi naj tet ebnaj.

²¹ Isk'ambenpaxo ebnaj hunelxa:

—¿Mac hach anmahilach, chal tu'? ¿Tom hach ti' Elías? xi ebnaj.

—Machoj, maŕtajinan, xi naj.

—¿Mato hach ti' ischejab Comam Dios echmabil yul juhaŕi? xi ebnaj tet naj.

—Machoj, xipaxo naj.

²² Isk'ambenpaxo ebnaj hunelxa:

—¿Mac ach anmahil, chal tu'? Halilo jetaŕi yuŕe jinitojaŕi ispaj istzoti' ebnaj chejŕeoŕtijaŕi. ¿Tzet caw chawute hawalni jetaŕi tawiŕi? xi ebnaj.

²³ Istak'wi naj Juan tu' xin, yalni naj:

—Haninti'an yal naj Isaías, hune' naj ischejab Comam Dios yet payat, yet istz'ibŕencano naj:

Ay hune' mac chiawi bey tx'otx' desierto, chalni:
 “Haca' chu ishamlax hunu beh, cat isto-
 holbañelaxi yet chul naj jahaw, hac tu'
 chu hewatx'enico heyanma, yuto chihul Co-
 mam Dios Jahawil,”* xicano naj Isaías tu', xi
 naj Juan.

²⁴ Ebnaj chejlxaxto tzotelo tet naj Juan yu ebnaj
 fariseo,

²⁵ isk'ambe ebnaj tet naj:

—¿Tzet yiriñ yuxinto chawacañ ha' iswi' anma ti'
 tato mañtajach ti' Cristo hach? ¿Mach Elías paxo
 hach? ¿Mañtajach paxo ischejab Comam Dios
 echmabil yul juhañ? xi ebnaj.

²⁶ Yalni naj Juan tu' tet ebnaj:

—Wal haninti'an hañe ha ha' chiwak'an yahbalo
 ha' iswi' anma, yaj coxol ti' ayco hune' mac caw
 mañto heyotajoj.

²⁷ Tzujan yul naj wintajan, yaj caw ec'bal naj
 insatajan, yuxin mach chu inpuhnilojan istx'añal
 isxaniab naj chiwabeñan, xi naj Juan.

²⁸ Ha' bey hune' tx'otx' chiyij Betania,
 isk'axepic'to ha' niman Jordán, bay yacañ naj
 Juan ha' iswi' anma, ha' tu' beyc'o ebnaj isk'ambe'
 huntেক'an ti' tet naj.

Ha' Comam Jesús oc xahanbalil yu Comam Dios

²⁹ Haxa yet hunxa tz'ayical xin, yilnito naj Juan
 tato lañan yapni Comam Jesús isc'atañ, yalni naj
 haca' ti':

—Ilwec'anabi lah, ha' hune' mac lañan yul ti',
 ha' ak'bilti jet yu Comam Dios coxahanbaloj, haca'

* 1:23 Is 40:3

chiyu yoc no' me' xahanbalil. Ha' naj chiinilo comul jibañ cosunil hañoñ ayonñ yul sat yibañk'inal ti'.

³⁰ Ha' ton yinñ naj ti' quintzotelan yet walnihan teyet: “Ay hune' naj tzujan yul wintajan, caw ec'bal yelapno insatajan, yuto ayxatic'a naj yet maŕto chinpitzc'ahan yul sat yibañk'inal ti',” quinchiyan teyet.

³¹ Yet yalañtocadoj, caw maŕtic'a wohtajojan mac Cocolomal, yaj wahcañan ha' iswi' anma yuñe yohtañelaxilo Comam yu anma Israel ti', xi naj Juan tu'.

³² Yalnipaxo naj Juan:

—Caw wilan yayilo Comam Espíritu Santo yul satcañ yibañ naj. Haca' chiyu yay lalon hunu no' palamuch, hac tu' yu yay yibañ.

³³ Yet yalañtocado tu', caw maŕto wohtajojan naj, yaj Comam Dios chejñeintijan wanocañan ha' iswi' anma ti', ha' Comam chalni wetan: “Ha' hune' mac chawil yay Comam Espíritu Santo yibañ, ha' ton hune' tu' chiak'ni Comam Espíritu Santo tet anma,” xi Comam Dios wetan.

³⁴ Caw ilbilxa wuhan, yuxin chiwalic'ojan tato caw Isc'ahol Comam Dios ye naj ti', xi naj Juan.

Ebnaj babel iscuymom Comam Jesús

³⁵ Yet hune'xa tz'ayical xin, aypaxic'o naj Juan bey tu' yeb cawañxa ebnaj iscuymom isc'atañ.

³⁶ Hayet yilni naj Juan yec'to Comam Jesús, yalni naj tet ebnaj cawañ tu':

—Ilwec'anabi lah, ha' naj tu' ak'bil jet coxahanbalo yu Comam Dios haca' chiyu yoc no' me' xahanbalil ju, xi naj Juan tu'.

³⁷ Hayet yaben ebnaj cawañ tu' tzet yal naj Juan, isto ebnaj yinta Comam Jesús.

³⁸ Ist'arixito Comam Jesús yintaj, yilni Comam tato tzujan ebnaj cawañ tu' yinta Comam. Isk'amben Comam tet ebnaj:

—¿Tzet chesaya? ñi Comam.

—Rabí, ¿baytu'wal ayach? ñi ebnaj. (Hune' tzoti' rabí, *cuywawom* chaliloj.)

³⁹ Istak'wi Comam xin:

—Catawej cat heyilni, ñi Comam. Hac tu' yu isto ebnaj yilno baytu'wal ay Comam. Iscancano ebnaj hune' ak'bal tu' yuto k'ejbixa.

⁴⁰ Ebnaj cawañ aben tzet yal naj Juan occano tzujno ebnaj yinta Comam. Hune' naj Andrés isbi, yuxta isba naj yeb naj Simón Pedro.

⁴¹ Yet lahwi istzotel naj Andrés tu' yeb Comam Jesús, yiñ hamataj to naj saywal yiñ yuxtaj, yalni naj tet naj:

—Caw machahloyo Comam Mesías juhañ, ñi naj.

⁴² Hac tu' xin yu yijbanto naj Andrés tu' naj Simón isc'atañ Comam Jesús. Yoc t'año Comam yiñ naj Simón tu', yalni Comam tet naj:

—Simón, isc'ahol naj Jonás, wal tinañ Cefas chioccano habihoj, ñi Comam tet naj. (Yiñ hune' yabxubal ebnaj tu', hune' bihe Cefas chal yelapnoj Pedro.)

Yet yawtelax naj Felipe yeb naj Natanael yu Comam Jesús

⁴³ Yet hune'xa tz'ayic xin yoc yiñ isnabal Comam Jesús isto bey yulaj ismajul tx'otx' Galilea. Ischahni isba Comam yeb naj Felipe, yalni Comam tet naj:

—Ocañ tzujno wintajan, xi Comam.

⁴⁴ Caw xin yet coñob isba naj Felipe tu' yeb naj Andrés yebpaxo naj Simón Pedro; ah coñob Betsaida ebnaj.

⁴⁵ Lahwi tu' xin, isto naj Felipe saywal yin naj Natanael. Yet ischahlo naj Natanael tu' yu naj, yalni naj tet naj:

—Machahlo Comam tz'ibñebilcanayo yul Hum yet ley ak'bilcano yu naj Moisés, yeb tz'ibñebilcano yu hunték'anxa ebnaj ischejab Comam Dios yet payat; ha' naj Jesús ah Nazaret, isc'ahol naj José, xi ebnaj.

⁴⁶ Yalni naj Natanael tu':

—¿Tom xin ay hunu mac c'ul chielti xol ebnaj ay bey coñob Nazaret tu'? xi naj. Istak'wi naj Felipe xin:

—Toñc'anab jila' cat hawilni, xi naj.

⁴⁷ Yet yilnito Comam Jesús yapni naj Natanael isc'atañ tu' xin, yalni Comam:

—Ha' hune' naj lañan yul ti', caw Israel naj yul sat Comam Dios, caw machi nino lek'ti'al ayco yin naj, xi Comam.

⁴⁸ Isk'amben naj Natanael tet Comam:

—¿Tzet xin chu quinhawohtañenilojan? xi naj. Yalni Comam tet naj:

—Macachwilan yet maḁto chachyawte naj Felipe ti', yet ayach yich te' higuera, xi Comam tet naj.

⁴⁹ Istak'wi naj Natanael tu':

—Mam cuywawom, yin caw yeli hach ti' Isc'ahol Comam Dios, Yahawil coñob Israel hawehi, xicañ naj tet Comam.

⁵⁰ Yalnipaxo Comam tet naj:

—Chawayto yul hawanma wiñan yuto mawalan ta macachwilan yich te' higuera, wal xin caw ec'nato c'aybalc'ule chito hawila' sata ti', xi Comam.

⁵¹ Yalnipaxo Comam haca' ti':

—Yiñ caw isyelal chiwalan teyet, cheyila' ishajni isba satcañ, cat heyilni yahtoj yeb yayilo ebnaj yángel Comam Dios wibañan Hanin Ak'bilintijan texol yu Comam Dios, xi Comam Jesús.

2

Hune' mohyilal bey coñob Caná

¹ Haxa yet yoxihalxa xin, yoc hune' mohyilal bey yul coñob Caná ay yul ismajul Galilea. Ayco ismi' Comam Jesús xol hune' mohyilal tu'.

² Awtebilpaxo Comam Jesús yeb ebnaj iscu-y-wom yiñ hune' k'iñ tu'.

³ Yaja' xin lahwi lo isvino ebnaj ay ismohyilal tu', yuxin yal ismi' Comam tet:

—Caw malahwi isvino ebnaj, xi ismi' Comam.

⁴ Istak'wi Comam xin:

—¿Tzet yiñ wetan chawal hune' ti', mi'? Wal xin mañto chiapni istieñpohal inyenilo wipan tet anma, xi Comam.

⁵ Lahwi tu' xin, yalni ismi' Comam tet ebnaj chejab yiñ k'iñ tu':

—Yijewe hewatx'en sunil tzet chal naj teyet, xi ismi' Comam.

⁶ Ha' bey tu' xin ayayo wajeb nimeta ch'en moc tz'ahab. Aymi oxebo maca cañebo nimeta tz'ahab ha' chiayto yul hunun. Yul huntেক'an moc tu' chiayto ha ha' chioenico yu ebnaj Israel istx'ahni isk'ab haca' yalni ischejbanil ebnaj.

⁷ Yalni Comam tet ebnaj chejab yiñ k'iñ tu':

—Nohtzewe huntেক'an moc ti' yu ha ha', xi Comam tet ebnaj. Hac tu' xin yu yoc ebnaj isnohtzenoj.

⁸ Yet nohnaxa huntেক'an ch'en moc tu' xin, yalni Comam tet ebnaj:

—Iwelti ha' yul moc tu' tinañ, cat xin heyinito tet naj chi'ilni yoc anma sat meña, xi Comam. Hac tu' yute ebnaj.

⁹ Yablen naj chi'ilni yoc anma sat meña tu' ha ha' oc vinohal, caw xin mach yohtajo naj baytu'wal caw istitico huntেক'anxa vino tu'. Wal ebnaj chejab tu' xin, yohta ebnaj tzet yehi, yuto ha' ebnaj inilti ha ha' yul ch'en moc tu'. Hayet yablen naj chi'ilni yoc anma sat meña, hune' vino tu', yawten naj naj mohyom tu',

¹⁰ yalni naj tet naj:

—Ha' chute anma, to babel chi'alaxic'o vino caw c'ul tet anma awtebil, yet chilahwi yuc'ni anma te' vino caw c'ul tu', cat xin yalaxic'o huntেক'an mach lahano isc'ulal. Wal hach ti' yiñxa islahobal chawak' vino caw c'ul, xi naj.

¹¹ Ha' xin bey yul coñob Caná ayco yul ismajul Galilea, ha' bey tu' isye Comam Jesús babel c'aybale'ule. Hac tu' yu isyeni Comam ishelanil yip, wal ebnaj chicuywi yinta Comam xin, caw yacanayto ebnaj yul yanma yiñ Comam.

¹² Lahwi tu' xin, isto Comam bey yul coñob Capernaum; istopaxo ismi' Comam yeb yuxta Comam, yebpaxo xin ebnaj chicuywi yintaj. Ha' tu' xin ehayo hayeb tz'ayical.

Yet istzumbenilti Comam Jesús ebnaj txoñwom yul yatut Comam Dios

(Mt 21:12-13; Mr 11:15-18; Lc 19:45-46)

¹³ Yet toxa chi'ayilo k'iñ Pascua, isk'iñ anma Israel, isto Comam Jesús bey yul coñob Jerusalén.

¹⁴ Yet yocto Comam yul yatut Comam Dios, yilni Comam tato ayicto ebnaj txoñom wacax, yeb ebnaj txoñom me', yeb ebnaj txoñom palamuch. Aypaxo xin ebnaj helom melyu tz'oñanicto bey tu'.

¹⁵ Hayet yilni Comam hune' tu', iswatx'enayo Comam hune' tz'um yñ huntেক'an lasu, yoc Comam istzumbenilti ebnaj txoñom wacax yeb ebnaj txoñom me'. Istixnipaxcanto Comam ismelyu ebnaj helom melyu. Ispac'chancanocañ Comam ismeña ebnaj.

¹⁶ Yalni xin Comam tet ebnaj txoñom palamuch haca' ti':

—Iwelto huntেক'an no' ch'ic ti' bey ti', mach chu heyak'aco yatut Inmaman txoñbalil, xi Comam tet ebnaj.

¹⁷ Hac tu' xin, yu isnaniti ebnaj chicuywi yinta Comam Jesús tzoti' tz'ibñebilcanayo yul Hum yu ischejab Comam Dios yet payat, bay chal haca' ti': “Yu caw xahan ay hawatut wuhan, yuxin caw ya' chuco yñ wanmahan,”* xiayoj.

¹⁸ Isk'amben xin ebnaj yahawil Israel tet Comam:

—¿Tzet hunu chawak' yechelo jetañ yuñe joltañenilojañ tato ay hawip hawatx'en huntেক'an ti'? xi ebnaj tet Comam.

¹⁹ Istak'wi Comam tet ebnaj:

* **2:17** Sal 69:9

–Uhc'aweyo hune' yatut Comam Dios ti', cat xin wahnicañan seel yirñ oxeb tz'ayic, xi Comam tet ebnaj.

²⁰ Yalni xin ebnaj yahawil yirñ anma Israel tu' tet Comam:

–Hune' yatut Comam Dios ti', caw cuarenta y seis habil yitoj yet yahi. ¿Caw xin oxebñech'an tz'ayic chawutecañ seel hawalni? xi ebnaj tet Comam.

²¹ Yaj caw mañtic'a txumchalo yu ebnaj baytet hune' ña bay chitzotel Comam tu', toñca xin ha' Comam bay chitzoteli.

²² Yuxin hayet yitzitzbicañ Comam xol anma camom, isnaniti ebnaj chicuywi yinta Comam tato halbilcano hune' tu' yu Comam. Yanayto ebnaj yul yanma yirñ tzet tz'ibñebilcano yul Hum yu ischejab Comam Dios yet payat, yeb yirñ tzet yal Comam Jesús.

Caw yohta Comam Jesús tzet ye yanma hunun anma

²³ Yet ayc'o Comam Jesús yul coñob Jerusalén yirñ k'irñ Pascua, caw hantañe anma chahnayto Comam yul yanma yu c'aybale'ule iswatx'e Comam bey tu'.

²⁴ Yaja' machi cawxi isc'ul Comam yirñ anma, yuto caw yohta Comam anma sunil.

²⁵ Mach yechelto ay mac chihalni tet Comam tzet ye anma, yuto caw yohta Comam tzet ye yanma hunun anma.

3

Yet isbeyc'o naj Nicodemo tzotelo tet Comam Jesús

¹ Xol ebnaj fariseo ay hune' naj, Nicodemo isbi, caw niman yelapno naj xol ebnaj yahawil coñob Israel.

² Yet ak'balil xin, apni naj yila' Comam Jesús, yalni naj tet Comam:

—Mam cuywawom, caw johtajañ tato ha' Comam Dios aña hachti coñhacuyu'añ, yuto machi mac chiyu iswatx'en c'aybalc'ule haca' chawatx'e ti' ta mach ayoco Comam Dios yetbihoj, xi naj tet Comam.

³ Yalni Comam Jesús tet naj:

—Yiñ caw yeli chiwalan tawet, macñetic'a mach chipitzc'a yiñ iscayelal mach chu yoc yul isk'ab Comam Dios, xi Comam tet naj.

⁴ Isk'amben naj Nicodemo tu' xin:

—¿Tzettaxca chu ispitzc'a hunu anma yiñ iscayelal tato ichamxa? ¿Tom chito yu ismeltzoco yiñ ismi' hunelxa cat xin ispitzc'a, hawalni? xi naj tet Comam.

⁵ Istak'wi Comam tet naj:

—Caw yel chiwalcanojan tawet, macñetic'a mach chipitzc'a yu ha ha' yeb xin yu Yespíritu Comam Dios, caw mach chiyu yoc yul isk'ab Comam.

⁶ Hayet choñpitzc'a yiñ comi', yeli ay hune' isk'inal conimanil chabil ju tet comi', yaj caw yilal copitzc'a yu Yespíritu Comam Dios yuñe cochahni isk'inal Espíritu Santo jiri.

⁷ Mach chic'ay hac'ul yuto chiwalan tawet ta yilal chipitzc'a sunil anma yiñ iscayelal.

⁸ Haca'tic'a jak'ek' tinañ, caw toñe chijabe yeq'ui, yaj caw mach johtajoj baytu'wal chi-caw-istita, caw mach johtajopaxoj baytu'wal chi-caw-

istopaxicoj. Hac ton tu' xin yet anma chipitzc'a yu Yespíritu Comam Dios, yin yesalil chipitzc'ahi, xi Comam tet naj.

⁹ Isk'amben naj hunelxa tet Comam:

—¿Tzet xin chu yijni isba hune' tu'? xi naj.

¹⁰ Yalni Comam tet naj:

—Hach ti', caw cuywawom hawehico xol ebnaj Israel, yaj ¿tzet yin caw mach hawohtajo hune' ti'?

¹¹ Yin caw yeli ha' tzet ohtabil juhan ha' chijalañ, cat jalnipaxojañ tzet ilbil juhan. Walex caw mach cheyayto yul heyanna yin tzet chijalañ.*

¹² Yet chiwalnihan teyet tzet yelapno ye tzettaj ay yul sat yibañk'inal ti', caw mach cheyayto yul heyanna, hajxam ta chiwalan teyet yin tzettaj ay yul satcañ chal tu', caw mañtic'am cheyapaxayto yul heyanna.

¹³ Wal xin, caw mañto hunu mac xabeyahto yul satcañ tu', hachcachañe Hanin Ak'bilintijan texol yu Comam Dios, titnajinan yul satcañ.

¹⁴⁻¹⁵ Haca' yu yanicañ naj Moisés hune' yechel no' laba yin te te' bey tx'otx' desierto, caw yilal hac tu' chiyu wahlaxcañan yin te' culus, yuxinto macñetic'a chinchahnihan yul yanma, mach chic'aytoj, wal xin chischah hune' isk'inal mach istañbal.

Caw xahan ay anma yu Comam Dios

¹⁶ Wal xin, caw xahancano ay anma ay yul sat yibañk'inal ti' yu Comam Dios, yuto yati Comam hunpilan Isc'ahol coxol, yuxinto macñetic'a

* **3:11** Yal Comam Jesús “juhan” yuto yetbi isba Comam yeb Comam Espíritu Santo

chichahni yul yanma, mach chic'aytoj, to caw chischah hune' isk'inal mach istañbal.

¹⁷ Haninti'an caw Isc'ahol Comam Dios wehan. Ak'bilintijan yu Comam yul sat yibañk'inal ti', mañtaj yu wulan wanocojan isya'tajil yibañ anma, machoj, to yu incolnihan yalañ ismul.

¹⁸ Macñetic'a chinchahnihan yul yanma, mach chiay isya'tajil yibañ, wal mac mach chinchahnihan yul yanma xin caw chitocano ismul yibañ yuto mach chayto yul yanma wiñan, haninñech'an Isc'ahol Comam Dios inti'an.

¹⁹ Hulaninan bey yul sat yibañk'inal ti' yuñe wanicojan anma xol issajilk'inal, yaj xin caw ay anma mach chiocheni. Hacñe tu' xin caw chicawxico ismul yibañ yu istx'ojal chiswax'e anma tu', yuto yet k'ejholo yehi.

²⁰ Sunil huntেক'an anma chiwax'en ismachiswalilal, mach chiyoche hune' issajilk'inal ti'. Mach chisjepaxti xol, yuto mach chiyoche isc'ul tato ch'el yeñel sunil istx'ojal chi-la-iswax'e.

²¹ Yaja' wal mac chiyijen cuybanile ak'bilcano yu Comam Dios xin, chaco isba xol issajilk'inal yuñe yixtañwiloj ta ha' tzet chiswax'e, lahan haca' tzet choche Comam Dios, xi Comam tet naj Nicodemo tu'.

Yalpaxo naj Juan anicañ ha' iswi' anma tzet caw yelapno ye Comam Jesús

²² Lahwi tu', isto Comam Jesús yeb ebnaj iscuymom bey yul ismajul Judea. Ha' tu' xin ehayo Comam hanic' tiempohal yeb ebnaj; chiyanicañ ebnaj ha' iswi' anma.

²³ Wal naj Juan xin, ayco naj yanicañ ha' iswi' anma bey Enón iscawilal Salim, yuto caw tx'i'al ha

ha' bey tu'. Ha' tu' xin chiapni anma isc'atañ naj yu yahcano ha' iswi'.

²⁴ Yu huntেক'an ti' yet maḁto chialaxico naj preso.

²⁵ Yet hunel tu' xin, oc ebnaj chicuywi yinta naj Juan isteyele isba yeb hune' naj israelita yin tzet chiyu cosajñen coba yin isbeybal Comam Dios.

²⁶ Isto ebnaj yalno tet naj Juan:

—Mam cuywawom, naj ayco tac'atañ yet ayach bey ha' niman Jordán, naj hawal jetañ, lañan yahnicañ naj ha' iswi' anma. Caw xin hantañe anma chioccano tzujno yinta naj, xi ebnaj tet naj Juan.

²⁷ Istak'wi naj Juan tet ebnaj:

—Caw machi hunu mac chiwatx'en hune' munil ti' tato maḁtaj Comam Dios chiak'ni tet.

²⁸ Walex hex ti', xaheyabe tzet walan teyet tato maḁtajinan Cristo hinan. Wal xin caw babel quinchejlaxtijan yalañto yet maḁto chihul Comam Cristo yul sat yibañk'inal ti'.

²⁹ K'inalo ta ay hunu mohyilal tinañ, ha' naj chimohyi tu', ha' naj chi'ik'ni ix ix, wal naj yamigo naj ayco isc'atañ, chitzala naj yaben istzotel naj chimohyi tu'. Hac tu' xin istzala wanmahan wabenan yapni anma isc'atañ Comam Jesús.

³⁰ Yuxin caw yilal niḁtejal yoccano yip ismunil Comam, walinan xin, niḁtejal islahwipaxcano wetti'an, xi naj Juan tet ebnaj chicuywi yintaj.

Hune' Mac ispeto yul satcañ

³¹ Ha' Comam tit yul satcañ, ha' caw ec'bal jibañ cosunil. Wal hañon ti' yet sat tx'otx'al jehi, yuxin hañe tzet ay yul sat yibañk'inal ti' ha' chijala. Wal hune' Mac ec'bal cosataj, ha' ton Comam ispeto yul satcañ.

³² Yuxin ha' tzet ilbil yu, yeb xin tzet abebil yu, ha' chiyala, yaj xin machi mac chiyayto yul yanma yin tzet chiyala.

³³ Yaj tato ay mac chichahni tzet chal Comam tu' yul yanma, hune' mac tu' chaco isba yalniloj ta ha' tzet chal Comam Dios caw yeli.

³⁴ Hune' Comam ak'bilti yu Comam Dios, ha' Istzoti' Comam Dios chalic'oj, yuto caw nohnaëtic'aco Comam Espiritu Santo yin yu Comam Dios.

³⁵ Caw xahan ay Isc'ahol Comam Dios tu' yu, yuxinto caw yaco Comam Dios Mame sunil tzettaj ye tu' yul isk'ab Isc'ahol tu'.

³⁶ Hac tu' xin, macxaëtic'a chichahni Isc'ahol Comam yul yanma, chischah hune' isk'inal mach istaibal, yaj wal mac mach chichahni Comam yul yanma xin, caw mach chischah isk'inal mach istaibal, to ha' isya'tajil chischah yu Comam.

4

Yet istzotel Comam Jesús yeb hune' ix ah Samaria

¹ Yaben ebnaj fariseo ta chiyapaxocan Comam Jesús ha' iswi' anma yeb xin ta caw ec'naxa anma tzujan yinta Comam satapaxo naj Juan;

² (Waxaica mahtaj caw Comam chianican ha' iswi' anma tu', wal xin ha' ebnaj chicuywi yinta Comam, ha' ebnaj chianican ha' iswi' anma.)

³ Hayet yabenilo Comam Jesús ta yabe ebnaj fariseo hune' tu', yel Comam yul ismajul Judea, ismeltzoto bey yul ismajul Galilea,

⁴ yaja' xin, caw yilal yec' Comam yul ismajul Samaria.

⁵ Yapni Comam bey hune' coñob chiyij Sicar ayco yul ismajul Samaria tu', iscawilal hune' tx'o tx'otx' ak'bilcano yet payat yu naj Jacob tet isc'ahol, ha' ton naj José.

⁶ Ha' bey tu' xin, ay hune' c'uh watx'ebil yu naj Jacob. Caw xin xasiqui Comam isbelwi, yuxin oc tz'orño Comam isti' hune' c'uh tu' yet lañanxa yoc chuman.

⁷⁻⁸ Wal ebnaj chicuywi yinta Comam tu' xin, to ebnaj yul coñob islok'o tzet chilolaxi. Hayet ayto ebnaj lok'wo tu' xin, yapni hune' ix ah Samaria ik'oti ha' yul hune' c'uh tu', yalni Comam tet ix:

—Ak' nino hawa' tu' wuc'u'an, xi Comam.

⁹ Istak'wi ix tet Comam:

—Walach hach ti', caw ah coñob Israel hach, ¿tom caw mach hawohtajoj tato ah coñob Samaria inan? ¿Tzet yiri chak'anpaxo ha ha' hawuc'u wetan? Xi ix tet Comam. (Yal ix haca' tu', yuto ha' anma Israel mach chischahle tzotelo isba yeb anma ah Samaria.)

¹⁰ Yalni Comam Jesús tet ix xin:

—K'inalo ta hawohta hune' mac chik'anni ha' tawet ti', yeb xin ta hawohta isc'ulal isc'ul Comam Dios chiyak' jet, chimhak'anpaxo hawa' wetan, catmi wak'nihan ha' chiak'ni k'inale machi istañbal tawet, xi Comam tet ix.

¹¹ Yalnipaxo ix tet Comam:

—Mamin, caw nahat yehayto ha' yul c'uh lah, caw xin machi hanet chiinahti ha'. ¿Bay xin chařto hawik'ati ha' chiak'ni k'inale chawak' wettu'an hawalni?

¹² Naj Jacob, jichmam yettax payat tiempo, ha' naj añecano hune' c'uh ti' jetañ. Ha ha' yul hune' c'uh ti' xin yuc' naj yeb sunil yuninal, yebpaxo

sunil isnok'. ¿Tom xin caw ec'bal hachto satapaxo naj Jacob tu'? Xi ix tet Comam.

¹³ Istak'wicañ Comam tet ix:

—Sunil mac chiuc'ni hune' ha ha' ti' chititpaxo istajinti'al hunelxa.

¹⁴ Wal mac chiuc'ni ha ha' chiwak'ti'an xin, matxa bak'in chitaj isti', yuto hune' ha ha' chiwak'ti'an lahan haca' hunu isnuk' ha ha' chiahilo toptoni cat isbelwi, ha' chak'ni k'inale mach istañbal tet, Xi Comam tet ix.

¹⁵ Yalni ix tet Comam xin:

—Mamin, ak' hune' ha' chawal ti' wuc'u'an haxinwal matxa chitaj inti'an, matxa chinhulan ik'o ha' bey ti', Xi ix tet Comam.

¹⁶ Yalni Comam tet ix:

—As awteti hawichamil cat heyul bey ti', Xi Comam tet ix.

¹⁷ —Machi wichamilan, Xi ix tet Comam. Yalni Comam tet ix:

—Caw yel chawala, machi hawichamil.

¹⁸ Yaj howañxa ebnaj chawik'le, walpaxo naj ik'bil hawu tinañ xin, mach hawichamilo naj. Yuxin caw yel chawala, machi hawichamil, Xi Comam tet ix.

¹⁹ Hayet yaben ix hune' tu' xin, yalni ix tet Comam.

—Mamin, wal tinañ, caw chitxumchalo wuhan tato caw ischejab Comam Dios hawehi.

²⁰ Ebnaj jichmamañ, ha' ti' hulic'o ebnaj iswi' hune' witz ti' yik'ayo isba tet Comam Dios, walexpaxo israelita hex ti', caw cheyala ta cachañech'an yul coñob Jerusalén chiyu coto jinoyo coba tet Comam Dios, Xi ix tet Comam.

²¹ Yalni Comam tet ix:

—Hach ix ach ti', ayto sunil tzet chiwalti'an yul hawanma. Chiapni hune' istiehpohal yet matxa chexhul heyik'ayo heba tet Comam Dios bey hune' witz ti', yeb matxa yilalo chextopaxo bey Jerusalén.

²² Hex ah coñob Samaria hex ti', cheyiyo heba tet Comam Dios heyalni, yaj xin mach heyohajo Comam, waloñ Israel oñti'añ xin, johtajañ Comam Dios bay chijiyo cobahañ, yuto coxolañ chiel Iscolomal anma.

²³ Wal xin lañan yapni istiehpohal, ha' ton tinañ, yet chiyinayo isba anma yin istoholal. Caw xin chíyo isba tet Comam Dios yin sunil yanma yeb xin yin caw isyelal, yuto hac tu' choche isc'ul Comam ta chiyiyo isba anma tet.

²⁴ Wal Comam Dios, caw Espíritu ye Comam, yuxin macñetic'a chiyiyo isba tet Comam, caw yilal chiyiyo isba yin sunil yanma yeb xin yin caw isyelal, xi Comam tet ix.

²⁵ Yalni ix tet Comam:

—Caw wohtajan tato chul hune' naj Mesías, ha' ton Comam Cristo Cocolomal, yu Comam Dios. Hayet chihul naj tu' xin, ha' naj chi-cam-halni yin tzet caw yelapno ye sunil, xi ix tet Comam.

²⁶ Yalni Comam xin:

—Hanintonan hune' chawal ti', hune' lañan istzotel tawet ti', xi Comam tet ix.

²⁷ Hayet lañan istzotel Comam tu' xin, yapni ebnaj iscuwom. Caw c'ayilo isc'ul ebnaj yilni istzotel Comam yeb hune' ix ix tu'. Wal xin caw machi hunu ebnaj k'ambeni tzet yin xin tzotel Comam yeb ix, yeb xin tzet chal Comam yeb ix.

28 Lahwi tu' xin, isbejnicano ix istz'ahab isti' c'uh tu', isto ix yalno tet anma yul iscoñob haca' ti':

29 —Catawej, toñwe jila' hune' mac mahalni wetan yin sunil tzet wehicojan. ¿C'uxan tato ha' naj tu' Cristo? Xi ix.

30 Hayet yaben anma hune' tu', istit anma yilno Comam.

31 Yet maŕto chiapni anma isc'atañ Comam, yalni ebnaj iscuwym Comam:

—Mam cuywawom, wa'añ, xi ebnaj tet Comam.

32 Istak'wi Comam tet ebnaj:

—Ay hune' tzet chinlohan caw mach heyohtajoj, xi Comam.

33 Yoc ebnaj iscuwym Comam tu' yalno tet hunun haca' ti':

—¿Toc'anab xin ay mac mahulic'o ak'no tzet chislo Comam ti'? Xi ebnaj.

34 Yalni Comam xin:

—Wal xin, ha' tzet choche Comam chejñeintijan, ha' chiwochehan chinwatx'ehan, cat xin inlahnihan ismunil ak'bilcano yul ink'aban. Yuxin hayet chinwatx'enan ismunil ti', caw lahan yeb haca' yet lañan inwa'an.

35 Hex ti' cheyala ta cañebto ixahaw bay chic'uplaxcañ ixim trigo. Caw hactic'am tu', yaj chiwalan teyet: ¡T'añaxañwetoj lah, naweloy! Caw maayilo istiepmohal iscutxbalaxico anma wetan, haca' chiyu iscutxbalax ixim trigo yet chik'anbilo ixim.

36 Ha' naj chic'upnicañ ixim trigo chischah naj istohol, yechel naj ye naj chiinito anma isc'atañ Comam yu ischahni isk'inal chiyak' Comam.

Yuxin naj chitz'unni ixim yeb naj chic'upnicañ ixim, lahan istzala isc'ul ebnaj iscawañil.

³⁷ Haca' yalni anma chijabe: “Nan naj chitxihni ixim trigo, nanxapaxo naj chic'upnicañ ixim,” ñi.

³⁸ Yuxin chexinchejtojan xol anma, haca' ebnaj chic'upnicañ ixim trigo tu', nan ebnaj babel munlanahi haca' yiñ istxihnayo ixim, hex ti' xin caw toxañe chexec' hec'upu'cañ ixim, ñi Comam tet ebnaj.

³⁹ Caw tx'i'al anma yul hune' coñob ay yul ismajul Samaria tu' chahnicano Comam yul yanma yuto caw wiyom yalni ix haca' ti': “Mayalilo naj wetan yiñ sunil tzet xale inwatx'ehan,” ñi ix.

⁴⁰ Yuxin hayet yapni anma tu' isc'atañ Comam, yalni anma tet Comam tato chicancano Comam yul coñob tu'. Hac tu' xin yu iscancano Comam cab tz'ayical bey tu'.

⁴¹ Caw xin hantañeto anma chahnicano Comam yul yanma yet yaben iscuywacanto Comam.

⁴² Yalni anma tet ix tzotel tet Comam haca' ti':

—Wal tinañ, caw chijaytojañ yul janmahañ, yaj maññetaj yu tzet maxawal jetañ, to yu hañ-caw-oñañ majabeñañ tzet chal Comam, yuxinto caw johtajañ ta ha' Comam ti' Cristo, ha' Cocolomal cosunil yul sat yibañk'inal ti', ñi anma tet ix.

Yak' cawxo Comam Jesús isc'ahol hune' naj chimunla yinta naj rey

⁴³ Yet islahwi cab tz'ayic yec' Comam Jesús bey ismajul Samaria tu' xin, isto Comam bey yul ismajul Galilea.

44 Caw xin halbilxatic'a yu Comam tu' tato caw machi hunu ebnaj ischejab Comam Dios xahan chiillax yul iscoñob.

45 Hayet yapni Comam bey Galilea tu' xin, caw c'ul yu ischahlax Comam yu anma, yuto yil anma tzettaj iswatx'e Comam yet yec' k'iñ Pascua bey Jerusalén, yet isbeyc'o anma yin k'iñ.

46 Yapni Comam Jesús bey yul coñob Caná bay elico ha ha' vino hal yu Comam. Ha' bey yul coñob Capernaum xin, ay hune' naj niman yelapno ismunil chimunla yinta naj rey, ay xin hune' isc'ahol naj caw tx'oj ye isc'ul yu yabil.

47 Yet yaben naj tato tit Comam Jesús bey Judea yapni bey ismajul Galilea tu', isto naj yilno Comam. Isk'anni naj tet Comam tato chito Comam yila' hune' isc'ahol naj caw how yehico yabil yin, lañanxa iscami.

48 Yalni xin Comam tet naj haca' ti':

—Wal hex ti', tato mach cheyil sunil wipan yeb ej c'aybalc'ule chinwatx'ehan, caw mañtic'am chin-hechahan yul heyanma, xi Comam.

49 Yalni naj tet Comam:

—Mamin, toñ yin añe yak' isba mañto chicam inc'aholan, xi naj tet Comam.

50 Yalni Comam tet naj:

—Paxaño hawatut, cawxa naj hac'ahol, xi Comam tet naj. Hac tu' yu yanayto naj yul yanma yin tzet yal Comam, ispaxto naj yatut.

51 Yet ayco naj yin isbel bey coñob Capernaum tu', yapni huntেক'an ebnaj ismunlawom naj chahwal yin yul beh, yalni ebnaj tet naj:

—Cawxa naj hac'ahol, xi ebnaj tet naj.

⁵² Isk'ambenilo naj mame tu' tet ebnaj ismunlawom:

—¿Hanic' mawatx'ilo isc'ul inc'aholtu'an? Xi naj. Yalni ebnaj:

—Ewitax yiri ch'en hujeb yel k'a' yiri naj, xi ebnaj.

⁵³ Istxumni naj mame tu' ta haca'tic'a orahil chal ebnaj ismunlawom naj tu', hac tu' orahil yet yalni Comam Jesús tet naj haca' ti': “Cawxa naj hac'ahol tu' tinañ,” xi Comam. Hac tu' xin yu ischahnicano naj Comam Jesús yul yanma yeb sunil mac ay bey yul yatut naj tu'.

⁵⁴ Ha' hune' c'aybalc'ule ti' iswatx'e Comam yul ismajul Galilea lahwi isbey Comam yiri k'iri bey Judea. Ha' xin iscab c'aybalc'ule ti' iswatx'e Comam.

5

Yet yak'ni cawxo Comam Jesús hune' naj camnaji lo yoj

¹ Lahwi tu' xin, istopaxo Comam Jesús yul coñob Jerusalén yiri hune' isk'iri anma Israel chiec' yul coñob tu'.

² Bey yul coñob Jerusalén tu' xin, iscawilal ispuhtahil bay ch'octo no' me', ha' tu' ay hune' ha ha' toñe etxan. Yul abxubal hebreo *Betesda* isbi hune' ha' tu'. Isti'la ha' tu' xin, aycañ howeb ña machi yich.

³ Caw xin tx'i'al anma ya'ay hilanejayo yul hunték'an ña tu'. Ay mac mach chu yilni, ay xin mac mach chu yeq'ui, aypaxo mac mach chibili isnimanil. Hunték'an anma ya'ay tu' ayco yechman isbilicañ ha',

⁴ yuto caw yirñe istieñpohal chihulayti hune' naj ángel isbile ha', macñetic'a babel chiayto yet chibilicari ha' xin, ha' chiañchahi, cat yel tzettaj yabilal ayco yirñ.

⁵ Xol anma ya'ay tu' ayayo hune' naj treinta y ocho habilxa yoc yabil yirñ.

⁶ Hayet yilni Comam Jesús ta hilanayo naj bey tu', istxumnilo Comam tato caw payxa ichico naj, yalni Comam tet naj:

—¿Chimhawoche chañchahi? Xi Comam.

⁷ Yalni naj tet Comam haca' ti':

—Mamin, caw machi hunu mac chinanaytojan xol ha' ti' yet chibilicari ha'. Hayet chinaytojan xol ha' walnihan, nan mac chibabayto insatajan, xi naj tet Comam.

⁸ Yalni Comam tet naj xin:

—Ahañwanoj, icari hawaybal ti', cat hatohi, xi Comam tet naj.

⁹ Yirñena tu' iscawxicari naj, yoc naj yinocari iswaybal, isto naj xin. Hayet yañchacano naj tu', c'uxan istz'ayical xewilal,

¹⁰ yuxinto yal ebnaj yahawil yirñ coriob Israel tet naj haca' ti':

—Wal tinañ, caw istz'ayical xewilal, caw mach chu hawijnic'o hawaybal ti', xi ebnaj tet naj.

¹¹ Istak'wicari naj cawxicari tu':

—Ha' mac maquinak'ni cawxojan, ha' mahalni wetan haca' ti': “Icari hawaybal, cat xin hatohi,” xi wetan, xi naj tet naj yahawil tu'.

¹² Isk'amben ebnaj tet naj:

—¿Mac xin najil mahalni tawet, ta chawicari hawaybal cat xin hatohi? Xi ebnaj.

¹³ Wal xin caw mach yohtajo naj mac ak'ni cawxo tu', yuto caw hantañe anma bey tu', caw xin pet c'aycañ Comam Jesús xol anma.

¹⁴ Lahwi tu' xin, ischahnayo Comam Jesús naj yul yatut Comam Dios, yalni Comam tet naj:

—Wal tinañ, caw macachcawxiloj. Matxa chawaco yak'bil hamul haxinwal matxa hunuxa isya'tajil caw tx'oj chul tawibañ, xi Comam tet naj.

¹⁵ Lahwi tu' xin, isto naj yalno tet ebnaj yahawil yeco yiñ coñob Israel tato ha' Comam Jesús ak'ni cawxo naj.

¹⁶ Hac tu' xin, yu yoccano ebnaj yanoco ishowal yiñ Comam isyayil yak' cawxo Comam hune' naj yiñ istz'ayical xewilal.

¹⁷ Yalni Comam Jesús xin:

—Inmaman, mañtic'a chisbej ismunlahi, yuxin haquintu'an, mañtic'a chinbejcanojan inmumlan, xi Comam.

¹⁸ Hac tu' xin, caw yacanico ebnaj yahawil coñob Israel tu' yiñ isc'ul yak'ni camo Comam Jesús, yuto mach isyije Comam hune' tz'ayic xewilal.

Ishelanil yip Isc'ahol Comam Dios

¹⁹ Yalni Comam Jesús tet ebnaj:

—Yiñ caw isyelal chiwalcanojan teyet, caw Isc'ahol Dios wehan, yuxin ha' hunték'an chinwatx'eti'an caw mach wetojan inchuquilan. Ha' tzet chak' Inmaman inwatx'ehan, ha' chiwuhán, yuxinto sunil tzet chiswatx'e Inmamtu'an, caw chiyupaxo wuhan.

²⁰ Wal haninti'an, Isc'ahol Dios wehan, caw xin xahan ayinan yu Inmamtu'an. Sunil tzet chinwatx'ehan Inmamtu'an chiyeni wetan. Ayto xin

huntek'an tzet caw ay yelapno chisye Inmamtu'an wetan cat inwatx'enan, hac tu' xin chic'ay hec'ul heyilni.

²¹ Wal Inmamtu'an chiyu yak'ni itzitzbocari camom, cat xin yak'nipaxo isk'inal mach istaribal. Haquinpaxtu'an chiwak'an k'inale tet mac bay choche inc'ulan chiwak'an.

²² Machi hunu anma chiyil Inmaman yiri tzet chielicoj, walxinto haninan ak'bil wipan yu Inmaman yu wilnihan yiri tzet chielico anma.

²³ Caw yul ink'aban ayco huntek'an ti' yu Inmaman yuri lahanre ch'oc inmayan yeb Inmaman. Yaj tato ay anma machi welapnojan yul sat, caw machipaxo yelapno Inmaman yul sat chal tu', yuto Inmamtu'an chejneintijan.

²⁴ Yiri caw isyelal chiwalan teyet, macnetic'a ch'aben tzet chiwalti'an, cat yanayto yul yanma yiri Inmaman chejneintijan, chischah isk'inal mach istaribal. Hac tu' xin mach chicawxico ismul yiban, caw wiyom yel yul isk'ab naj camical, cat ischahnicano isk'inal yiri hunelre.

²⁵ Wal hanin Isc'ahol Comam Dios weti'an, caw chiwalcanojan teyet tato chihul istiepmahal, ha' ton tinar yet chaben anma camom wawihan; ha' mac chiaben tzet chiwalti'an xin chischah isk'inal mach istaribal.

²⁶ Wal Inmaman, ha'tic'a ik'ne isk'inal, haquinpaxtu'an wiran ayco ink'inalan yu Inmaman. Haca' chu yak'ni Inmaman isk'inal anma, hac tu' chu wak'nipaxoan.

²⁷ Chak'nipaxo Inmaman wipan yul ink'aban wilnihan yiri tzet chielico anma, ta c'ul maca tx'oj tzet chiswatx'e. Ay hune' wipti'an yuto Hanin

Ak'bilintijan texol yu Inmaman.

²⁸ Caw mach cheyak' c'ayo hec'ul yiri huntex'an tzet chiwalcanojan teyet ti'. Wal xin caw chiapni istiepohal yet chaben sunil anma camomxa yul innuk'an, cat xin yitzitzbicañ.

²⁹ Macrietica c'ul tzet iswatx'e yul sat yibañk'inal ti', chiitzitzbicañ cat ischahni hune' isk'inal mach istañbal, walpaxo anma caw istx'ojalñetic'a hulic'o iswatx'e yul sat yibañk'inal ti', chiitzitzbicañ cat xin ischahni isya'tajil,* xicano Comam Jesús.

Comam Dios chitzotel yiri Comam Jesús

³⁰ Yalnipaxo Comam Jesús tet ebnaj yahawil yeco yiri coñob Israel:

—Wal haninti'an, caw machi hunu ti' chinwatx'ehan yul wetan inchuquilan. Haca' halbil wetan yu Inmaman hac tu' chu wilnihan yiri tzet chielico anma, yaja' chiwilan yiri tzet chielico yiri caw istoholal. Yuxin ha' tzet chal isc'ul Inmaman añeintijan, ha' chinwatx'ehan, mañtaj tzet chiwochehan.

³¹ Tato han-caw-inan chinocan tzotelo yiri sunil tzet chinwatx'ehan, caw matzet chalilo chal tu'.

³² Yaja' ay hune' mac caw chak' isba istzotel wiñan, caw xin wohtajan ta sunil tzet chala caw yeli.

³³ Yet hechejnito hechejab tet naj Juan hek'ambeno tzet caw yelapno ye naj, caw isyelal yal naj teyet.

* 5:29 Dn 12:2

³⁴ Yaj maʔtaj yu wik'ni wipan yiñ tzet chal anma yuxin chiwalan hune' ti' teyet, machoj, walxinto yu hecolchahi.

³⁵ Naj Juan tu', caw lahan naj haca' hunu cantil ayco k'a' yiñ, nahat chimujli isk'ak'al. Caw hac tu' yu yulic'o naj, yuxintic'a quextzalacañ yu naj hanic' tiempohal.

³⁶ Yaja' ay hune' tzet caw ec'bal yelapno ye sata tzet yal naj Juan tu' wiñan, sunilej c'aybale'ule yak' Inmaman inwatx'ehan, ha' chitzotel wiñan. Ha' xin chiyeniloj tato ha' Inmaman quinanitijan.

³⁷ Ha' Inmaman añeintijan ha' chitzotel wiñan, walex hex ti' caw maʔto bay cheyabe istzoteli, caw maʔto chetxumilo mac caw Inmaman.

³⁸ Caw maʔto Istzoti' Inmamtu'an yul heyayma, yuto mach cheyayto yul heyayma wiñan, wal xin ha' Comam Dios añeintijan.

³⁹⁻⁴⁰ Hex ti' caw cheyil hecuyni Istzoti' Comam Dios, yuto ch'ec' yiñ henabal ta yiñ tu' chilchalo hek'inal mach istañbal. Yaja' waxañca Istzoti' Comam Dios tu' chitzotel wiñan, yaja' mach chisje hec'ul chexoc tzujno wintajan yuñe hechahni hek'inal mach istañbal chiwak'ti'an.

⁴¹ Maʔtaj yu yalaxico inmayan yu anma yuxin chiwalan huntেক'an tzoti' ti'.

⁴² Wal haca' quexwilniti'an, caw mach chey-oché Comam Dios.

⁴³ Haninti'an caw chejbilintijan yu Inmaman, yaj caw mach cheyabe tzet chiwalan. Wal tato hunuxa naj comon anma chihul yeb yet, wal tu' caw sak'al heyijen sunil tzet chal naj.

⁴⁴ ¿Tzetic'a chu heyayto yul heyayma tato hemay cheyaco hununex, wal helanil chitit tet

Comam Dios, caw mach chicam hec'ul hesayniloj?

⁴⁵ Tajca cheyala tato haninti'an chinocan ak'oc'ule yin hemul tet Inmaman, walxinto ha' caw naj Moisés chioc ak'oc'ule teyin, naj bay chicawxi hec'ul.

⁴⁶ Wal xin tato cheyayto yul heyanma yin tzet tz'ibnebilcano yu naj Moisés, chimheyapaxayto yul heyanma wiñan, yuto wiñan chitzotel hunték'an tzet tz'ibnebilcano yu naj.

⁴⁷ Yaja' tato mach cheyayto yul heyanma yin tzet tz'ibnebilcano wiñan yu naj tu', tzic'anab chiyu heyanayto yul heyanma yin sunil tzet chiwalti'an, xi Comam tet ebnaj.

6

Yet yak'ni wa'o Comam Jesús howeb mil ebnaj winaj

(Mt 14:13-21; Mr 6:30-44; Lc 9:10-17)

¹ Lahwi tu' xin, isto Comam Jesús isk'axepic'to ha' lago Galilea, chiyijpaxo Tiberias.

² Caw xin hantañe anma oc tzujno yinta Comam, yuto yil anma tu' iswatx'en Comam c'aybalc'ule yet iscawxi anma ya'ay yu Comam.

³ Isto Comam Jesús iswi' hune' woñan yeb ebnaj chicuywi yintaj, yay tz'oñino Comam yeb ebnaj bey tu'.

⁴ Toxa xin chiichico k'iñ Pascua, isk'iñ ebnaj Israel.

⁵ Yet yilni Comam xin ta caw hantañe anma apni isc'atañ, yalni Comam tet naj Felipe:

—¿Baytu'wal chicolok' tzet chislo sunil anma ti'?
xi Comam tet naj.

⁶ Yal Comam hune' ti' yuñe yaben Comam tzet chiyute yalni naj Felipe. Wal Comam xin, caw yohtaxa tzet chiyu yak'ni wa'o sunil anma tu'.

⁷ Istak'wi naj:

—Waxañica ay cabo ciento denario comelyu chilok'ni tzet chilolaxi, caw mañtic'am chabe yik'ni anma hunta tx'inano yet, ñi naj tet Comam.

⁸ Ay xin hune' naj chicuywi yinta Comam tu', yuxta isba yeb naj Simón Pedro, Andrés isbi. Ha' naj halni:

⁹ —Ay hune' naj nich'an coxol ti', ay cac'oñ no' cay ik'bil yu naj yeb xin howeb ixim pan cebada, yaja' ¿tzet chak' hanic' ti' yin sunil anma? ñi naj tet Comam.

¹⁰ Yalni Comam tet ebnaj iscuywom tu':

—Halwe tet sunil anma ayojab tz'oñnoj, ñi Comam.

Caw xin chek'anla sat tx'otx' bey tu', yuxin hacñe tu' yu yay tz'oñno anma sunil. Aymi howebo mil isbisil ebnaj winaj.

¹¹ Yinicañ Comam ixim pan tu'. Yet lahwi yak'ni Comam yuch'andiosal yin ixim tet Comam Dios, yitxk'anto Comam ixim yin anma tz'oñan tu'. Hactic'apax tu' yute Comam yin no' cay, yak' Comam hantatic'a caw choche anma.

¹² Hayet lahwi isnohcano isc'ul anma tu' xin, yalni Comam tet ebnaj chicuywi yintaj:

—Cutxbaweyo sunil ixim matxa malahwi yu anma ti', haxinwal machi ixim chietaxtoj, ñi Comam.

¹³ Hac tu' xin yu iscutxbanico ebnaj ixim, caw xin cablahoñebto motx ixim matxa lahwi yu anma tu' yin ixim howeb pan cebada.

14 Yet yilni anma hune' c'aybalc'ule iswatx'e Comam Jesús tu', yalni anma haca' ti':

—Yiñ caw yeli, ha' hune' naj ti' ischejab Comam Dios halbilcanoj tato chihul coxol bey yul sat yibañk'inal ti', xi anma.

15 Isnani Comam Jesús tato ch'ec' yiñ isnabal anma yinito Comam cat yanico anma Comam yahawiloj, yuxinto el Comam xol anma, isto Comam iswi' woñan ischuquil.

Yet isbelwic'o Comam Jesús yibañ ha ha'
(Mt 14:22-27; Mr 6:45-52)

16 Yet yay numnahi yapni ebnaj iscuwymom Comam Jesús isti' ha' lago.

17 Lahwi tu' xin yocto ebnaj yul hune' te' barco yuñe yec' apno ebnaj isk'axepxac'to ha' lago cat yapni ebnaj yul coñob Capernaum. Caw xaay numnahi, mañtotic'a xin chiapni Comam isc'atañ ebnaj.

18 Yet bel chu isbarco ebnaj yibañ ha' tu', istzabnico yec' hune' niman jak'ek'. Caw nahat chi'ah ha' isbilen jak'ek'.

19 Ayxam xin yictajo iscab legua chito isbarco ebnaj yibañ ha' lago tu', yilni ebnaj Comam Jesús belwo chu yibañ ha'. Lañan xin ishitzico Comam isc'atañ te' barco bay ayicto ebnaj tu', isxiwcañ ebnaj.

20 Yalni Comam tet ebnaj:

—Haninan, mach chexxiwcañ, xi Comam.

21 Yuxinto caw tzalacañ ebnaj ischahnicto ebnaj Comam yul barco tu' isc'atañ. Hunepixto xin, yapni ebnaj isk'axepic'to ha' bay nabilto yu yapni.

Saywa anma yiñ Comam Jesús

²² Haxa yiri hunxa tz'ayic xin, yet aytoc'lo anma sunil isti' ha' lago tu', isnaniti anma tato xato ebnaj iscuwym Comam yul hune' te' barco ayayo bey tu', hañe xin te' ayayoj. Isnanipaxti anma ta machi to Comam yinta ebnaj.

²³ Ay xin huntেক'an te' barco ispeto yul coñob Tiberias apni iscawilal bay iswah anma ixim pan yet yak'ni Comam yuch'andiosal yiri ixim tet Comam Dios.

²⁴ Yet yilni anma tato matxa Comam Jesús bey tu' yeb ebnaj chicuywi yintaj, yocto anma yul huntেক'an te' barco apni bey tu', isto anma saywal yiri Comam k'axepxac'to ha' bey yul coñob Capernaum.

Comam Jesús haca' tzet chilolaxi chiak'ni k'inale

²⁵ Yet yec' apno anma isk'axepic'to ha' lago tu' yilcha Comam yu anma. Isk'amben anma tu' tet Comam:

—Mam cuywawom, ¿hanic' hawul bey ti'? xi anma tet Comam.

²⁶ Istak'wi Comam tet anma:

—Yiri caw isyelal chiwalan teyet, walex hex ti', chinhesayilojan yuto caw noh hec'ul yu ixim pan wak'an hewab. Mařtaj yu matxumchalo heyu yiri tzet chal yelapno ye hune' c'aybalc'ule in-watx'etu'an, xi Comam.

²⁷ Yalnipaxo Comam:

—Mařrietaj tzet chelo cheyaco yiri hec'ul hesayniloj yuto hune' tu' chilahwi. Wal xin ay hune'xa haca' tzet chico mach chitañiloj, ha' hune' tu' chiak'ni hek'inal mach istañbal. Ha' hune' tu' wal heyánico yiri heyánma hesayniloj. Hanin Ak'bilintijan texol yu Inmaman, haninan chiwak'an hune' itah, ha' ton k'inale mach

istañbal, yuto xaisyelo Comam Dios tato haninan sic'bilintijan yu, xi Comam Jesús tet anma.

²⁸ Isk'amben anma tet Comam:

—¿Tzet xin wal juten cobahañ yuñe cowatx'enañ sunil tzet choche isc'ul Comam Dios? xi anma.

²⁹ Istak'wi Comam:

—Ha' hune' chiyoche Comam Dios to cheyayto yul heyanma wiñan, yuto ha' Comam chejñeintijan, xi Comam.

³⁰ Yalnipaxo anma tet Comam:

—¿Tzet xin hunu c'aybalc'ulehal chaye jila'añ, yuñe cachcochahnihañ yul janmahañ? ¿Tzet hunu chawatx'e?

³¹ Ebnaj jichmamañ yet payat, ay hune' c'aybalc'ule ilbil yu ebnaj yet isloni ebnaj maná bey tx'otx' desierto. Haca' yalni Istzoti' Comam Dios bay chal haca' ti': "Yati Comam Dios hune' itah satcañ islob sunil anma," xiayo, xi anma tet Comam.

³² Yalni Comam tet anma:

—Yiñ caw isyelal chiwalan teyet, mañtaj naj Moisés ak'ñe hune' itah satcañil tu' tet ebnaj jichmam yet payat tiempo tu'. Wal xin itah tit yul satcañ tu' yechel yiñ hune' wah caw yeli chak' Inmaman teyet.

³³ Hune' wah chak' Comam ti', yul satcañ titnaj, ha' xin chiak'ni k'inale mach istañbal tet anma, xi Comam.

³⁴ Yalni anma tet Comam:

—Mamin, ak' hune' wah tu' jetañ yiñ sunilbal tiempo, xi anma.

³⁵ Yalni Comam tet anma:

—Hanintonan hune' wah tu', yuto chiwak'an k'inale mach istañbal. Macñetic'a chaco isba yul

ink'aban, matxa bak'inal chiñohchahi, yeb xin macñetic'a chianayto yul yanma wiñan, matxa bak'inal chitajpaxo isti'.

³⁶ Caw xatic'a walan teyet, waxañca caw chey-
ilico wiñan, yaja' caw mach cheyaco heba yul
ink'aban.

³⁷ Wal xin, sunil mac chahti Inmaman
wetan, chul yul ink'aban, yuxin mac chihul
yul ink'abtu'an caw chinchahan, mach
chinmañic'otojan.

³⁸ Wal haninti'an, quintitan yul satcañ, yaj
mañtaj yu inwatx'enan tzet chal inc'ulan, wal xin
titnajinan yuñe inwatx'enan tzet chal isc'ul Inma-
man chejñeintijan.

³⁹ Ha' tzet choche isc'ul Comam chejñeintijan
yiñ sunil macta chiyaco yul ink'aban, ta machi
hunu mac chic'ayto wuhan, to chiwak' itzitzbo-
cañan yet chiapni islahobal tz'ayic.

⁴⁰ Ha' choche isc'ul Inmaman, to ha' mac chinil-
nihan ta haninan Isc'ahol Dios wehan, cat yanayto
yul yanma wiñan, chischah isk'inal mach is-
tañbal. Haxa yet chiapni islahobal tz'ayic, cat
wak'ni itzitzbocañan xol camom, ñi Comam.

⁴¹ Yet yaben ebnaj yahawil yiñ ebnaj Israel yiñ
tzet chal Comam tu', yoc ebnaj buchwal yiñ Co-
mam yuto yal Comam haca' ti': "Haninti'an hune'
wah titna yul satcañ," ñi Comam.

⁴² Yalni ebnaj haca' ti':

—¿Tom mañtaj naj ti' naj Jesús, isc'ahol naj José?
Caw johta mac ismam naj yeb ismi' naj. ¿Tzet yiñ
yuxinto chal naj tato yul satcañ titna naj? ñi ebnaj
yiñ Comam.

⁴³ Yalni Comam tet ebnaj:

—Bejwe hetzotel wiñan.

⁴⁴ Caw machi hunu mac chihul yul ink'aban tato maɣtaj Inmaman chichejniti wetan, Comam añeintijan. Haninan xin chiwak' itzitzbocañan yet islahobal tz'ayic.

⁴⁵ Tz'ibñebilcano yu ebnaj ischejab Comam Dios yet payat haca' ti': "Sunil mac chicuytax yu Comam Dios," xiayoj. Yuxin sunil mac chiaben tzet chal Comam Dios tu', chitxumchalo yu yiñ tzet chala, ha' xin chihul yul ink'aban.

⁴⁶ Caw maɣto hunu mac ilñe yiñ Comam Dios Mame hachcachanñe inan, yuto yul satcañ titnajan, yuxinto caw wohtajan Comam.

⁴⁷ Yiñ caw isyelal chiwalan teyet, macñetic'a chinchahnihan yul yanma, caw chischah hune' isk'inal mach istañbal.

⁴⁸ Haninti'an ha' ton hune' wah chiak'ni k'inale mach istañbal.

⁴⁹ Ha' ebnaj heyichmam yet payat tu', iswah ebnaj huntেক'an maná bey tx'otx' desierto, yaj xin sunil ebnaj xa-le-camtoj.

⁵⁰ Yaja' mac chiwahni hune' wah titna yul satcañ, chiwalti'an xin, machi bak'inal chicami.

⁵¹ Hanintonan hune' wah itzitz titna yul satcañ, yuxin macñetic'a chiwahni hune' wah ti', caw itzitzñetic'a yiñ sunilbal tiempo. Ha' hune' wah chiwak'ti'an, ha' ton innimanilan chiwak'an yuñe ischahni anma isk'inal, xi Comam Jesús tet anma.

⁵² Hayet yaben anma Israel huntেক'an ti', istzabnico anma isteyelen isba yiñ tzet yal Comam. Leyalni anma haca' ti':

—¿Tzet chu yak'ni naj ti' isnimanil coc'uxu'? xi anma tet hunun.

⁵³ Yalni Comam xin:

—Yiñ caw isyelal chiwalan teyet, haca' tato mach chec'ux innimanilti'an, Hanin Ak'bilintijan texol yu Comam Dios, yeb xin haca' ta mach cheyuc' inchiq'uilan, mach chechah hek'inal mach istañbal.

⁵⁴ Yuxin macñetic'a chic'uxni innimanilti'an, cat yuc'ni inchiq'uiliti'an, caw chischah isk'inal mach istañbal. Hayet islahobal tz'ayic xin chiwak' itzitzbocañan xol anma camom.

⁵⁵ Yuto innimanilti'an lahan haca' wah, ha' chiak'ni k'inale mach istañbal, hacpax tu' xin inchiq'uilan haca' tzet chiuc'laxi.

⁵⁶ Macñetic'a chic'uxni innimanilan cat xin yuc'ni inchiq'uilan, caw hunxañe chiwucanojan yebi.

⁵⁷ Comam Dios caw itzitz yiñ sunilbal tiempo, ha' Comam tu' quinchejnitijan, yuxin itzitz inñetic'apaxojan. Hac ton tu' xin, mac chic'uxni innimanilti'an, caw itzitzñetic'apaxo wuhan.

⁵⁸ Hanintonan, hune' wah titna yul satcañ, yaj mach haca'o maná islo ebnaj jichmam, yuto waxañca islo ebnaj huntেক'an maná tu', yaj cam ebnaj. Wal mac chiwahni hune' wah chiwalti'an xin, caw ay isk'inal mach istañbal, xi Comam.

⁵⁹ Sunil huntেক'an ti' yak' Comam Jesús iscuyu' anma yul iscapilla ebnaj Israel bey yul coñob Capernaum.

Cuybanile yet k'inale mach istañbal

⁶⁰ Yet yaben anma chicuywi yinta Comam Jesús huntেক'an cuybanile yak' Comam tu', tx'i'al ebnaj halni tet hunun:

—Caw ya'ta cochahni huntেক'an chal naj ti'.
¿Mactaxca chik'oji isyijeni? xi ebnaj.

⁶¹ Wal Comam xin, caw yohtaxa tzettaj chal ebnaj tu', yuxin yal Comam haca' ti':

—¿Tom caw chicabconcañ hec'ul yin tzet chiwalti'an?

⁶² Wal Hanin Ak'bilintijan texol yu Comam Dios ti', tato cheyil inmeltzohan yul satcañ bay titnajan, ¿tzixam chi-la-heyala'?

⁶³ Ha' Yespíritu Comam Dios ha' chiak'ni k'inale mach istañbal, wal conimanil matzet chak'a. Huntেক'an cuybanile xawalan teyet tu', yin caw yeli yet Espíritu yehi, ha' chiak'ni k'inale mach istañbal.

⁶⁴ Yaja' ayexto hex ti', mahto cheyayto yul heyanma yin tzet chiwalti'an, xi Comam.

Yal Comam haca' tu' yuto caw yohtaxa Comam yet caw yalañtocoj macta mach chianayto yul yanma yin tzet chal Comam. Caw xin yohtaxapaxo Comam mac chianico yul isk'ab ebnaj ayco ishowal yin.

⁶⁵ Yuxinto yalpaxo Comam haca' ti':

—Caw chiwalan teyet tato caw machi hunu mac chaco isba yul ink'aban tato mahtaj Inmaman chichejniti wetan, xi Comam.

⁶⁶ Yet yaben anma tzet yal Comam tu' xin, tx'i'al anma bejnicano yec' yinta Comam.

⁶⁷ Yuxinto isk'ambe Comam tet ebnaj cablahoñwañ iscuymom:

—Haxa hex ti', ¿chimheyoche chextopaxoj? xi Comam tet ebnaj.

⁶⁸ Istak'wi naj Simón Pedro, tet Comam:

—Mamin, macc'anab yinta choñoc tzujnojañ, yuto hañc'añie hatzoti' chiak'ni k'inale mach istañbal.

⁶⁹ Wal hañoñti'añ, caw xajaytojañ yul janma-hañ tawiñ. Caw xin johtajañ tato ach ti' Cristo hach, Isc'ahol Comam Dios caw itzitz, ñi naj Pedro tet Comam.

⁷⁰ Yalni Comam tet naj:

—Wal xin quexinsayilojan hecablahoñwañil, yaj ay hune' hex ti' ayayto naj matzwalil yul yanma, ñi Comam tet ebnaj.

⁷¹ Yet yalni Comam haca' tu', yirñ naj Judas, isc'ahol naj Simón Iscariote yal Comam. Yuto waxañca ayco naj yetbiho ebnaj cablahoñwañ, yaj xin ha' naj anico Comam yul isk'ab camical.

7

Ebnaj yuxta Comam Jesús mach yayto ebnaj yul yanma yirñ Comam

¹ Lahwi tu' xin, istzabnico Comam Jesús yec' yul ismajul Galilea. Matxa isje isc'ul Comam ehoyo yul ismajul Judea yuto caw chiyoche ebnaj yahawil yirñ ebnaj Israel yak'a' camo Comam.

² Toxa xin chiichico hune' k'irñ *Poy telaj* isbi, hune' isk'irñ anma Israel,

³ yalni ebnaj yuxta Comam tu' tet:

—Mach chañcan bey ti', wal xin asi' bey Judea bay caw ay anma chicuywi tawintaj, haxinwal chil anma c'aybalc'ule chi-la-hawatx'e ti'.

⁴ Yuto ta ay hunu mac choche chiohtañelaxi mach chiswatx'e hunu tzet ye tu' bay ewan, yuxin yilal hayeni sunil c'aybalc'ule chi-la-hawatx'e ti' yirñ sat anma, ñi ebnaj tet Comam.

⁵ Hac tu' yute yalni ebnaj yuto mach chayto ebnaj yul yanma yin Comam.

⁶ Yuxinto yal Comam tet ebnaj haca' ti':

—Maŕto chiapni istz'ayical inyenilo inbahan tet anma, wal hex ti', tzijxañe tz'ayical c'ul heyenilo heba.

⁷ Anma yul sat yibañk'inal ti' mach chexisyaha, walinan xin caw caj chinillaxan, yuto chiwalan tato caw machiswalil sunil tzet chiswatx'e anma.

⁸ Asi'we hex ti' yin k'in tu', walinan mach chintohan, yuto maŕto chiapni istiepmohal inyenilo inbahan tet anma, xi Comam.

⁹ Yet lahwi yalni Comam huntেক'an ti' tet ebnaj xin, iscancano Comam bey Galilea.

To Comam Jesús yin k'in Poy telaj

¹⁰ Yet xato ebnaj yuxta Comam Jesús tu' yin k'in istopaxo Comam, yaj yin ewantajil.

¹¹ Caw xin chissayic'o ebnaj iswi'ehal ebnaj Israel tu' Comam Jesús yin k'in tu', chalni ebnaj:

—¿Baytaxca tu' ay hune' naj winaj tu'? xi ebnaj.

¹² Caw xin nanantaxañe chal anma yin Comam, ay anma chalni: “Caw c'ulcano hune' naj tu',” xi. Aypaxo anma chihalni: “Caw machiswalil hune' naj tu', caw toñe chiyak' subchaho naj anma,” xipaxoj.

¹³ Yaja' xin caw ewanta chitzotel anma tu' yuto caw chixiw anma tet ebnaj yahawil yin anma Israel.

¹⁴ Hayet caw niman k'in tu', yocto Comam Jesús yul yatut Comam Dios, istzabnico Comam iscuyni anma.

¹⁵ Caw xin chic'ay isc'ul ebnaj Israel tu' yaben tzet chal Comam. Chi-la-yalni ebnaj haca' ti':

—¿Tzet chute hune' naj ti' yohtařenilo sunil huntেক'an ti'? Yaj mach cuywina naj, ři ebnaj yiri Comam.

¹⁶ Istak'wicař Comam tet ebnaj:

—Ha' cuybanile chiwalan teyet ti' mach wetojan inchuquilan, yet Comam chejřeintijan.

¹⁷ Tato ay mac chiyoche chisyije tzet chal Comam Dios, caw yilal istxumniloj tato yet Comam ye cuybanile ti'. Yohtapaxoj ta mařtaj yul inwi'an inchuquilan chiwitijan cat xin walnihan teyet.

¹⁸ Macřetic'a yul iswi' chiyiti tzet chiyak' iscuyu' anma, chiyute hune' tu' yuře yoc iswinajil sata anma. Wal hanin chejbilintijan yu Comam Dios, ha' yalaxico ismay Comam yu anma ha' chin-sayan, yuxin caw isyelal sunil tzet chiwalti'an, caw machi lek'ti'al yiri.

¹⁹ Caw ak'bil isley Comam Dios teyet yu naj Moisés, yaja' machi hunujex cheyije tzet chal hune' ley tu'. ¿Tzet yiri yuxinto chinhepotx'an heyalni? ři Comam tet ebnaj.

²⁰ Istak'wi ebnaj xin, yalni ebnaj tet Comam:

—Etzařem ay hunu ischejab naj matzwalil ayco tawiri. ¿Mac chachak'ni camo hawalni? ři ebnaj tet Comam.

²¹ Yalnipaxo Comam tet ebnaj:

—Yu hune' c'aybalc'ule inwatx'ehan yiri hune' tz'ayical xewilal caw hesunil chic'ayilo hec'ul yiri.

²² Hatax ebnaj heyichmam ichencanocař hune' circuncisión, ha' xin naj Moisés chihalni tato caw yilal isyijelaxi. Yuxinto waxařica yiri istz'ayical xewilal, cheyak' circuncidar niřte unin winaj semanahil ixto ispitzc'ahi.

²³ Walex hex ti', istz'ayicalojab xewilal masan cheyak' circuncidar nište unin yuñe mach che-mañic'o isley naj Moisés heyalni. Tato caw hac tu' cheyute, ¿tzet yuñ yuxinto caw chichiwa hec'ul wiñan yuto yet istz'ayical xewilal wak'ni cawxo-jan hune' naj?

²⁴ Mach toñeho chexoc heyila' yuñ tzet chiswatx'e anma. Tato cheyoche chexoc heyila' tzet yehi, ilwe yuñ caw istoholal, xi Comam tet ebnaj.

Yal Comam Jesús bay caw istiticoj

²⁵ Ay xin huntেক'an ebnaj ah Jerusalén halni haca' ti':

—¿Machmi taj naj ti' chal ebnaj ispotx'o'?

²⁶ Caw yuñ sat anma lañan istzotel naj lah, yaj machi hunu mac chicachni naj istzoteli. ¿Mato xayayto ebnaj jahawil ti' yul yanma tato ha' naj ti' Cristo?

²⁷ Yet chul Comam Cristo tu', machi hunu mac ohtañe baytu'wal chi-caw-istiticoj. Wal naj ti' xin caw johtaj baytu'wal titnaco naj, xi ebnaj yuñ Comam.

²⁸ Yet yaben Comam yalni ebnaj haca' tu', ha' ton yet lañan iscuylwa Comam yul yatut Comam Dios, yalni Comam yuñ caw ip:

—Caw quinheyohtajan heyalni, yeb xin heyohtaj baytu'wal titnaj inpaxojan. Yaja' caw mañtajinan witi inbahan inchuquilan, wal xin chejbilintijan yu Comam Dios, Comam caw isyelalñetic'a chala, yaj mach heyohtajo Comam.

²⁹ Wal inti'an caw wohtajan Comam tu', yuto yuñ Comam titnajinan, ha' quinanitijan, xi Comam.

³⁰ Yet lañan yalni Comam hune' tu' xin, ay huntেক'an ebnaj yoche inoto Comam yul te', yaj xin machi hunu mac tzabnayo Comam, yuto maḁto chiapni istiepohal bay chicami.

³¹ Caw xin hantañe mac chanayto yul yanma yirñ Comam, chi-la-yalni haca' ti':

—Yet chihul Comam Cristo tu', ¿tom caw ec'balto c'aybalc'ule chisye sata sunil tzet chisye naj ti' jet? Xi anma yirñ Comam.

Ischej ebnaj fariseo tzablaxo Comam Jesús

³² Yet yaben ebnaj fariseo tzet yal anma yirñ Comam Jesús tu', iscutxbanayo isba ebnaj yeb xin ebnaj yahawil sacerdote, ischejnito ebnaj ebnaj mayor chitañen yatut Comam Dios yu istzabnayo ebnaj Comam, cat yanicto Comam yul preso.

³³ Yalni Comam haca' ti':

—Hanic'xañech'an tiempohal ayinic'ojan texol, cat xin inpaxtojan isc'atañ Comam chejñeintijan.

³⁴ Hex ti' chexoc saywal wiñan, yaj matxa chinilchahan heyu, yuto mach chu heyapni bay chinapnitu'an, xi Comam tet ebnaj.

³⁵ Yichico ebnaj yahawil coñob Israel tu' isk'amben tet hunun haca' ti':

—¿Baytaxca tu' chito naj ti', yuxin chal naj tato matxa chiilcha naj ju? Ay ebnaj jet coñob pujanto xol ebnaj griego, ¿ham tu' chito naj cuywal xol ebnaj, cat yoc naj iscuyno ebnaj griego tu' yalni?

³⁶ ¿Tzet caw chalilo hune' chal naj ti': “Chinhesaya'an, yaj matxa chinilchahojan heyu, yuxinto mach chiyu heyapni bay chinapnitu'an?” xi naj, xi ebnaj yirñ Comam.

Hune' isnuk' ha ha' mach istañbal

³⁷ Ha' islahobal tz'ayic k'iři tu', ha' caw ay yelapno ye yul sat anma Israel. Yiři hune' tz'ayic tu' xin, ah liřino Comam Jesús, yalni Comam yiři caw ip haca' ti':

—Maquex chitaj heti' titařwe inc'atařian, cat heyuc'ni hune' ha ha' chiwak'an.

³⁸ Haca' yalni yul Yum Comam Dios bay chala: “Ha' mac chianayto yul yanma wiřian, haca' chiyu ispitzc'a isnuk' ha ha' chiel yojomal, hac tu' chiyu ispitzc'a isnuk' ha' yet k'inale yul yanma,”* řiayoj, ři Comam tet ebnaj.

³⁹ Yal Comam Jesús hune' ti' yiři Comam Espiritu Santo chischah macta chianayto yul yanma yiři Comam. Yet hune' tiempohal tu' xin, mařto chiay-ilo Comam Espiritu Santo isyayil mařto chiilaxto Comam yul satcaři.

Nananta yute istxumni anma yiři Comam Jesús

⁴⁰ Yet yaben anma cutxanico tu' yiři tzet yal Comam Jesús, ay anma halni haca' ti':

—Yiři caw yeli, ha' naj ti' ischejab Comam Dios halbilcanoj ta chuli, ři.

⁴¹ Aypaxo mac halni haca' ti':

—Ha' ton naj ti' Cristo, echmabil yul ju, ři. Aypaxo hune'xa majan anma halni:

—Naj Cristo tu', řtom Galilea chitit naj heyalni?

⁴² Chal yul Yum Comam Dios tato ha' bey yul cořob Belén, yul iscořob naj rey David chipitzc'a naj Cristo tu', yuto yuninal yuninal naj rey David ye naj, ři hunmajanja anma.

⁴³ Hac tu' yu ispohnito isba anma yu Comam.

* **7:38** Ez 47:1; Zac 14:18

44 Aypaxo ebnaj xin etza inito Comam yul preso, yaj machi hunu mac yaco isk'ab yiñ Comam.

Maxtic'a ischah ebnaj yahawil coñob Comam Jesús

45 Haxa yet ismeltzo ebnaj chitañen yatut Comam Dios isc'atañ ebnaj fariseo, isk'amben ebnaj tet ebnaj:

—¿Tzet yiñ yuxinto machi maxeyiti naj Jesús tu'?
xi ebnaj.

46 Yalni ebnaj chitañen yatut Comam Dios tu' haca' ti':

—Caw machi hunu mac caw helan istzotel haca' istzotel naj, xi ebnaj yiñ Comam.

47 Yalni xin ebnaj fariseo tu' tet ebnaj:

—¿Tom ha' hunex cheyak' subchaho heba tet hune' naj tu'?

48 ¿Tom ay hunu ebnaj yahawil chianayto yul yanma yiñ tzet chal naj, maca hunujoñañ hañonñ fariseo oñti'añ?

49 Hañc'añe huntেক'an anma caw mach yohtajo isley naj Moisés, ha' chisubcha yu naj, yaja' xin chiay isya'tajil yibañ huntেক'an anma tu' yu Comam Dios, xi ebnaj.

50 Ay xin hune' naj fariseo Nicodemo isbi, naj beyc'o tzotelo tet Comam yiñ hune' ak'balil, ha' naj xin halni tet ebnaj yetbi tu':

51 —Ha' chiyute yalni coley tato mach chu is-cawxico ismul hunu naj yibañ yalañto mañto chijabe tzet chal naj, yuñe johtañeniloj tzet iswatx'e naj, xi naj Nicodemo tu'.

52 Yuxinto yal ebnaj yetbi naj tu' tet:

—¿Tom ah Galilea hachpaxoj? Wal xin say yul Istzoti' Comam Dios cat hawilni tato ay hunu ischejab Comam Dios chitit bey Galilea tu', xi ebnaj.

⁵³ Lahwi tu' xin, ispaxto ebnaj yatut.

8

Chalo hune' ix yir' ismul

¹ Wal Comam Jesús xin to Comam bey hune' wor'ian, *Olivo* isbi.

² Yir' hune'xa tz'ayical xin, yapni Comam hunelxa yul yatut Comam Dios yir' caw sahab sac'ayal. Caw xin hantañe anma apni isc'atañ Comam. Lahwi tu' xin, yay tz'oñino Comam istzabnico iscuyni anma tu'.

³ Hunepixto xin yiniti ebnaj fariseo yeb ebnaj chicuyni anma yir' isley naj Moisés hune' ix ix tet Comam. Caw c'uxan ischahlo ix yir' ismul yu ebnaj. Yalaxico ix xol anma cutxanico isc'atañ Comam tu'.

⁴ Yalni ebnaj tet Comam:

—Mam cuywawom, machahlo hune' ix ti' juhañ isc'atañ iswinaj.

⁵ Wal xin, chal isley naj Moisés tato ebix ix tx'oj ye iswi' haca' hune' ix ti', yilal isk'ojlax camo ebix, yaja' ¿tzimi chawute hawalnipaxo hach ti'? xi ebnaj tet Comam.

⁶ Yal ebnaj haca' tu' yuñe yilwen ebnaj Comam, yeb yuñe yayc'ay Comam yir' hunu istx'ojal, cat xin yoc ebnaj ak'oc'ule yir' Comam, chute yalni.

⁷ Yaj xin toñe ay c'oñino Comam, istzabnico istz'ibli sat tx'otx' yu yiximal isk'ab. Ayñetic'aco

xin ebnaj isk'amben tet Comam tzet caw chielcanico ix, yuxinto ah t'año Comam, yalni haca' ti':

—Macñetic'a caw machi nich'ano ismul texol, ha'ojab babel ch'ak'ni ch'en k'ojbal yirñ ix, xi Comam.

⁸ Lahwi tu' yaypaxo c'oño Comam, istzabnico istz'ibli sat tx'otx' hunelxa.

⁹ Yet yaben ebnaj tzet yal Comam tu', istxumni isba yanma ebnaj ta machi hunu ebnaj c'ul, yuxin hununtajil yu yel ebnaj isc'atañ Comam. Babel el ebnaj ec'na ichamtaxa, lahwi tu' istopaxo ebnaj tzehtaj. Hac tu' yu iscancano Comam ischuquil yeb ix tu'.

¹⁰ Lahwi tu' xin, yah liño Comam, isk'amben Comam tet ix:

—Ix, ¿baytu'wal ay ebnaj chiak'wi c'ule tawirñ? ¿Tom caw machi hunu ebnaj macachk'ojnicañ yu ch'en ch'en? xi Comam tet ix.

¹¹ —Macho Mamin, machi hunu maca, xi ix tet Comam.

—Haquinpaxtu'an, mach chiwalan ta chañk'ojlax camo yu hamul. Asi' xin, matxa chawaco hamul hunelxa, xi Comam tet ix.

Comam Jesús ha' issajilk'inal yirñ anma

¹² Yalnipaxo Comam tet anma hunelxa:

—Wal haninti'an, caw haca' issajilk'inal wehayojan xol anma yul sat yibañk'inal ti'. Macñetic'a ch'oc tzujno wintajan chiwak'an issajilk'inal yul yanma. Yu hune' issajilk'inal ti' xin, chischah isk'inal mach istañbal. Matxa xin chiec' xol k'ejholo, xi Comam.

¹³ Yalni ebnaj fariseo xin:

—Caw matzet chalilo tzet chawal ti', yuto hach ti', hach caw chachtzotel tawiñ, xi ebnaj tet Comam.

¹⁴ Istak'wi Comam:

—Waxañca caw han-caw-inan chiwalan yin tzet wehan, yaj caw isyelal sunil tzet chiwalan. Yuto haninti'an wohtajan baytu'wal titnajinan, caw wohtapaxojan baytu'wal chi-caw-intocojan. Walex hex ti', caw mach heyoyhtajo baytu'wal titnajinan, yeb baytu'wal chintopaxojan.

¹⁵ Walex hex ti', caw comonñetic'a chexoc heyila' tzet ye anma, yaj walinan mach toñetic'aho chinocan wila'an tzet chielico anma.

¹⁶ Yaja' yet chiwilnihan yin tzet chielico anma, chiwilan yin caw istoholal, yuto mach inchuquilojan chiwilan tzet chielico anma, to ha' hun Inmaman añeintijan, ha' chiilni tzet chielico anma wintajan.

¹⁷ Chal hecuybanil tato ay cawaño testigo lahan yalni yin hunu tzet ye tu', caw yel hune' tu' chal tu'.

¹⁸ Ilwec'anab xin, ay cawañ mac chak' testigo-hal. Caw testigo wehicojan wiñan, yeb xin Inmaman añeintijan ha' chitzotel wiñan, xi Comam tet ebnaj.

¹⁹ Lahwi tu' xin isk'amben ebnaj tet Comam:

—¿Baytu'wal ay hamam tu' xin? xi ebnaj. Istak'wi Comam tet ebnaj:

—Hex ti', mach quinheyoyhtajojan, caw xin mach heyoyhtajo Inmamtu'an. K'inalo tato quinheyoyhtajan, heyoyhtapaxo Inmaman, xi Comam.

²⁰ Hayet iscuywa Comam Jesús yul yatut Comam Dios yalnicano Comam hunttek'an ti', iscawilal bay

chibey anma yak'a'cano yofrenda. Yaj xin machi hunu mac tzabnayo Comam, yuto maŕto chiapni istz'ayical bay chicami.

Ha' bay chintohan mach chu hetohi, xi Comam

²¹ Yalnipaxo Comam Jesús hunelxa:

—Haninti'an chintohan, wal xin chinhesaya'cojan yaja' mach chinilchahan heyu, yuto mach chu heto bay chintotu'an. Walex hex ti' yirñ hemul chexcamcantoj, xi Comam.

²² Yuxin yal ebnaj yahawil yirñ coñob Israel:

—¿Tom xin chispotx' isba naj, yuxinto chal naj tato caw mach chu japni bay chiapni naj tu'? xi ebnaj yirñ Comam.

²³ Yalnipaxo Comam tet ebnaj:

—Walex hex ti', caw yet sat tx'otx'al heyehi, wal inti'an yet satcañ wehan, caw yet yul sat yibañk'inal ti' heyehi, wal inpaxojan mach yeto sat yibañk'inal ti' wehan.

²⁴ Yuxinto caw chiwalan teyey tato yirñ hemul chexcami, yuto mach chechayto yul heyanima tato haninan hune' haca' chiwute walnihan teyey, yuxinto caw yirñ hemul chexcamtoj, xi Comam tet ebnaj.

²⁵ Isk'ambenpaxo ebnaj tet Comam:

—¿Mac hach anmahil chal tu'? xi ebnaj. Yalni Comam tet ebnaj:

—Halbilxatic'a teyey wuhan yet yalañtocanoj mac anmahilinan.

²⁶ Caw hantañe tzet chiwalan teyirñ yet chiwilnihan yirñ tzet chexelicoj. Yaj Comam añeintijan texol ti', caw yirñ isyelal chitzoteli. Yuxinto ha' tzet

halbil wetan yu, ha' chiwalpaxojan tet anma ay yul sat yiban'inal ti', xi Comam.

²⁷ Yaj xin caw maɣtic'a txumchalo yu ebnaj tato ha' Comam Dios chal Comam.

²⁸ Yuxinto yal Comam tet ebnaj:

—Hayet chinheyanicañan yin te' culus, ha' to tu' chitxumchalo heyu tato Hanin Ak'bilintijan texol yu Comam Dios, cat xin heyohtañeniloj tato mach wetojan inchuquilan sunil tzet chiwalti'an. Wal xin ha' tzet chal Inmaman wetan, ha' chiwalan.

²⁹ Ha' Comam añeintijan, ha' ayco wetbihojan. Caw mach chinisbejcanojan inchuquilan, yuto hañc'añe tzet choche isc'ul chinwatx'ehan yin sunilbal tiempo, xi Comam tet ebnaj.

³⁰ Yet yalni Comam huntেক'an tu', caw hantañe anma chahni Comam yul yanma.

Ha' isyelal ha' ch'ak'ni colbanile

³¹ Yalni Comam Jesús tet anma Israel chahni Comam yul yanma:

—Tato caw hunelñe cheyayto yul heyana yin tzet chiwalan, yin caw yeli incuywoman heyehi.

³² Hac tu' xin chu heyohtañenilo isyelal; ha' isyelal tu' xin, ha' chexcolnicoj, xi Comam.

³³ Yalni ebnaj tet Comam:

—Hañoñti'añ jichmamañ ye icham Abraham, caw machi hunelo coñtxoñlaxañ tet anma. ¿Tzet yin yuxinto chawala “chexcolchacanoj?” cachi, xi ebnaj.

³⁴ Istak'wi Comam tet ebnaj:

—Yin caw yeli chiwalan teyey, mac caw mach chisbejcano yanico ismul, caw txoñbil isba tet mule.

³⁵ K'inalo hunu naj txořibil chejabo tet huno yahaw tinař, mach chiyu yoc naj yetbiho yuninal naj yahawil tu' yiř hunelrie. Wal haca' naj c'ahole xin, caw yetbitic'a isba naj yeb ismam yeb ismi' yeb ej yuxťaj.

³⁶ Yuxin tato haninan chexincolilojan yiř hemul, yiř caw yeli chexcolchacanoj yuto caw Isc'ahol Dios wehan.

³⁷ Caw wohtajan tato heyichmam icham Abraham, yaj caw cheyoche quinhepotx'o'an, yuto mach cheyoche heyabe' cuybanile chiwak'ti'an.

³⁸ Ha' tzet wilan bey Inmamtu'an, ha' chiwalan teyet, walex hex ti' caw nan hemam, yuxinto ha' tzet chal hemam tu' ha' chewatx'e, ři Comam tet ebnaj.

³⁹ Istak'wipaxo ebnaj:

—Wal hařořti'ař, comamař jichmam Abraham, ři ebnaj. Istak'wi Comam:

—Tato caw yel cheyala hemam ye icham Abraham tu', ham tzet iswatx'e icham, ha' chewatx'e.

⁴⁰ Wal xin waxařca ha' caw isyelal halbil wetan yu Comam Dios ha' chiwalan teyet, yaj caw cheyoche quinheyak'a' camojan. Wal icham Abraham cheyal ti', machi hunelo yute isba icham haca' hex ti'.

⁴¹ Ha'tic'a tzet chiswatx'e hemam, ha' cheyupaxoj, ři Comam tet ebnaj. Yuxinto yal ebnaj:

—Wal hařořti'ař, mach matřebilořař, wal xin hune'ch'an comamař, ha' ton Comam Dios, ři ebnaj.

⁴² Yalnipaxo Comam:

—Tato yeli hemam Comam Dios tu', xahanmi chinheyilan, yuto ha' bay ay Comam Dios titnajanin yet wulan bey ti', Maʔtajinan witi inbahan inchuquilan, ha' Comam Dios chejreintijan.

⁴³ ¿Tzet yir̄n xin mach chitxumchalo tzet chiwalti'an heyu?

⁴⁴ Walex hex ti', ha' naj matzwalil, ha' naj caw hemam, yuto hatzet choche isc'ul naj, ha' caw choche hec'ul hewatx'e'. Naj matzwalil tu', caw potx'om anma naj yichtaxtic'a yul naj sat yibañk'inal ti'. Caw maʔtic'a isyelal yir̄n naj, yuxin sunil tzet chiahti yul isti' naj mach yeloj. Hayet chanico naj lek'ti'al, ha' tzet ye naj ha' chal naj, yuto caw lek'ti' naj; caw ismam lek'ti'wom naj.

⁴⁵ Wal haninti'an, ha' caw isyelal chiwalan, yuxinto caw mach cheyayto yul heyanna tzet chiwalti'an.

⁴⁶ ¿Mac hunujex ti' tinañ chiyu heyalnico yir̄n insatan tato ay inmulan? Wal xin, caw isyelal sunil tzet chiwalti'an, yaj ¿tzet yir̄n xin mach cheyayto yul heyanna?

⁴⁷ Ha' mac yet Comam Dios yehi, caw choche yabe' Istzoti' Comam. Walex hex ti' xin, mach yeto Comam Dios heyehi, yuxinto mach chiyochec'ul heyabe' Istzoti' Comam, xi Comam tet ebnaj.

Ayxatic'a Comam Jesús yet yalaʔto maʔto chipitzc'a icham Abraham

⁴⁸ Yalni ebnaj yahawil yehico yir̄n anma Israel tu' tet Comam Jesús:

—Ha' ye juhañ chijalnihañ ta ah Samaria hach, yeb ta ayco hune' ischejab naj matzwalil tawir̄n, xi ebnaj tet Comam.

⁴⁹ Istak'wi Comam Jesús xin:

—Machoj, machi huno ischejab naj matzwalil ayco wiñan, walxinto ha' wanicojan ismay Inman ha' chiwuhan, walex hex ti' chinhehincaniltojan.

⁵⁰ Wal haninti'an, mařtaj yalaxico inmayan chinsayan; waxañca ay hune' Mac chianico inmayan, ha' hune' tu' xin chihalnoj Mac caw yel chala.

⁵¹ Yiñ caw isyela chiwalan teyet, macñetic'a chiyijen tzet chiwalti'an, machi bak'inal chicami, ři Comam tet ebnaj.

⁵²⁻⁵³ Yalni ebnaj:

—Wal xin caw yel chijalañ tato ayco huno ischejab naj matzwalil tawiñ. Icham Abraham yebpaxo xin ebnaj ischejab Comam Dios yet payxa, sunil ebnaj camnatoj. Wal chawute hawalnipaxo xin: “Macñetic'a chiyijen tzet chiwalan mařtic'a chicamtoj,” cachi. ¿Tom caw ec'bal hach to sata jichmam Abraham tu'añ yeb sunil ebnaj ischejab Comam Dios ec'lena yet payat tiempo tu'? ¿Tzet yelapno hawe hawalni? ři ebnaj tet Comam.

⁵⁴ Yuxinto yalpaxo Comam tet ebnaj:

—Tato han-caw-inan chiwicañ inbahan, caw matzet chalilo hune' tu', yaj wal xin ha' caw Inman chianico inmayan. Ha' Inmamtu'an xin, ha' cheyal heDiosaloj.

⁵⁵ Yaj hex ti', mach heyohtajo Inmamtu'an, walinan, caw wohtajan. Yaj tato chiwalan ta mach wohtajojan Inmamtu'an, lahanmi inlek'ti'alan yeb hex chal tu'. Wal xin caw chiwalan caw wohtajan Inmaman, yuxinto sunil tzet chal Inman wetan chinyijehan.

⁵⁶ Icham heyichmam Abraham tu', caw tzala isc'ul icham yet yabeni ta chinhulan. Hayet isyela-x tet icham xin, caw tzalacano-cañ isc'ul icham sic'lebil, xi Comam tet ebnaj tu'.

⁵⁷ Yalnipaxo ebnaj tet Comam:

—Hach ti', maḁto hach yiriñ cincuenta habil, cat xin hawalni ta hawil icham Abraham tu':

⁵⁸ Yalni Comam:

—Yiriñ caw isyelal chiwalan teyet, yettax yalañito maḁto chipitzc'a icham Abraham tu', ay in-xatic'ahan, xi Comam.

⁵⁹ Hac tu' xin, yu yinicañ ebnaj ch'en ch'en yuñe isk'ojni camo ebnaj Comam yalni. Yaj yebato isba Comam tet ebnaj, yelti Comam yul yatut Comam Dios tu'.

9

Yet ishajlo isbak'sat hune' naj yu Comam Jesús

¹ Yet yec' Comam Jesús yiriñ isbel hunel, yilni Comam hune' naj caw maḁtic'a chu yilni yettaxtic'a ispitzc'ahi.

² Isk'amben ebnaj chicuywi yinta Comam tu':

—Mam cuywawom, ¿tzet yiriñ yuxin mutz'an sat hune' naj ti' yet ispitzc'a naj? ¿Tom yu ismul ismam naj mato yu ismul naj? xi ebnaj tet Comam.

³ Yalni Comam xin:

—Maḁtaj yu ismul ismam naj yeb ismi' naj, maḁtajpaxo yu ismul naj yuxinto hac tu' ye naj. Wal xin Comam Dios caw choche isc'ul chisyelo yip yiriñ naj, yuxinto hac tu' ye naj.

⁴ Caw yilal inwatx'enan ismunil Comam añeintijan yak' isba tz'ayical to yuc'a' chiah ak'bal yet matxa chu comunlahi.

⁵ Yak' isba ay intoc'ojan yul sat yibařk'inal ti' caw haca' issajilk'inal wehayojan xol sunil anma, ři Comam.

⁶ Yet lahwi istzotel Comam xin, istzublayo Comam sat tx'otx', issomni Comam nich'an tz'otz'ew yu isk'ab, lahwi tu' xin ismasnico Comam yiř isbak'sat naj mutz'an sat tu'.

⁷ Yalni Comam tet naj:

—Asi' bey ha' Siloé, hune' ha' etxan, cat xin hatx'ahnilo hasat, ři Comam tet naj. (Siloé chiyal yelapnoj *Ak'biltij*.)

Hac tu' xin yu isto naj bey ha' Siloé tu', istx'ahni naj sat xol ha'. Haxa yet ispaxti naj xin, xayu yilni naj.

⁸ Yuxin ha' anma ayayo yatut iscawilal naj yeb huntex'anxa anma ohtaře naj, yal haca' ti':

—¿Cochan ha' naj ti' chiec' tz'ořla k'ano melyu? ři anma tu' yiř naj.

⁹ Ay mac xin halni:

—Ho', ha' naj ti', ři anma. Aypaxo mac halni:

—Machoj, mařtaj naj, yaj etza hac ti' jilni naj, řipaxoj. Wal naj xin yal naj:

—Ho', hanin-ton-an, ři naj.

¹⁰ Yoc anma isk'ambeno tet naj:

—¿Tzet xin mayu ishajlo hasat? ři anma.

¹¹ Yalni naj xin:

—Hune' ya', Jesús isbi, ha' ya' somni nich'an tz'otz'ew, ismasnico ya' yiř insatan. Lahwi tu' xin, yalni ya' wetan: “Asi' bey ha' Siloé, cat hatx'ahnilo hasat xol ha',” ři ya' wetan. Hac tu' yu intohan intx'ahnolojan insatti'an; lahwi tu' xin ishajlo insatan, ři naj.

¹² Isk'amben ebnaj tet naj:

—¿Baytu'wal xin ay naj tinañ? ñi ebnaj.

—Caw mach wohtajojan, ñi naj.

Oc ebnaj fariseo isk'ambe' tzet caw yu ishajlo sat naj mutz'antic'a sat

¹³ Lahwi tu' xin, yilaxto naj mutz'antic'a sat tu' tet ebnaj fariseo.

¹⁴ Yet iswatx'en Comam nich'an tz'otz'ew yuñe ishajlo sat naj tu', caw c'uxan istz'ayical xewilal.

¹⁵ Yuxinto ocpaxo ebnaj fariseo tu' isk'ambe' tet naj hunelxa:

—¿Tzet yu ishajlo hasat ti'? ñi ebnaj tet naj. Istak'wi naj:

—Ya' Jesús masnico nich'an tz'otz'ew yuñ insatan, lahwi tu' xin intohan intx'ahnolojan; hac tu' xin yu ishajlo insatan, ñi naj.

¹⁶ Ay xin ebnaj fariseo halni:

—Hune' naj tu', caw mach yeto Comam Dios ye naj yuto mach chisyije naj istz'ayical xewilal, ñi ebnaj yuñ Comam. Yaj ay ebnaj hahnipaxoj:

—Ya' Jesús tu', mach mulumo ya'. Wal xin tato mulum ya', ¿tom chiyu isyeni ya' hunu c'aybalc'ule haca' chisye ti'? ñi ebnaj.

¹⁷ Yocpaxo ebnaj fariseo isk'ambeno tet naj mañtic'a chiyu yilni tu':

—Haxa hach ti', ¿tzet chawute hawalni yuñ naj ak'ni hajlo hasat ti'? ñi ebnaj. Yalni naj haca' ti':

—Ha' hune' chiwute walnihan, to caw ischejab Comam Dios ye ya', ñipaxo naj tet ebnaj.

¹⁸ Yaj caw mañtic'a yaco ebnaj yahawil coñob Israel tu' yuñ isc'ul tato hajlo sat hune' naj tu' yu Comam. Ha' yute isnani ebnaj to caw c'ultic'a ye

sat naj, yuxinto awtelax ismam naj yeb ismi' naj yu ebnaj.

¹⁹ Isk'amben ebnaj tet ismam naj yeb ismi' naj haca' ti':

—¿Ham naj ti', heyuninal cheyala tato caw maɣtic'a chu yilni yet ispitzc'ahi? ¿Tzet yu ishajlo sat naj? Xi ebnaj.

²⁰ Istak'wi ismam naj yeb ismi' naj:

—Caw yeli juninalań naj, caw yelpaxoj maɣtic'a chiyu yilni naj yet ispitzc'a naj.

²¹ Yaj caw mach johtajojań tzet yu ishajlo sat naj, yeb xin mach johtapaxojań mac ak'ni hajloho sat naj. ¡K'ambewe tet naj yuto ichamxa naj, chiyu yalni naj teyet! Xi ismam naj yeb ismi' naj tet ebnaj tu'.

²² Wal xin, hac tu' yute yalni ismam naj yeb ismi' naj yuto caw chixiw tet ebnaj yahawil yehico yiri cońob Israel, yuto halbil yu ebnaj haca' ti': “Macɳetic'a chihalni tato ha' naj Jesús ti' Cristo, matxa chicochacti yul capilla ti',” xi ebnaj.

²³ Yuxinto hac tu' yute yalni ismam naj yeb ismi' naj: “K'ambewe tet naj, ichamxa naj, xayu yalni naj teyet,” xi.

²⁴ Lahwi tu' xin, yawtenpaxti ebnaj naj hajlo sat tu' hunelxa, isk'amben ebnaj tet naj:

—Caw chabe Comam Dios caw halilo isyelal jetań, wal xin caw johtajań ta caw mulum hune' naj chawal ti', xi ebnaj tet naj.

²⁵ Yalni naj xin:

—Haninti'an, caw mach wohtajojan tato mulum ya' maca machoj, yuxin mach chiyu walnihan teyet; hachcachanrie wohtajan to maɣtic'a chiyu

wilnihan yet yalañtocadoj, wal tinañ xin xayu wilnihan, ñi naj tet ebnaj.

²⁶ Isk'amben ebnaj hunelxa:

—¿Tzet caw cañyute naj? ¿Tzet caw yu ishajlo hasat ti' yu naj? ñi ebnaj.

²⁷ Yalni naj xin:

—Caw mawalan teyet, yaj to caw mach cheyaco yin hec'ul. ¿Tzet yin xin cheyoche chiwalan teyet hunelxa? ¿Mato cheyoche chexocpaxo cuywo yinta ya'? ñi naj tet ebnaj.

²⁸ Yet yalni naj haca' tu', istzabnico ebnaj isbahni naj, yalni ebnaj tet naj:

—Hach ti', ayachxaco yinta naj, wal hañoriñti'añ yinta iscuibanil naj Moisés tzujanoriñ.

²⁹ Waloñti'añ caw johtajañ tato ha' caw Comam Dios anicano cuybanile tet naj Moisés tu'. Wal naj chawal ti', caw mach johtajojañ baytu'wal titnaco naj, ñi ebnaj.

³⁰ Istak'wicañ naj tet ebnaj xin:

—Caw chic'ay inc'ulan yuto cheyala tato mach heyohtajo bay titnaco ya', yaja' caw cheyila hajlo insatan yu ya'.

³¹ Caw johtaj tato mach chabe Comam Dios tzet chisk'an anma mulum, hachcachañe anma caw ayco yanma yin Comam, cat yinayo isba tet, hachcachañe huntেক'an anma tu' chak' Comam ispaj tzet chisk'ana'.

³² Wal xin, caw mañto bay chijabe isk'umal tato ay huno mac chiyu yak'ni hajloho sat hunu anma mañtic'a chiyu yilni yettaxtic'a ispitzc'ahi.

³³ Tato mañtaj Comam Dios añeti ya' ti', caw machim nino tzet chiyu iswatx'en ya', ñi naj tet ebnaj.

34 Istak'wi ebnaj tet naj:

—Walach hach ti', caw mulumach yettaxtic'a hapitzc'ahi. ¿Tom chaʒoc corihacuyu'añ hawalni? Xi ebnaj tet naj, hac tu' yu istennilti ebnaj naj tu' yul capilla.

Anma mach chitxumchalo yu yirñ tzet chal Comam Jesús

35 Yabe Comam Jesús tato tenlaxilti naj hajlo sat tu' yul capilla, haxa yet ischahloyo naj yu Comam, yalni Comam tet naj haca' ti':

—¿Chimhawayto yul hawanma yirñ Hanin Ak'bilintijan texol yu Comam Dios? Xi Comam tet naj.

36 Isk'amben naj tet Comam:

—Mamin, ¿mac hune' chawal tu'? Hal wetan cat xin wanico wanmahan yirñ, xi naj.

37 Yalni Comam tet naj:

—Caw xahawil yirñ; Hanintonan hune' mac bay lañan hatzotel ti', xi Comam tet naj.

38 Yet yaben naj haca' tu', yay jahno naj yirñ sat Comam, yalni naj:

—Caw chiwaco wanmahan tawirñ Mam, xi naj.

39 Yalni Comam tet naj:

—Wal haninti'an, hulnajinan bey yul sat yibañk'inal ti' yurñe wilnihan tzettaj chi'elico anma, yuto ay anma ti' caw mach chiyu yilni, yaj xin haninan chiwak' hajlohojan sat. Aypaxo anma caw c'ul yilni, yaj chimutz'icano sat wuhan yurñe matxa chiyu yilni, xi Comam.

40 Ay xin hunttek'an ebnaj fariseo ayco isc'atañ Comam, yet yaben ebnaj yirñ tzet yal Comam tu', yalni ebnaj:

—¿Tom xin ha' hunoñañ mach chiyu jilnihañ hawalni? Xi ebnaj.

⁴¹ Istak'wi Comam tet ebnaj:

—K'inalo tato mach chiyu heyilni tzettaj ye tu' yet Comam Dios yehi, caw machim hemul. Yaj cheyala tato caw chiyu heyilni tzettaj ye tu' yet Comam Dios, yaj mach cheyijepaxoj, yuxinto caw ay hemul, xi Comam tet ebnaj.

10

Yechel yirñ hune' ispeyabil no' me'

¹ Yalnipaxo Comam Jesús:

—K'inaloj ta ay hunu ispeyabil no' me', cat yocto hunu naj yul, nan bay xin chisholicto isba naj; yirñ caw isyelal chiwalan teyet, caw elk'om hune' naj tu'.

² Wal naj chi'octo yul ispultahil ispeyab no' tu', ha' ton naj tu' chitañen no'.

³ Ha' naj chiwayñen no' xin chishaj naj ispuhtahil ispeyabil no' tet naj, cat yocto naj isc'atañ no'. Caw sunil no' k'ayna yaben yul isnuk' naj. Caw hununtajil yawtenilti naj no', yuto ay isbi hunun no' yu naj, hac tu' xin chiyu ishajnilti naj no'.

⁴ Yet chilahwi yinilti naj isme' tu', cat xin isbabi naj sata no', cat yoc tzujno no' yinta naj, yuto caw yohta no' yul isnuk' naj.

⁵ Yaja' wal ta hunu naj comon, mach ch'oc tzujno no' yinta naj; chixiwilo no' tet naj yuto mach k'aynajo no' yaben yul isnuk' naj, xi Comam tet ebnaj.

⁶ Yal Comam hune' yechel ti' tet ebnaj, yaj mañtic'a txumchalo yu ebnaj tzet caw yelapno yehi.

Comam Jesús haca' hunu naj tañem me' caw c'ul

⁷ Yalnipaxo Comam Jesús:

—Yiñ caw yeli chiwalan teyet, haninti'an haca' ispultahil ispeyab no' me', caw hac tu' wehan.

⁸ Yet yalañto yet mañto chinhulan, ay ebnaj hulic'o yanico isba ebnaj hecolomaloj. Ha' huntেক'an ebnaj tu' xin, caw lahan ebnaj haca' hunu naj elk'om chiocto yul ispeyabil no' me' tu', yaj wal anma caw yettic'a Comam Dios ye xin, caw mañtic'a ishajba istxiquin yiñ tzet yal ebnaj.

⁹ Haninti'an, lahaninan haca' ispultahil ispeyabil no' me', macñetic'a chiocto yul hune' peyab ti' chicolchahi. Haca'tic'a hunu no' me' chielti lowoj cat yapnipaxo yul ispeyab, hac tu' xin ye huntেক'an mac tu'.

¹⁰ Ay ebnaj haca' elk'om chiyu yuli, toñe chihul elek' yeb xin yak'ni camo anma. Yaj walinan, hulaninan wak'a'an k'inale mach istañbal tet anma chiyaco isba yul ink'aban. Huntেক'an anma tu', caw niman chiyu ischahni isc'ulal isc'ul Comam Dios.

¹¹ Wal haninti'an, caw lahaninan haca' hunu naj tañem me' caw c'ul. Hune' naj tañem me' caw c'ul tu', caw hinan yanma naj yak'ni camo isba yiñ isme'.

¹² Wal tato toñe chitohlalax hunu naj chitañen no' me' tu', mañtaj xin naj yahaw no' tu' chitañeni. Hayet chiyilni naj yapni no' oj, chisbejcano naj no' cat yelcañ naj, yuto mach yeto naj no', cat yoc no' oj tu' istzabnayo no', cat xin ispujnacañ no' sunil.

¹³ Chielcañ naj chitañen no', yuto yiññe istohol naj ayco yanma. Caw mach chicam isc'ul naj yiñ no' yuto mach yeto naj no'.

14-15 Wal haninti'an, caw lahaninan yeb naj tariem me' caw c'ul, haxa mac chaco isba yul ink'aban lahan haca' no' me'. Caw ohtabilinan yu Inmaman, wohtapaxojan Inmamtu'an, hac tu' xin wepaxojan yeb macta chaco isba yul ink'aban, caw johta cobahañ yebi. Yiñ ton huntেক'an mac tu' chiwak' camo inbahan.

16 Aypaxo huntেক'an anma chinchahnihan yul yanma, toñe xin caw mach jet coñoboj. Caw yilal winitijan cat xin yoc isyijeno cuybanile chiwalti'an, caw xin hunxañe chucanoj yeb hunxañe mac chitañeni.

17 Caw xahan ayinan yu Inmaman yu caw chiwak' camo inbahan yiñ anma, yaj chinchahpaxojan ink'inalan hunelxa.

18 Chiwak' camo inbahan yuto hac tu' chiel yiñ inc'ulal. Wal xin, caw machi hunu mac chiyu quinispotx'ni camojan tato mach chisje inc'ulan. Caw machi hunu mac chincachnihan wak'ni inbahan yiñ camical, aypaxo wipan inchahnihan ink'inalan hunelxa, yuto hac tu' inchejbanilan yu Inmaman, xi Comam.

19 Yet yaben anma Israel yiñ tzet yal Comam tu', ispohnipaxto isba hunelxa.

20 Ay hun majan anma halni:

—¿Tzet yuxin cheyabeto tzet chal naj ti'? Wal hune' naj ti', caw chabil locohal yu naj, ayco hune' ischejab naj matzwalil yiñ naj, xi ebnaj.

21 Ay hunxa majan anma halnipayoj haca' ti':

—Tato ayco hunu ischejab naj matzwalil yiñ naj, ¿tom hac tu' istzotelo naj? Yalnipayo ebnaj:

—¿Tom chu yu hunu ischejab naj matzwalil ishajnini sat hunu naj caw mañtic'a chiyu yilni? xi ebnaj.

Caw mach ischah ebnaj iswi'ehal xol ebnaj Israelyabe' yirñ tzet yal Comam Jesús

²² Yirñ istiempohal riabil chiec'tzelax isk'irñ *Yatut Comam Dios** bey yul coñob Jerusalén.

²³ Yet lañan yec' Comam Jesús isti' yatut Comam Dios tu', hune' chiyij *Yamak'il naj rey Salomón*,

²⁴ yoc hoyno ebnaj Israel yirñ Comam, yalni ebnaj haca' ti':

—¿Caw bak'in choñhawilojañ yirñ hune' cabc'ulal ti'? ¿Mac caw anmahilach? Yirñ caw yeli, tato hach ti' Cristo hach, caw mak'bil hawalnilo jetañ, xi ebnaj.

²⁵ Istak'wicañ Comam tet ebnaj:

—Caw xawalan teyet, yaj caw mach cheyayto yul heyanna. Sunil c'aybale'ule chinwatx'ehan yu yip Inmaman, ha' caw chiyeniloj mac anmahilinan.

²⁶ Walex hex ti', caw mach chinhechaytojan yul heyanna, yuto caw maxtic'a wetojan heyehi haca' walnihan yalañitocanoj.

²⁷ Macta caw wetan yehi, caw chishajba istx-iquin yirñ tzet chiwalan; caw xin wohtapaxojan hune' mac tu'. Haca'tic'a chiyu yoc tzujno no' me' yinta istañemal, hacpax tu' chiyu yoc tzujno wintajan.

²⁸ Wal xin, hanan chiwak'an isk'inal mach istañbal, machi bak'inal chicami, machi hunu mac xin chiyu yinilo yul ink'aban.

²⁹ Wal xin ha' Inmaman, caw ec'balcano sata sunil maca, ha' ak'ñe anma ti' wetan. Caw machi

* **10:22** Hune' k'irñ yirñ castilla ha' ton chihallax Dedicación yebpaxo Isk'iñal Sajn'inal.

hunu mac chiyu yinilo hunték'an ti' yul isk'ab Inmamtu'an.

³⁰ Haninti'an yeb Inmaman, caw hune'ñe jehañ, xi Comam.

³¹ Hac tu' yu istzabnipaxico ebnaj yahawil coñob Israel tu' issic'nicañ isch'en yuñe isk'ojni camo ebnaj Comam yalni.

³² Yalni Comam Jesús tet ebnaj:

—Yu ishelanil Inmaman, yuxin caw hantañe tzet caw c'ul chinwatx'ehan texol. ¿Baytet yiñ yuxin chinhek'oj camojan heyalni? xi Comam tet ebnaj.

³³ Istak'wi ebnaj yahawil yiñ ebnaj Israel tu':

—Mach chačcok'ojcañañ yu hunu isc'ulal chawatx'e, wal xin yu chachbuchwa yiñ Comam Dios, yuto hach ti' caw comon anma hach, yaj chawalico haba Diosal, xi ebnaj tet Comam.

³⁴ Yalni Comam Jesús:

—Istzoti' Comam Dios tz'ibñebilcano yet payat ak'bilcano teyet, chal haca' ti': “Haninan chiwalan tato dios hex,”* xicanoj.

³⁵ Caw xin mach chiyu comañc'on tzet tz'ibñebilcanoj, yuto caw Comam Dios tu' halñecanoj diosal yiñ mac bay ak'bilcano Istzoti'.

³⁶ Ha' Comam Dios añeintijan yul sat yibañk'inal ti', yaja' ¿tzet yiñ xin cheyalpaxoj tato buchwal chiwuhan yiñ Comam Dios yet chiwalnihan tato caw Isc'ahol Dios wehan?

³⁷ Tato mach chinyijehan chejbanile ak'bil wetan yu Inmaman, mach cheyayto yul heyanma wiñan.

* **10:34** Sal 82:6

38 Wal xin hatzet chal Inmaman, ha' chin-watx'ehan. Waxańca caw mach chinhechaytojan yul heyanna, chahwe yul heyanna tzet chin-watx'eti'an. Hac tu' xin chiyu heyohtańeniloj tato caw ayco Comam Dios wetbihojan, ayinpaxicojan yin Comam, xi Comam tet ebnaj.

39 Caw xin yoche ebnaj istzabayo Comam, yaj iscolilo isba Comam yul isk'ab ebnaj.

40 Lahwi tu' xin, istopaxo Comam k'axepxac'to ha' niman Jordán, bay ah ha' iswi' anma yu naj Juan yet yalańtocońoj, ha' bey tu' xin cancano Comam.

41 Caw hantańe anma apni ilno Comam bey tu', yalni haca' ti':

—Yin caw yeli waxańca machi hunu c'aybalc'ule isye ya' Juan jet, yaj sunil tzet yalcano ya' yin ya' Jesús ti' caw yeli, xi anma tu'.

42 Caw xin hantańe anma anayto yul yanma yin Comam Jesús bey tu'.

11

Yet iscam naj Lázaro

1-2 Bey cońob Betania ay hune' naj chiyij Lázaro ya'bi ay, ha' bey tu' xin aypaxo cawań yanab naj, María isbi hune' ix, hune'xa ix xin Marta isbi. Ix María tu', ha' ix anico aceite caw xuk' sam yin yoj Comam Jesús, lahwi tu', issuni tajo ix yoj Comam yu xil iswi'.

3 Ebix cawań yanab naj Lázaro tu' xin, yato ebix tzoti' tet Comam Jesús haca' ti':

—Mamin, caw tx'oj ye isc'ul conohań, naj caw xahan ay hawu, xito ebix tet Comam.

4 Yet yaben Comam hune' chejbanil tu', yalni Comam:

—Hune' yabil tu', mach chitañcano yin camical. Wal xin ha' chiyenilo yip Comam Dios, ha' xin bay chiixtañwipaxilo wipan, hanin Isc'ahol Comam Dios inti'an, xi Comam.

5-6 Waxañca caw xahan ay ix Marta yeb ix María yeb naj Lázaro yu Comam Jesús, yaj yet yallaxi tato caw ya'ay naj Lázaro tu', caw cabto tz'ayic ec' Comam bey tu'.

7 Lahwi tu' xin yalni Comam tet ebnaj iscuymom:

—Toñwepaxo ismajul Judea hunelxa, xi Comam.

8 Yalni xin ebnaj iscuymom Comam tu' tet:

—Mamin, caw tolto yoche ebnaj yahawil coñob Israel cachisk'ojo' camoj. ¿Tom xin chañtopaxo hunelxa hawalni? xi ebnaj tet Comam.

9 Yalni Comam tet ebnaj:

—Caw johtaj tato caw cablahoñeb hora ik'bil yu hune' tz'ayic, yuxin tato tz'ayical choñbelwi, mach comono choñtxak'mohi, yuto sajk'inal.

10 Yaj tato xol k'ejholo choñec' xin, wal tu' choñtxak'mohi yuto mach sajk'inal, xi Comam tet ebnaj.

11 Lahwi tu' xin, yalni Comam:

—Caw mawaycañ jamigo Lázaro, wal tinañ xin chintohan wik'alojan iswayañ naj, xi Comam.

12 Yalni ebnaj iscuymom Comam Jesús tu':

—Mamin, yaj tato wayañ chu naj, chicawxocañ naj chal tu', xi ebnaj tet Comam.

13 Yaja' xin yin iscamical naj Lázaro yal Comam, wal ebnaj chicuywi yinta Comam tu' xin, toñe chiway naj, yalni Comam, chute yalni ebnaj.

14 Yuxinto caw yal Comam yirñ caw haban tet ebnaj:

—Naj Lázaro macam naj,

15 yaj caw chintzalahan yuto machijinan yet iscam naj, yu isc'ulalo teyirñ yuñe caw heyanico heyanma wiñan. Toñwe jila' naj, ñi Comam.

16 Yalni naj Tomás, naj chihallax tioñ uninal, tet hunttek'anxa ebnaj chicuywi yinta Comam:

—Toñwe yinta Comam haxinwal hun cocam yebi, ñi naj.

Comam Jesús ha' chiak'ni itzitzbocañ anma yeb ha' chiak'ni k'inale mach istarbal

17 Yet yapni Comam Jesús bey tu' xin, yaben Comam tato cañebxa tz'ayic ismuji naj Lázaro tu'.

18 Ha' coñob Betania tu', ayñem yictajo legua yehilo yirñ coñob Jerusalén.

19 Yuxinto caw tx'i'al anma ah Jerusalén beyc'o yak'a isnimanbal isc'ul ix Marta yeb ix María yu iscamical isnoh tu'.

20 Hayet yaben ix Marta tato lañan yapni Comam Jesús bey tu', istit ix ischahno Comam, wal ix María xin cancano ix yul ña.

21 Yalni ix Marta tu' tet Comam yet ischahni isba ix yebi:

—Mamin, tato ayachic'o bey ti', caw machim cam innohan.

22 Yaj xin caw wohtajan tato sunil tzet chak'an tet Comam Dios chiyak' Comam tawet, ñi ix.

23 Istak'wi Comam tet ix:

—Wal hanoh tu', chiitzitzbocañ, ñi Comam.

24 Yalni ix:

—Ho' Mamin, caw wohtajan tato chiitzitzbicañ innohtu'an yet chiitzitzbicañ sunil anma yet islahobal tz'ayic, xi ix tet Comam.

²⁵ Yalni Comam xin:

—Haninti'an chiwak' itzitzbocañan anma camnaxa, yeb xin haninan chiwak'an isk'inal mach istañbal. Yuxinto macretic'a chinchahnihan yul yanma, waxañca chicami chiitzitzbicañ.

²⁶ Yebpaxo xin sunil anma itzitzto chinchahnihan yul yanma, mach chicam yiñ hunelñe. ¿Chimhawayto yul hawanma yiñ tzet chiwalan? xi Comam tet ix.

²⁷ Ho' Mamin, caw chiwaytojan yul wanmahan tato hach ti' Cristo hach. Caw Isc'ahol Comam Dios hawehi, halbilcanoj ta chachhul yul sat yibañk'inal ti', xi ix Marta tu' tet Comam.

Ok' Comam Jesús yiñ naj Lázaro

²⁸ Lahwi yalni ix Marta haca' tu', isto ix yawtenoti isnoh, yalni ix tet ix yiñ ewantajil:

—Ayc'o Comam cuywawom bey ti', chachyawte Comam, xi ix tet ix María.

²⁹ Yabeñe ix María tzet yal isnoh tu' xin, yah lemna ix, isto ix yilno Comam.

³⁰ Mañto xin chiapni Comam Jesús yul coñob, ha' bay ischah isba ix Marta yeb Comam, ha' to tu' xin ay Comam yet yapni ix María.

³¹ Wal anma ah Judea ayco yak'ni isnimanbal isc'ul ebix yet yilni anma yah lemna ix María tu' isto ix, yoc tzujno anma yinta ix yuto istxum anma tato chito ix ok'o bay mujan isnoh tu'.

³² Yet yapni ix María isc'atañ Comam Jesús xin, yay jahno ix yich yoj Comam, yalni ix haca' ti':

—Mamin, tato ayachic'o bey ti', machim cam conohti'añ, xi ix tet Comam.

³³ Yet yilni Comam Jesús yok'cañ ix María yeb anma ah Judea tzujan yinta ix tu', yoc bisc'ulal yin isc'ul Comam, istz'aycañ isc'ul Comam.

³⁴ Isk'amben Comam xin:

—¿Baytu'wal mujan naj heyu? xi Comam.

—Mamin, toñ jila', xi ix María yeb anma tu'.

³⁵ Yok'cañ Comam xin.

³⁶ Yet yilni anma ah Judea yok'cañ Comam, yalni haca' ti':

—Caw yeli xahan ay naj yu ya', xi anma.

³⁷ Aypaxo hunmajanxa anma halni:

—Ha' ya' ti' ak'ni hajloho sat naj mutz'an sat, ¿tom xin mach añcha naj Lázaro ti' yu ya'? Hac tu' xin machim cam naj, xi anma.

Yet yitzitzbicañ naj Lázaro yu Comam Jesús

³⁸ Caw ec'na oc bisc'ulal yin isc'ul Comam yet yapni bay ayicto naj Lázaro tu'. Ha' hune' bay mujan naj tu', ñach'en yehi, ayco hune' ch'en niman ch'en ismajiloj.

³⁹ Yalni Comam Jesús xin:

—Iwelo ismajil ch'en, xi Comam. Yalni ix Marta, yanab naj Lázaro tu':

—Mamin, coñitax cam naj tinañ, caw ayxam sam naj, xi ix.

⁴⁰ Istak'wi Comam Jesús:

—¿Tom machi mawalan tawet xin tato chawayto yul hawanma yin tzet chiwalan, caw chawila' ishelanil yip Comam Dios? xi Comam tet ix.

⁴¹ Lahwi tu' xin, yilaxilo ismajil ch'en bay mujan naj tu', ist'añxicañ Comam Jesús satcañ, yalni haca' ti':

—Mamin, caw chiwak'an yuch'andios tawet yu maxawabe tzet mawalan.

⁴² Wohtajan Mam ta sunilbal tiempo chawabe tzet chiwalan, yaj xin chiwalan hunel ti' tawet yu sunil anma cutxanico ti', yuñe yanayto yul yanma ta hach ti' añeintijan, ñi Comam tu'.

⁴³ Yet lahwi yalni Comam hune' ti' xin, yah yaw Comam yirñ caw ip:

—Lázaro, elañtij, ñi Comam.

⁴⁴ Hac tu' xin yu yelti naj Lázaro tu', bec'bilico k'ap yirñ isnimanil naj, pichbilpaxto sat naj yu hune' k'ap. Yalni Comam xin:

—Holwelo k'ap yirñ naj, cat isto naj, ñi Comam.

Issay ebnaj yahawil coñob Israel yirñ tzet chiyu yak'ni como ebnaj Comam Jesús

(Mt 26:1-5; Mr 14:1-2; Lc 22:1-2)

⁴⁵ Anma ah Judea apni ilwal yirñ ix María, caw yilpaxo tzet iswatx'e Comam Jesús bey tu', yuxinto caw hantañe anma anayto yul yanma yirñ Comam.

⁴⁶ Aypaxo huntেক'an ebnaj to halno tet ebnaj fariseo yirñ tzet iswatx'e Comam.

⁴⁷ Hac tu' xin yu yoc ebnaj fariseo islahti'ñen isba yeb ebnaj yahawil yehico yirñ ebnaj sacerdote yeb xin ebnaj yahaw coñob. Yalni ebnaj:

—¿Tzet wal jutén tinañ, hune' naj tu' caw tx'i'al c'aybale'ule chisyecano naj?

⁴⁸ Tato toñe chijila chislahnico naj, caw sunil jet coñob ti' chak'ayto yul yanma yirñ naj. Hac tu' xin chiyu yulo ebnaj yahawil coñob Roma, cat xin yuchc'anayo ebnaj yatut Comam Dios, cat xin yetanto ebnaj cocoñob ti', ñi ebnaj tet hunun.

49 Ay xin hune' naj, Caifás isbi, iswi'ehal yehico naj yíñ ebnaj sacerdote yíñ hune' habil tu'. Ha' naj halni:

—Hex ti' caw matzet heyohtaj.

50 Caw mach chitxumchalo heyu tato ec'bal c'ul iscam naj ti' selelo sunil anma, hac tu' xin matxa chitañilo cocoñob ti' chal tu', ñi naj.

51 Wal xin mach yal naj Caifás hune' tu' yul yet ischuquil, yuto ha' naj yahawil yehico yíñ ebnaj sacerdote hune' habil tu', yuxinto ha' Comam Dios ak'ni yala' naj tato chicam Comam Jesús selelo sunil anma ah Israel.

52 Yaj maññetaj yíñ coñob Israel chicam Comam Jesús, wal xin chicampaxo Comam yuñe iscutxbanico sunil yuninal Comam Dios pujanto yul sat yibañk'inal ti', yuñe hunxañe chiyute isba.

53 Yíñ hune' tz'ayic tu', islahti'ñe isba ebnaj yahawil coñob Israel tato chak' camo ebnaj Comam Jesús.

54 Yuxin matxa ec' Comam Jesús xol anma bey ismajul Judea, wal xin to Comam bey yul hune'xa coñob chiyij Efraín, hune' coñob ayco iscawilal tx'otx' desierto. Ha' tu' xin ehayo Comam yeb ebnaj chicuywi yintaj.

55 Wal yul coñob Jerusalén xin, toxa chiichico k'iñ Pascua, hune' k'iñ tu' isk'iñ anma Israel. Caw xin tx'i'al anma yul hunun coñob apni bey Jerusalén tu', yu isyijen yak'ni sajbo isba yet yalañto mañto chiichico k'iñ tu'.

56 Chi-xin-ec' anma tu' saywal yíñ Comam Jesús. Yet cutxanico anma yul yatut Comam Dios,

chisk'amben anma tet hunun haca' ti': ¿Tzet quex-chi? ¿Chimhulu ya' Jesús yin k'in ti' mato machoj? Xi anma.

⁵⁷ Ebnaj fariseo yeb xin ebnaj iswi'ehal yeco yin ebnaj sacerdote, yalilto ebnaj xol anma tato macnetic'a yohta baytu'wal ay Comam Jesús, chihallax tet ebnaj yurte istzabnayo ebnaj Comam.

12

Hune' ix hamnico añ caw xuk' sam yin yoj Comam Jesús

(Mt 26:6-13; Mr 14:3-9)

¹ Wajebto tz'ayic yichico k'in Pascua, yapni Comam Jesús bey Betania, bay ay yatut naj Lázaro, naj itzitzbicañ xol camom yu Comam.

² Yet yapni Comam bey tu', yoc hune' niman wah yu tzalahilal yin Comam. Ha' hun naj Lázaro oc sat meña isc'atañ Comam, ha' xin ix Marta chianayo itah sat meña.

³ Wal ix María xin, ayimi hunu libra añ caw xuk' sam ik'bil yu ix, naba nardo caw xin aycañ istohol. Yanico ix yin yoj Comam, lahwi tu' xin issuni tajo ix yoj Comam yu xil iswi'. Hac tu' xin, caw sunil yul ña tu' pujnacañ sunil isxuk'al sam.

⁴ Wal naj Judas Iscariote, isc'ahol icham Simón, naj ayco yetbiho ebnaj chicuywi yinta Comam, naj chianico Comam yul isk'ab camical, ha' naj halni haca' ti':

⁵ —Hune' añ caw xuk'cano sam ti', caw oxebmi ciento denario istohol. Estam matxoñlaxtoj, cat ispohlaxto istohol yin anma caw meba', xi naj.

⁶ Matolo yu chitz'ay isc'ul naj yin anma meba' yuxinto yal naj haca' ti', machoj. Walxinto ha'

naj ik'ñe istx'uoyal ch'en melyu, caw xin k'ayna naj yelk'anilo ch'en melyu chisc'uba tu', yuto caw elk'om naj.

⁷ Yalni Comam Jesús tet naj:

—¡Mach chacach ix! Wal xin caw yañebil hune' añ ti' yu ix, yuñe yanico ix yuñ innimanilan yet yalañto mañto chinmujlaxan.

⁸ Wal anma meba' chawal ti', caw ayñetic'aco texol, yaj walinan xin, mach toñetic'a ay inicojan texol, ñi Comam.

Yal ebnaj yahawil sacerdote ta chipotx'lax camo naj Lázaro

⁹ Caw tx'i'al anma Israel abeniloj tato ayc'o Comam Jesús bey Betania; isto anma yilno Comam, yeb chiyoche anma yila'paxo naj Lázaro itzitzbi-cañ xol anma camom yu Comam.

¹⁰⁻¹¹ Yu naj Lázaro tu', caw niman anma Israel yayto yul yanma yuñ Comam Jesús; matxa xin chisje isc'ul anma tu' isyije' tzettaj chal ebnaj sacerdote. Yu hune' tu', yuxinto islahti'ñe isba ebnaj yahawil yehico yuñ ebnaj sacerdote tato chak' camo ebnaj naj Lázaro.

*Yet yocto Comam Jesús yul coñob Jerusalén
(Mt 21:1-11; Mr 11:1-11; Lc 19:28-40)*

¹² Caw hantañe anma apni yuñ k'iñ Pascua bey yul coñob Jerusalén. Yet hune'xa tz'ayic xin, yaben anma tato lañan yapni Comam Jesús bey yul coñob tu'.

¹³ Yuxin yilo anma xaj te' ch'ib, yinito anma te' yuñe isto anma ischahno Comam. Chi-la-el yaw anma yuñ caw ip, chalni:

—¡Caw niman yelapno Comam Dios! ¡Jala'we tzoti' caw c'ul yiri Mac ak'bilti coxol yu Comam Dios Jahawil. Jak'a'we tzalaho coc'ul yiri Jahawil, hañoñ Israel hoñ ti'! Xi anma tu'.

¹⁴ Ay xin hune' no' nich'an burro ilcha yu Comam. Yahto Comam yibañ no' haca'tic'a yalni Comam Dios bay tz'ibñebilcanoj:

¹⁵ Hex ah coñob Sión, mach chexxiwi. Ilwec'anabi lah, chihul Heyahawil, ayahto yibañ hune' no' burro, xiayoj.

¹⁶ Yet hune' tz'ayical tu' xin caw mañtic'a txunchalo yu ebnaj iscuywom Comam Jesús yiri tzet chalilo hune' tu'. Hato yet istocano Comam yul satcañ, hatu tu' xin isnaniti ebnaj tato tz'ibñebilcano hune' tu' yiri Comam, yuxinto hac tu' yuhi.

¹⁷ Wal anma ayc'o isc'atañ Comam Jesús yet yawtenilti Comam naj Lázaro yul panteón, yet yitzitbicañ naj yu Comam, ha' anma tu' halnic'o yiri tzet yuhi.

¹⁸ Caw tx'i'al anma to chawal yiri Comam, yuto yabe anma isk'umal yiri hune' c'aybale iswatx'e Comam tu'.

¹⁹ Wal ebnaj fariseo xin, yal ebnaj tet hunun:

—Ilwec'anabi lah, caw matzet wal juteni yuto caw sunil anma tzujan yinta naj, xi ebnaj yiri Comam.

Huntek'an ebnaj griego saynayo Comam Jesús

²⁰ Xol sunil anma apni yik'ayo isba tet Comam Dios yiri k'iñ tu', ayco huntek'an ebnaj griego.

²¹ Apni ebnaj ti' isc'atañ naj Felipe ay bey coñob Betsaida ayco yul ismajul Galilea, yalni ebnaj tet naj:

—Mamin, caw chijochehañ chijilañ yirñ Comam Jesús, xi ebnaj.

²² Hac tu' xin yu isto naj Felipe tu' yalno tet naj Andrés, iscawañilxa xin ebnaj to halno tet Comam.

²³ Yalni Comam tet ebnaj:

—Wal Hanin Ak'bilintijan texol yu Comam Dios, lañan yapni yorahil isyelaxilo inhelanilan.

²⁴ Caw isyelal chiwalan teyet, k'inalo tato mach chitz'unlax hunu hiñat trigo sat tx'otx' cat isk'ato ixim, machom chul isc'ul ixim. Yaj tato chik'ato ixim, wal tu' chihul isc'ul ixim, caw xin niman sat ixim chak'a.

²⁵ Mac mach hinano yaben isya'tajil wiñan, chisc'ayto isk'inal mach istañbal. Wal mac hinan yanma yaben isya'tajil wiñan, caw chischah isk'inal mach istañbal.

²⁶ Tato ay mac chiyijen tzet chiwalan, ocojab tzujno wintajan. Yuxinto ha' bay ayinan, ha' tu' chiehpaxo mac caw yijem chute isba wetti'an; ha' xin Inmaman chihalni isc'ulal yirñ, xi Comam.

Tzotel Comam Jesús yirñ iscamical

²⁷ Lahwi tu' xin, yalni Comam Jesús:

—Wal tinañ, caw bisc'ulal ye wanmahan, yaja' ¿tzet chiwute walnihan? ¿Tom chiwalan tet Comam Dios haca' ti'? “Mam, colinilojan yul isk'ab hune' isya'tajil lañan yul wibañti'an,” ¿Tom quinchian? ¡Machoj! Yu ton hune' ti', yuxinto hulnajinan yul sat yibañk'inal ti'.

²⁸ Mam, yeløj tato caw aycano yelapno hawehi, xi Comam.

Lahwi tu' xin yabelax hune' yul nuk'e satcañ, yalni haca' ti':

—Caw xainyelojan tato caw aycano yelapno wehan, yaj chinyelojan hunelxa, xiayti yul satcañi.

²⁹ Sunil anma cutxanico bey tu', aben hune' yul nuk'e tu', yalni anma haca' ti':

—C'uh mañirlahi, xi anma. Aypaxo mac halni:

—Hune' naj ángel matzotel tet naj, xipaxoj.

³⁰ Yalni Comam Jesús tet ebnaj:

—Mach wuhojan xin to mahallaxayti huntেক'an tzoti' ti', machoj, to heyu.

³¹ Wal tinañ xin, yilchaxati anma ay yul sat yibañk'inal ti' yu Comam Dios yinñ tzet chi-laiswatx'e, cat yinilo Comam naj yahawil yehico yul sat yibañk'inal ti'.

³² Wal inti'an, yet chinilaxcañan sat tx'otx' ti' yinñ te' culus, sunil anma chiwitijan inc'atañan, xi Comam.

³³ Yal Comam hune' tu' yu isyeniloj tzet camical chiik'ni camoj.

³⁴ Istak'wi anma tet Comam:

—Chal Istzoti' Comam Dios yinñ ley aycano jet, tato ya' Cristo chiehoc'o ya' yinñ sunilbal tiempo. ¿Tzet yinñ yuxinto chawal haca' ti'?": “Wal Hanin Ak'bilintijan texol yu Comam Dios, caw yilal chinilaxcañan,” cachi. ¿Mac xin hune' Ak'bilti coxolañ yu Comam Dios tu'? xi ebnaj tet Comam.

³⁵ Yalni Comam tu' xin:

—Yinñxañe hanic' tiempohal ayinic'ojan texol ti', caw chiwacanicojan issajilk'inal yinñ heyanna, yuxinto watx'eweco heba yinñ caw istoholal yak' isba ay intoc'ojan texol. Ta machoj, chissomchahocañ cheyila, cat xin heyoco haca' anma chiec' xol k'ejholo, caw mach chiyu yilni bay caw chitocoj.

³⁶ Wal haninti'an, caw lahaninan haca' is-sajilk'inal, yuxinto chahweinan yul heyanna yak' isba ay intoc'ojan texol, cat xin wanicojan is-sajilk'inal ti' yul heyanna yiri caw hunelrie, xi Comam.

Lahwi yalni Comam tu' xin, isto Comam yebanto isba tet anma.

Mach yayto ebnaj Israel yul yanma yiri Comam Jesús

³⁷ Caw hantañe c'aybalc'uile isye Comam Jesús tet anma tu', yaj caw mañtic'a ischah anma Comam yul yanma.

³⁸ Hac tu' xin yu yijnicano isba yiri tzet tz'ibriñebilcano yu naj Isaías, ischejab Comam Dios yet payat, bay chala:

Mamin, ¿mac chahnayto yul yanma yiri tzettaj jalañ? Waxañca caw xahaye hawip tet anma, yaja' caw mañtic'a mac chañe hach yul yanma,* xiayoj.

³⁹ Caw mañtic'a ischayto anma Comam yul yanma, hac tu' yu istz'ibriñencano naj Isaías:

⁴⁰ Comam Dios majchencano sat anma, yak'nipaxo cawbolo Comam yanma anma yurie matxa chiyu yilni, yeb xin mach chitxumchalo yu. Caw mach chisbejcano anma ismachiswalilal, yuxin mach chiañcha anma yiri ismul yu Comam,* xicano naj Isaías tu'.

⁴¹ Yalcano naj Isaías hunték'an ti', yuto ilbilxa ishelanil Comam Jesús yu naj.

* **12:38** Is 53:1 * **12:40** Is 6:10

42 Waxańca hac tu' yute yalnıcano naj Isaías, yaja' caw hantańe ebnaj yahawil yıń ebnaj Israel chahnıcano Comam yul yanma. Yaj to caw mach chisyelo ebnaj, machi bay chalpaxic'ı ebnaj yuto caw chixiw ebnaj tet ebnaj fariseo. Tato chiyabecań ebnaj fariseo tu', caw matxa chichahlaxicto ebnaj yul capilla.

43 Hac tu' yute ebnaj yuńe iscan ebnaj c'ulal yul sat anma, sata iscanpaxo ebnaj c'ulal yul sat Comam Dios.

Istzotı' Comam Jesús chiilni tzet chielico anma

44 Yalni Comam Jesús yıń ip tet anma:

—Ha' mac chinchahnaytojan yul yanma, mańńetajinan chinischahan, to ha' hun Inmaman chischahpaxoj, yuto ha' quinanitijan.

45 Yeb mac chinilnihan, caw lańan yilnipaxico yıń Inmaman quinanitijan.

46 Wal inti'an, hulnajinan wak'a'an sajilk'inal yul yanma anma ay yul sat yibańk'inal ti', yuxin macńetic'a chinchahnihan yul yanma mach chican xol k'ejholo.

47 Yaja' ha' mac chiaben tzet chiwalti'an, mach xin chisyijepaxoj, mańtajinan chincawxecojan ismul yibań. Walinan mańtaj yu incawxenicojan ismul anma yibań yuxinto hulnajinan yul sat yibańk'inal ti'; to yu incolnihan anma yuxin quinulan.

48 Macta chinyahnihan, yeb xin mach chisyije tzet chiwalan, ay hune' chicawxenico ismul tu' yibań, ha' ton tzotı' xawalan xol anma. Ha' tzotı' tu' xin, chicawxenico ismul tu' yibań yet islahobal tz'ayic.

⁴⁹ Wal xin, sunil tzet chiwalan, caw mach we-tojan inchuquilan, ha' Inmaman aŕeintijan, ha' chejŕeinan yin' tzettaj chiwalan yeb tzettaj chiwak'an iscuyu' anma.

⁵⁰ Caw xin wohtajan tato ha' ischejbanil Inmamtu'an, ha' chiak'ni k'inale mach istaŕibal tet anma; yuxin haca' yu yalni wetan, hac tu' chiwute walnicanojan teyet, xi Comam tet anma.

13

Yet istx'ahni Comam Jesús yoj ebnaj chicuywi yintaj

¹ Yet hecalxaŕe chiichico k'iŕi Pascua, caw yohtaxa Comam Jesús tato apni istieŕpohal bay chiyacano Comam hune' yul sat yibaŕk'inal ti', cat isto Comam isc'ataŕi Comam Dios. Caw xahan yil Comam macta yaco isba yul isk'ab yul sat yibaŕk'inal ti'. Wal tinaŕi xin caw chisyecanilo Comam tato caw xahan ay sunil anma tu' yu.

²⁻⁴ Wal naj matzwalil xin, xa'aynato naj yul yanma naj Judas Iscariote, isc'ahol icham Simón, yin' yanico naj Comam yul isk'ab camical. Wal Comam Jesús caw yohtaj tato isc'ataŕi Comam Dios titna Comam, yuxinto isc'ataŕi Comam Dios tu' chitopaxo hunelxa. Caw yohtapaxo Comam tato yul isk'ab yacanico Comam Dios sunil tzettaj ye tu'. Yet laŕian iswa' Comam yeb ebnaj chicuywi yinta tu', yahwano Comam yinilo Comam hune' xil isk'ap hucanico yibaŕi iscamiŕ, isc'alnico Comam hune' pixe yin' yictaj.

⁵ Yanayto Comam ha ha' yul pech'an, istzabnico Comam istx'ahni yoj ebnaj chicuywi yinta tu', is-suni tajo Comam yu hune' pixe ayco yin' yicta tu'.

⁶ Yet lañan istzabnico Comam istx'ahni yoj naj Simón Pedro, yalni naj tet Comam:

—Mamin, ¿tom chachoc hatx'aha' wojti'an hawalni? ¿xi naj tet Comam.

⁷ Istak'wi Comam tet naj:

—Tinañ caw mach chitxumchalo hawu tzet chinwatx'eti'an, yaj yet tzujanxa cat istxumchalo hawu, ¿xi Comam.

⁸ Yalni naj tet Comam:

—¡Machoj Mamin! Caw maɣtic'a chu hatx'ahnilo wojti'an, ¿xi naj. Yalni Comam:

—Wal xin tato mach chisje hac'ul chintx'ahan hawoj ti', caw mach ayachoco yetbiho ebnaj ayx-aco yul ink'aban, ¿xi Comam tet naj.

⁹ Yalni naj Pedro tet Comam:

—Ta hac tu' chal tu' Mamin, maɣñeojabtaj wojti'an chatx'aha, wal xin yilal hatx'ahnipaxo ink'aban yebpaxo xin inwi'an, ¿xi naj tet Comam.

¹⁰ Istak'wi Comam tet naj:

—K'inalo tato ay hunu mac lañanto yaɣniloj, matxa yilalo istx'ahlax sunil isnimanil, hañic'añe yoj, yuto caw sajto ye isnimanil tu'. Yuxinto caw lahan hex ti' yeb anma lañanto yaɣniloj; caw saj ye heyanna, yaj mach hesuniloj, ¿xi Comam.

¹¹ Wal xin, caw yohtaxa Comam mac chianico yul isk'ab camical, yuxinto yal haca' ti': “Yaj mach hesunilo saj ye heyanna,” ¿xi Comam.

¹² Yet lahwi istx'ahni Comam yoj ebnaj xin, yanipaxico Comam hune' xil isk'ap hucan ye tu'. Yaypaxo tz'oñino Comam isc'atañ ebnaj, yalni haca' ti':

—¿Chimtxumchalo heyu tzet manwatx'eti'an? ¿xi Comam tet ebnaj.

¹³ Yalnipaxo Comam:

—Walex hex ti', chinheyalan hecuywawomal yeb xin heyahawiloj. Wal xin caw yel cheyala, ist'irñanil ton hune' tu'.

¹⁴ Haninti'an hecuywawom wehan, Heyahawil wepaxojan, yaj mantx'ahan heyoj, yuxin hex ti' hac tu' wal heyuni teyiñ hununex.

¹⁵ Wal xin manwatx'ehan hune' ti' yuñe inyenicanojan tato hac tu' wal heyuteni.

¹⁶ Yiñ caw isyelal chiwalan teyet, haca' hunu naj c'amte', mach ec'balo naj sata naj bay chimunla tu', hactic'apax tu' naj chejab, mach ec'balo naj sat naj chichejni.

¹⁷ Tato chitxumchalo huntেক'an ti' heyu, cat xin heyijeni, caw sak'al heyet.

¹⁸ Mařtaj teyiñ hesunil chiwalan hune' ti', wal xin wohtajan macta sic'bililo wuhan, yaja' xin yilal yijni isba yiñ tzet tz'ibñebilcanayo yiñ Istzoti' Comam Dios bay chala: “Ha' hune' mac caw hun chinwa'an yebi, ha' chipaq'uico wiñan,” řiayoj.

¹⁹ Yalañto chiwalnicanojan hune' ti' teyet haxinwal yet chiyijno isba, caw cheyayto yul heyanma tato haninan Cristo hinan.

²⁰ Yiñ caw isyelal chiwalan teyet, macřetic'a chichahni hunu inchejaban, haninan chinischahpaxojan. Hapax tu' xin macřetic'a chinchahnihan, chischahpaxo Mac chejñeintijan, ři Comam.

Yal Comam Jesús ta naj Judas chianico Comam yul isk'ab camical

(Mt 26:20-25; Mr 14:17-21; Lc 22:21-23)

²¹ Yet lahwi yalnicano Comam huntেক'an ti' xin, yoc hune' niman bisc'ulal yiñ isc'ul Comam, yalni Comam yiñ caw haban:

—Yiñ caw isyelal chiwalan teyet, texol ti' ayco hune' mac chinanocojan yul isk'ab camical, xi Comam.

²² Yet yaben ebnaj iscuwym Comam tu' xin, toxañe chi-la-t'añixico ebnaj yiñ sat hunun, yuto mach yohtajo ebnaj mac yiñ yal Comam.

²³ Ay xin hune' naj iscuwym Comam caw xahan ay yu, iscawilal xin Comam ayco naj yet chiwa'i.

²⁴ Yak'ni naj Simón Pedro yechel tet naj, yuñe isk'ambenilo naj mac hune' chal Comam tu'.

²⁵ K'ehan xin naj iscawilal istxam isc'ul Comam Jesús, isk'amben naj tet Comam:

—Mamin, ¿mac najil hune' chawal ti'? xi naj.

²⁶ Istak'wi Comam tet naj:

—Ha' mac bay chiwak'atojan ixim pan chinlabahan, ha' hune' tu', xi Comam tet naj.

Lahwi tu' xin islaban Comam ixim pan tu', yak'ni Comam ixim tet naj Judas Iscariote, isc'ahol icham Simón.

²⁷ Yet ischahni naj ixim pan tu', yaynato naj matzwalil yul yanma naj, yalni Comam tet naj:

—Ha' tzet nabil hawu hawatx'eni, watx'e yiñ añe, xi Comam tet naj.

²⁸ Wal ebnaj chiwa' sat meña yeb Comam tu' xin, caw machi hunu ebnaj txumchalo yu tzet yiñ yuxinto yal Comam haca' tu'.

²⁹ Naj Judas tu' xin ha' naj ik'ñe istx'uyal ch'en melyu, yuxin ay ebnaj txumni ta chischejto Comam naj islok'o tzet chiocnico yiñ k'iñ tu', maca yu isphnito naj hanic'o ch'en melyu tu' yiñ anma meba'.

³⁰ Yet lahwi iswahni naj Judas ixim pan tu', yelti naj bey tu', caw xin xa'ay numnahi.

Hune' ac' chejbanile

³¹ Lahwi istocano naj Judas tu', yalni Comam Jesús haca' ti':

—Wal tinañ chisyelo isba wipan Hanin Ak'bilintijan texol yu Comam Dios, cat xin isyenipaxilo isba yip Comam Dios wiñan.

³² Tato chinyelojan yip Comam Dios, chisyepaxilo Comam wipan, caw xin lañanxa isyeniloj.

³³ Hex caw xahan ayex wuti'an, caw hanic'xañe tiempo ayinic'ojan texol. Chinhesaya'c'ojan, yaj caw mach chiyu heto bay chintotu'an. Haca'tic'a wute walnihan tet anma Israel, hac tu' chiwute walnipaxojan teyet.

³⁴ Chiwak'canojan hune' ac' chejbanile ti' teyet, xahan cheyil heba hununex. Haca' isxahanil ayex wuhan, hac tu' cheyutepaxo heba.

³⁵ Tato caw xahancano cheyil heba hununex, hac tu' chiyu yohtañenilo anma tato quexincuy-woman, xi Comam tet ebnaj.

Yal Comam Jesús tato chal naj Pedro ta mach yohtajo naj Comam

(Mt 26:31-35; Mr 14:27-31; Lc 22:31-34)

³⁶ Isk'amben naj Simón Pedro tet Comam:

—Mamin, ¿baytu'wal xin chañtohi? xi naj. Istak'wi Comam:

—Bay chintotu'an mach chu hatu wintajan. Chañoco tzujno wintajan, yaj mañto tinañ, xi Comam.

³⁷ Yalnipaxo naj Pedro tu' tet Comam:

—Mamin, ¿tzet yiri yuxin mach chu woc tzu-
jnojan tawintaj? Caw hinaninan wak'ni camo
inbahan tawiri, xi naj tet Comam.

³⁸ Istak'wi Comam:

—¿Caw yelmi chawala? ¿Caw hinan hachmi
hawak'ni camo haba wirian? Wal xin yiri isyelal
chiwalan tawet, caw oxelxa chawala tato mach
quinhawohtajojan yalarito maxto chiok'cani no'
icham chiyo, xi Comam tet naj.

14

Comam Jesús haca' beh yehi chorinito isc'atañ Comam Dios

¹ Yalni Comam Jesús tet ebnaj iscuwymom:

—Caw mach chicabcon hec'ul, aweco heyanna
yiri Comam Dios cat xin heyannipaxico heyanna
wirian.

² Bey yatut Inmaman caw ay hamani bay wal
jehi; k'inalo ta machi hamani tu' xamwalan teyet.
Wal xin caw aya, yuxinto chintohan inwatx'e'an
hune' bay chexapni tu'.

³ Yetxa lahwi inwatx'enan bay chexapni, cat
xin wulan hunelxa quexwinotojan, haxinwal bay
chinehan, ha' tu' chexehpaxoj.

⁴ Ha' bay chintotu'an, caw heyohtaxa, yeb xin
heyohtapaxo isbelal, xi Comam tet ebnaj.

⁵ Yalni naj Tomás tet Comam:

—Mamin, caw mach johtajojani baytu'wal
chaxtohi. ¿Tzet xin chiyu johtañenilojani isbehal?
xi naj tet Comam.

⁶ Istak'wi Comam:

—Hanintonan hune' beh chiwalan teyet ti', yuto haninñehan chiyu quexwinitojan isc'atañ Inmaman. Haninan isyelal, yeb xin haninñehan chiwak'an k'inale mach istaribal.

⁷ Tato quinheyotaj inxahan, caw heyotaxa Inmaman. Wal tinañ xin, caw heyotaxa Inmaman, yuto xaheyilico yirñ, xi Comam.

⁸ Yalni xin naj Felipe tet Comam:

—Mamin, ye Hamam tu' jila'añ, c'uxanojtamna tu', xi naj tet Comam.

⁹ Yalni Comam tet naj:

—Felipe, ayxa istiepmahal wehic'ojan texol. ¿Tom caw mašto quinhawotajan? Macñetic'a chinilnihan, lañan yilnipaxo yirñ Inmaman. ¿Tzet yirñ yuxinto chawalpaxoj?: “Ye Hamam tu' jila'añ,” cachi.

¹⁰ ¿Tom caw mašto chawayto yul hawanma tato wetbi inbahan yeb Inmaman, yetbipaxo Inmaman wehan? Yuxinto sunil tzet chiwalan teyet mach wetojan inchuquilan, ha' Inmaman ayico wetbihojan, ha' chiwatx'en ismunil.

¹¹ Aweyto yul heyanma ta wetbi inbahan yeb Inmaman, aypaxico Inmamtu'an wiñan. Tato mach cheyayto yul heyanma yirñ tzet chiwalti'an, aweyto yul heyanma yu ej c'aybalc'ule chinyehan teyet.

¹² Yirñ caw isyelal chiwalan teyet, macñetic'a chinchahnihan yul yanma, chiswatx'epaxo haca' tzet chinwatx'eti'an. Aypaxo tzet ec'balto chiswatx'e', yuto isc'atañ Inmaman chintohan.

¹³ Tzijxañe tzet chek'ana yu ayexxaco yul ink'aban chiwak'an. Hanin Isc'ahol Comam Dios inti'an, chinyelojan yip Inmamtu'an.

¹⁴ Yuxin chiwalan teyete, tzijxañe ye tu' chek'an yin inbihan chiwak'an teyete, yuto caw wetxahan heyehi.

Yet yalni Comam Jesús ta chati Comam Espiritu Santo

¹⁵ Tato xahan ayinan heyu, yijewe tzet chiwalti'an.

¹⁶⁻¹⁷ Haninan chink'anan tet Inmaman cat yaniti Comam Espiritu Santo colwal teyirñ, ha' Comam tu' isyelarñetic'a chala. Ha' xin chihul texol yirñ sunilbal tiempo. Wal anma yet yul sat yibañk'inal ti' xin, caw mach chiyu ischahni hune' Espiritu tu' yuto mach ohtabilo yu anma, machi xin chitxumchalo yu. Walex hex ti' xin, caw heyohtaxa, caw xin chi'ehayo texol cat yehpaxico teyirñ.

¹⁸ Wal inti'an mach chexinbejcanojan hechuquil, chihulpaxojan tec'atañ hunelxa.

¹⁹ Caw hanic'xañe tiempohal ayinic'ojan, lahwi tu' xin matxa chinillaxojan yu anma. Walex hex ti', chi-tic'a-heyila'paxo wiñan, yuto caw itzitz inñetic'ahan yirñ sunilbal tiempo. Haquexpax tu', itzitz hexñetic'apaxoj.

²⁰ Yet ayxaco Comam Espiritu Santo teyirñ, cat istxumchaholo heyu ta wetbi inbahan yeb Inmaman. Haquexpax tu', ayexpaxico wiñan, ay in-paxicojan teyirñ.

²¹ Macta chiaben tzet chiwalan, cat xin isyijeni, ha' hunttek'an tu' caw choñochenañ. Yuxin macñetic'a chinochenan, caw xahan ay yu Inmaman, xahan aypaxo wuhan, cat xin inyenilo inbahan tet, xi Comam.

²² Yalni naj Judas, yaj mañtaj naj Judas Iscariote:

—Mamin, ¿tzet yiri yuxinto jetriehari chayelo haba? Wal tet anma yet yul sat yibañk'inal ti' mach chayelo haba tet, xi naj.

²³ Yalni Comam xin:

—Ha' mac chinochenan, chisyije tzet chiwalan, caw xin xahan ch'illaxo yu Inmaman. Hac tu' xin chu julañ cat joccanojañ yetbihoj.

²⁴ Ha' mac mach chinochenan, mach chisyije tzet chiwalan. Wal hune' cuybanil lañan heyaben ti' caw mach wetojan, yet Inmaman añeintijan texol.

²⁵ Caw chiwalcanojan huntেক'an ti' teyet yak' isba ayintoc'ojan texol.

²⁶ Chati Inmamtu'an Comam Espiritu Santo texol; ha' chihul inselelojan cat iscolwa teyiri, cat xin quexiscuyni yiri sunil tzettaj ye tu'. Ha' xin chiak'ni henabati sunil tzet xa-le-hecuycano wuhan.

²⁷ Wal tinañ xin, chiwacanojan ak'anc'ulal yul heyanna. Hune' ak'anc'ulal chiwak'ti'an caw c'ul, mach haca' ak'anc'ulal chak' anma yet yul sat yibañk'inal ti'. Wal xin mach chicabcon hec'ul, mach chexxiwpaxoj.

²⁸ Caw xawalan teyet ta chintohan, yaj xin chin-hulpaxojan hunelxa tec'atañ. Ta caw yeli chin-heyochehan, caw chimquextzala heyabeni tato chintohan isc'atañ Inmaman, yuto caw ec'balto Inmamtu'an insatajan.

²⁹ Yalañtocojan chiwalnicojan teyet yiri huntেক'an ti', haxinwal yet chijni isba, cat heyanyto yul heyanna yiri.

³⁰ Matxa caw tzet chiwalan teyet, yuto caw lañan yul naj matzwalil, naj yahawil yeco yiri

hune' yul sat yibañk'inal ti'. Waxañca ay yip naj, yaj mach chik'oji naj wibañan.

³¹ Yaj to caw yilal yec'ya' wanmati'an yuñe yohtañenilo sunil anma tato caw chiwochehan Inmaman, cat inyenilojan tato caw chinyijehan chejbanil ak'bil wetan yu. Wal tinañ xin, ahañwewanoj, elojoriwe bey ti', xi Comam.

15

Cuybanile yiri te' yoj uva yeb te' isk'ab

¹ Yalni Comam Jesús tet ebnaj iscuylwom:

—Wal haninti'an, caw lahaninan yeb xin hunu yoj te' uva caw c'ul, wal Inmaman xin, caw lahan yeb hunu mac chiilni te'.

² K'inaloj tato ayej te' isk'ab mach chisatni, chit-zoc'laxilto te' yu naj chitañen te'. Wal te' isk'ab caw c'ul issatni xin, chiyilo naj istajinal isk'ab te', hac tu' xin caw chisatni te' sic'lebil. Haca' iswatx'encañ naj te' uva tu', caw hac tu' chiyute istañen Inmaman macta ayxaco yul ink'aban.

³ Walex hex ti', caw sajxa ye heyanna yu cuybanile ak'bilxa teyet wuhan.

⁴ Ayojab exñetic'aco wiñan, cat wehic'ojan yul heyanna. Caw haca' hunu isk'ab te' uva tzoc'bililto yiri yoj, matxa chisatni, caw hac tu' heyehi tato machijex wiñan.

⁵ Wal haninti'an, caw lahaninan yeb xin yoj te' uva. Wal hexpaxo xin, caw lahanex haca' te' isk'ab. Yuxin ta ayexñetic'aco wiñan, ay in-paxic'ojan teyiri, lahanex haca' hunu isk'ab te' uva caw c'ul issatni. Wal tato machijinan teyiri, caw machi hunu ti' chiyu hewatx'en hechuquil.

⁶ Wal mac mach chiehic'o wiñan xin, caw lahan chiutelax haca' te' isk'ab mach chiyak' sat, chit-zoc'laxiloj cat istajiloj. Chilahwi istajilo te' xin, cat iscutxbalaxcañ te', cat yalaxto te' yul k'a'.

⁷ Tato hacñetic'a tu' heyehico wiñan, machi xin chec'ayto heyijen cuybanile chiwalcanoti'an, k'anwe tzet choche hec'ul chiak'laxo teyet.

⁸ Ta haca' te' isk'ab caw satnom tu' haquex tu', wal tu' cheyeloj tato caw yeli incuywoman heyehi. Hac tu' xin chiyu heyinicañ isbi Inmaman.

⁹ Haca' isxahanil ayinan yu Inmamtu'an, hac tu' isxahanil chexwilpaxojan. Yuxin xahanñehojabrñetic'a cheyil heba, haca' isxahanil ayex wuhan.

¹⁰ Tato cheyije chejbanile chiwak'canojan teyet ti', chexahanñe heba, haca' isxahanil ayex wuhan. Yuto hac tu' wehan yeb xin Inmaman, caw xahan chexwilan, haca' isc'ulch'anil isc'ul Inmaman.

¹¹ Caw chiwalan hunttek'an ti' teyet yuñe haca' istzala inc'ulti'an, hac tu' heyabenpaxo tzalahilal wintajan; haxinwal caw chitz'ajnacano hune' tzalahilal tu' yul heyanna.

¹² Ha' hune' chejbanile ti' chiwalcanojan teyet, caw xahanojab cheyil heba hununex haca' isxahanil chexwilan.

¹³ Hac ti' chiyu coyeniloj tato caw xahan aycano hunu jamigo ju, tato hinanoñ jak'ni camo coba yin.

¹⁴ Tato cheyije tzet chiwalti'an, caw wamigohan heyehi.

¹⁵ Walex hex ti', caw matxa chexwalan inchejabojan, yuto hunu naj chejab caw mach yohtajo naj tzet chiswatx'e yahaw, wal xin chexwalan

wamigohojan, yuto xawalan teyet sunil tzet halbil wetan yu Inmaman.

¹⁶ Maʔtajex quinhesayilojan, haninan quexinsayilojan, quexwanicojan yin hemunil yuñe lahan chexelico haca' hunu te' satnom te' caw niman sat chak'a, ha' xin sunil huntেক'an chewatx'e tu' ayñetic'a yin sunilbal tiempo. Hac tu' xin tzijxañe ye tu' chek'an tet Inmaman yin inbihan, chiak'lax teyet.

¹⁷ Yuxinto caw chiwalcanojan teyet, caw xahan cheyille heba hununex.

Yal Comam Jesús ta caj chil anma macta chaco isba yul isk'ab Comam

¹⁸ Yalnipaxo Comam Jesús:

—Tato chexcajlax yu anma ay yul sat yibañik'inal ti', nawetij tato caj quinyilpaxoan anma.

¹⁹ K'inalo tato ayextoco xol tzet chiswatx'e anma ti', caw xahanmi chexyila, haca' isxahanil chil isba. Wal xin caw haninan quexinsiqu'ilojan xol anma, yuxintic'a chexiscaj anma, yuto matxa ayexoco xol tzet chiswatx'e.

²⁰ Tijab yul hec'ul yet walnihan teyet haca' ti': “Naj c'amte' caw mach ec'balo naj sata ispatrón,” yuxin tato caw quincaxlaxan yu anma, ha' quexpax tu' chal tu', chexcajlapaxo yu anma. Wal tato isyije anma intzoti'an walan tet xin, haquex pax tu', chisyije anma cuybanile cheyala.

²¹ Caw chexec'oya' yu anma isyayil ayexico yul ink'aban. Chiyute anma hune' tu' yuto caw mach yohtajo anma tu' Mac añeintijan.

²² K'inalo tato caw mach quinhulan wala'an cuybanile tet anma, caw machmi ismul anma yin.

Wal tinarñ xin, caw matxa tzet tz'aj yala' yu iscolni isba yirñ ismul tu'.

²³ Macñetic'a chincajnihan, chiscajpaxo Inmaman.

²⁴ Sunil tzet inyehan xol anma, caw mañto hunu mac chiyeni yila' anma haca' tu'. K'inalo tato machi c'aybalc'ule inyehan xol anma, caw machim ismul anma, chal tu'. Wal xin, waxarñca caw yil anma huntেক'an tu', yaj to caw chiniscajan, chiscajpaxo Inmaman.

²⁵ Yaja' caw chu huntেক'an ti', yurñe yijnicano isba sunil tzet tz'ibñebilcano yirñ Istzoti' Comam Dios bay chala:

Caw machi inmulan tet anma, yaj to caw yaco ishowal wiñan, xiayoj.

²⁶ Yaj ay hune' Comam chicolwa teyirñ chitit bey Inmaman, ha' ton xin Comam Espiritu Santo, Comam hañe isyelal chala. Haninan chintohan incheja'tijan Comam tu'. Yet ay Comam texol chitzotelo wiñan.

²⁷ Haquexpax tu' hex ti', caw chextzotelo wiñan yuto caw hune'ñetic'a hetzujico wintajan yettaxtic'a wichicojan walnihan istzoti' Inmaman.

16

¹ Caw chiwalcanojan huntেক'an ti' teyet, yurñe mach chebej iscawxi hec'ul wiñan.

² Wal xin, caw matxa chexchahlaxicto yul iscapilla ebnaj Israel; chiapni hune' tiempohal bay chexyak'a camo ebnaj, cat xin isnano ebnaj tato lañan isyijen ebnaj tzet chal Comam Dios.

³ Chiswatx'e ebnaj huntেক'an ti', yuto caw mach yohtajo ebnaj Inmaman, yeb xin mach quinyohtajojan ebnaj.

⁴ Caw chiwalcanojan huntেক'an ti' teyet, haxinwal yet chiapni istz'ayical chitit yul hec'ul tato halbilxatic'a teyet wuhan.

Ismunil Comam Espíritu Santo

Yalnipaxo Comam Jesús:

—Caw machi walan huntেক'an ti' teyet yet yalañtocoj yuto ayinic'ojan texol.

⁵ Yaja' wal tinañ xin, caw chinpaxtojan isc'atañ Inmaman añeintijan, yaj xin machi hunujex chek'ambe: “¿Baytu'wal chañtohi?” quexchi.

⁶ Wal xin, caw chioc bisc'ulal yin hec'ul yu chivalan huntেক'an ti' teyet.

⁷ Yin caw yeli chiwalcanojan teyet, caw ec'na c'ul tato chintohan, yuto ta mach chintohan caw mach chihul Comam chicolwa teyin. Wal xin caw chintohan cat inchejnitijan Comam.

⁸ Yet chihul Comam tu', ha' chiak'ni yohtañoelo anma tato mulum. Ha' Comam tu' chiak'ni yohtañoelo anma tu' ta caw istoholal quinhulic'ojan inwatx'e'an, yeb ta chil Comam Dios yin tzet chielico anma.

⁹ Ha' Comam Espíritu tu', chiak'ni yohtañoelo anma tato caw mulum, yuto mañtic'a isje isc'ul quinishaba'an yul yanma.

¹⁰ Ha' Comam chiak'nipaxo yohtañoelo anma tato caw istoholal quinhulic'ojan inwatx'e'an, yuxin chinpaxtojan isc'atañ Comam Dios, matxa xin bay chillax wiran.

¹¹ Chak'nipaxo Comam yohtañelo anma tato ha' Comam Dios chiilni yirñ tzet chielico anma, yuto xacawxico ismul naj yahawil yul sat yibañik'inal ti' yibañ yu Comam.

¹² Caw hantañe tzet chiwochehan chiwalan teyet, yaj tinañ mañto chehk'oji hetxumniloj.

¹³ Yaja' yet chihul Comam Espíritu Santo isyelal chala, ha' Comam xin chexcuyni yirñ sunil isyelal. Yaj xin mach yeto tzet chak' hecuyu' tu' to tzet abebil yu, ha' chal teyet, cat yak'ni heyohtañelo tzettaj ye tu' chito yub.

¹⁴ Ha' xin chianico inmayan, yuto chohtañe baytet wetan yehi cat xin yalnolo teyet.

¹⁵ Sunil tzettaj ye tu' yet Inmaman caw wetpaxojan, yuxinto chiwalcanojan teyet; sunil tzettaj ye tu' wetan yehi caw challaxo teyet yu Comam Espíritu Santo, xi Comam.

Hune' bisc'ulal chimeltzo yirñ tzalahilal

¹⁶ Yalnipaxo Comam tet ebnaj iscuywom:

—Hanic'xañe bay matxa cheyila' wiñan, hanic'xañe cat heyilnipaxo wiñan hunelxa yuto chintohan bey Inmaman, xi Comam.

¹⁷ Lahwi yalni Comam haca' tu' xin, istzabnico ebnaj iscuywom Comam isk'amben tet hunun:

—¿Tzet chal yelapno hune' chiyal Comam ti'? “Caw hanic'xañe bay matxa cheyila' wiñan, hanic'xañe xin cat heyilni wiñan hunelxa yuto chintohan isc'atañ Inmaman,” xi Comam, xi ebnaj tet hunun.

¹⁸ Yalnipaxo ebnaj:

—¿Tzet caw yelapno ye hune' chiyal Comam ti', “caw hanic'xañe”? xi Comam. Caw mach chitxumchalo ju tzet chal yelapnoj, xi ebnaj.

¹⁹ Isnanilo Comam Jesús tato caw choche ebnaj isk'ambe' tet Comam, yuxinto yal Comam tet ebnaj:

—Caw xawalan teyet: “Caw hanic'xañe bay matxa cheyila' wiñan, hanic'xañe xin cat heyilni-paxo wiñan hunelxa,” quinchiyán. ¿Tom ha' hune' mawalti'an, ha' caw chek'ambe teyet hunujex?

²⁰ Yiñ caw yeli chiwalan teyet; chioc bisc'ulal yiñ heyánma cat heyok'i. Wal ánma yet yul sat yibañk'inal ti' xin, caw chitzalahocañ. Chiayo bisc'ulal teyibañ, yaj hune' hebisc'ulal tu' xin caw chipaq'uico yiñ tzalahilal.

²¹ K'inalo haca' hunu ix ix, yet chiapni yorahil iswatx'i isc'ul caw bisc'ulal chulo yanma ix yu isya'il chul yibañ ix. Yaja' yet xapitzc'a nich'an istz'ul ix tu' xin matxa chisnati ix isya'tajil tu' yu tzalahilal yiñ nich'an unin xapitzc'a yul sat yibañk'inal ti'.

²² Hac tu' cheyak'le hex ti', caw chioc bisc'ulal yiñ hec'ul tinañ, yaj xin yet cheyilnopaxo wiñan hunelxa, caw choco hune' icham tzalahilal yiñ hec'ul. Machi hunu mac chiyu yinilo hune' tzalahilal tu' teyet.

²³ Yet hune' tiempohal tu' xin, matxa yilalo ay tzet chek'ambe wetan. Yiñ caw isyelal chiwalcanojan teyet, tzijsañe ye tu' chek'an tet Inmaman yiñ inbihan, chiyak' Comam teyet.

²⁴ Wal tinañ xin, caw mañto hunu tzet chek'an yiñ inbihan tet Inmaman. K'anwej cat yak'lax teyet, haxinwal caw tz'ajan chucanico tzalahilal yul heyánma, ñi Comam.

Comam Jesús k'oji yiñ naj yahawil yul sat

yibañk'inal ti'

²⁵ Yalni xin Comam Jesús:

—Huntek'an cuybanile xawalan teyet ti', yechelñe yu walnihan. Yaj xin chiapni yorahil yet matxa chiwalan teyet yin yechelñe, walxinto caw yinxa haban chiwalan teyet tzet caw ye Inmaman.

²⁶ Yet hune' tiempohal tu' xin, chek'an tzet choche hec'ul tet Inmaman yin inbihan. Matxa yilalo chintzotelan teyin tet Inmamtu'an,

²⁷ yuto caw xahan ayex yu Inmaman. Caw xahan ayex yu Comam tu' yuto caw xahan ayinan heyu yeb xin yu xaheyayto yul heyanma tato isc'atañ Comam titnajinan.

²⁸ Isc'atañ Inmaman quintitan yet wulan yul sat yibañk'inal ti'. Wal tinañ xin chinelan yul sat yibañk'inal ti', cat intohan isc'atañ Inmaman hunelxa, xi Comam.

²⁹ Yalni ebnaj iscuywom Comam tu' tet:

—Wal tinañ, caw habanxa hatzoteli, yu matxa chañtzotel yin yechelñe.

³⁰ Tinañ xin, caw chinachalo juhañ tato sunil caw hawohtaj; yuxin chijaytojañ yul janmahañ tato isc'atañ Comam Dios titnajach; matxa yilalo chicok'ambahañ tawet, xi ebnaj tet Comam.

³¹ Yalni Comam tet ebnaj:

—¿Mataxca caw yeli chechayto yul heyanma wiñan?

³² Wal xin, caw lañan yul istiempohal bay chex-pujnahocantoj, nananta bay xin chextocanicoj. Hac tu' xin chu quinhebejnicanojan inchuquilan, yaj xin mach chincanan inchuquilan yuto caw ayco Inmaman wetbihojan.

33 Caw chiwalcanojan sunil huntেক'an ti' teyet yuñe yoccano ak'anc'ulal yirñ heyanna wuhan. Yul sat yibañk'inal ti' cheyila' isya'tajil, yaj aweco yip heyanna yuto haninti'an xaquink'ojihan yirñ sunil isya'tajil ay yul sat yibañk'inal ti'.

17

Yet Istxahli Comam Jesús yirñ ebnaj iscuwym

1 Yet lahwi yalnicanó Comam Jesús huntেক'an ti' xin, ist'añxicañ Comam satcañ, yalni Comam:

–Mam, maapni yorahil hayenilo yip Hac'ahol ti', cat isyenipaxilo Hac'ahol hawip.

2 Wal xin caw ayxaco anma yalañ wipan hawu, yuñe wak'nihan k'inale mach istañbal tet anma xahawak' yul ink'aban.

3 K'inale mach istañbal chaliloj, to chañyohtañelo anma ta hachñech'an caw Dios yirñ caw isyelal, cat xin quinyohtañenilojan anma tato haninan Cristo hinan, hach añeinpaxtijan.

4 Caw xainyelojan hawip yul sat yibañk'inal ti', yuto xainlahan munil hawak' inwatx'ehan.

5 Wal tinañ xin Mam, yepaxilo wipan taw-intaj, hune' wipan ik'biltic'a wuhan yet ayinan tac'atañ yet yalañto mañto chiwatx'i hune' yul sat yibañk'inal ti'.

6 Huntেক'an mac xahasiq'uilo xol anma yul sat yibañk'inal ti', hawati yul ink'aban, xacachwak'an yohtañelo ebnaj. Huntেক'an ebnaj ti' xin caw hawetxatic'a yehi, caw xin chisyije ebnaj tzet chawala.

7 Wal tinañ xin caw yohtaxa tato sunil tzet ak'bil wetan hawu, tac'atañ titnaj.

⁸ Cuybanile hawak' wetan, caw xawalan yabe' ebnaj, ischahni ebnaj yul yanma. Yuxinto caw yohta ebnaj tato caw yeli tac'atañ titnajinan. Caw ischayto ebnaj yul yanma tato hach añeintijan.

⁹ Caw chiwabeñecanojan ebnaj yul hak'ab, mañtaj anma yet yul sat yibañk'inal ti' chiwabeñetojan yul hak'ab, to hañc'añe ebnaj hawak' wetan, yuto caw hawet ye ebnaj.

¹⁰ Macta chiwalan wetojan, caw hawetpaxoj, yeb xin macta caw hawet, wetpaxojan, yirñ xin chiilchalo sunil wipan.

¹¹ Caw hanic'xañe tiempohal ayinic'ojan yul sat yibañk'inal ti', cat xin inpaxtojan tac'atañ. Walpaxo ebnaj ti' xin, chicancano ebnaj bey ti'. Walach hach ti' Mam, caw c'ul hachñetic'a. Macta xahawak' wetan, chawil yu hahelanil, haxinwal hunxañe chute isnabal, haca' je hañoñ ti'.

¹² Yet ayinic'ojan xol ebnaj bey yul sat yibañk'inal ti', caw ilbil ebnaj wuhan, yu hawip ayco ebnaj yul ink'aban.* Ebnaj hawak' wetan, caw xin machi hunu mac c'aytoj, cachañe hune' naj t'iñanxatic'a yetanto isba; yuñe yijni isba tzet aycanayo yul Hatzoti'.

¹³ Wal tinañ Mam, chinpaxtojan tac'atañ, yaj yet ayintoc'ojan ninoxa yul sat yibañk'inal ti', chiwalcanojan huntেক'an ti' haxinwal haca'tic'a yehico tzalahilal yirñ wanmati'an, hac tu' chupaxico tzalahilal yirñ yanma ebnaj.

¹⁴ Caw xawalan hatzoti' yabe' ebnaj, yaj wal anma yet yul sat yibañk'inal ti', caw chichiwa

* **17:12** Yirñ griego chala yirñ habi, ha' chal yelapno tu' ta ayxaco ebnaj yul isk'ab Comam Jesús yu Comam Dios.

isc'ul yirñ ebnaj yuto caw matxa yeto yul sat yibañk'inal ti' ye ebnaj. Haca' inpaxojan mach yeto yul sat yibañk'inal ti' wehan.

¹⁵ Wal xin mach chink'anan tawet ta chawilo ebnaj yul sat yibañk'inal ti', hañic'añe chink'anan tawet ta chac'uba ebnaj tet naj matzwalil.

¹⁶ Caw mach yeto yul sat yibañk'inal ti' wehan, hacpax tu' ebnaj, caw mach yeto yul sat yibañk'inal ti' ye ebnaj.

¹⁷ Watx'eco isnabal ebnaj tawiñ yu hahelanil, Hatzoti' xin, ha' ton isyelal.

¹⁸ Haca' yu quinhawanitijan xol anma ay yul sat yibañk'inal ti', hac tu' chiyu wanipaxtojan ebnaj xol anma.

¹⁹ Yu ebnaj hawaco yul ink'aban, yuxin chiwaco inbahan yirñ munil hawak' wetan; hac tu' xin chiwax'ico ebnaj yul hak'ab yu isyelal.

²⁰ Maññetajpaxo yirñ ebnaj ti' chink'anan hac'ulal, caw chink'anpaxojan hac'ulal yirñ sunil anma chinchahnihan yul yanma yu Hatzoti' chala'co ebnaj ti'.

²¹ Wal tinañ xin Mam, caw chink'anan tawet tato caw hunñehojab chiyute isnabal ebnaj. Haca'tic'a je hañoñ ti', hawetbi wehan, wetbipaxojan hawehi. Hac tu' Mam, chiwochehan tato caw hunxañehojab chucano isnabal ebnaj. Hac ton tu' xin chiyu yanayto anma yul yanma tato hach añeintijan yul sat yibañk'inal ti'.

²² Ha' isc'ulch'anil hawak' wetan xawak'paxojan tet ebnaj tu', yuñe caw lahanxañe chiyucano isnabal haca'tic'a je hañoñ ti'.

23 Caw wetbi inbahan yeb ebnaj, caw xin jet-bipaxo coba. Hac tu' xin caw hunxañe chucano ebnaj. Hac ton tu' xin chiyu istxumchalo yu anma ay yul sat yibañk'inal ti' tato caw hach quin-hachejtijan, cat xin isnachalo yu tato caw haca' isxahanil ayinan hawu, hac tu' isxahanil aypaxo anma ayxaco yul ink'abti'an hawu.

24 Mam, ebnaj ayxaco yul ink'abti'an hawu, caw chiwochehan tato bay chinehan ha' tu' xin chieh-paxo ebnaj inc'atañan yuñe yilni ebnaj wipan ak'bil wetan hawu, yuto caw xahan ayinan hawu yalañto yet mañto hune' yul sat yibañk'inal ti'.

25 Walach hach ti' Mam, caw toholcano sunil tzet chawatx'e. Wal anma ay yul sat yibañk'inal ti', caw mach cachyohtajoj. Walinan xin, caw ohtabilach wuhan, caw xin yohtapaxo ebnaj ayco yul ink'abti'an tato hach añeintijan.

26 Caw xacachinyelojan tet ebnaj, yuxin chachyohtañelo ebnaj, yaj chito cam cachwak'a'an yohtañelo ebnaj. Yuñe haca' isxahanil ayinan hawu, hac tu' isxahanil aypaxo ebnaj hawu, haxinwal hun chiwupaxojan yeb ebnaj, xi Comam Jesús tet Comam Dios.

18

Yet istzablaxayo Comam Jesús

(Mt 26:47-56; Mr 14:43-50; Lc 22:47-53)

1 Lahwi yalnicano Comam Jesús hunttek'an tzoti' tu' xin, isto Comam yeb ebnaj iscuwymom isk'axepic'to hune' ha' nich'an ha' chiyij Cedrón, bey yul hune' peyab xol hunttek'an te' tz'unub, ha' tu' xin octo Comam yeb ebnaj iscuwymom tu'.

² Wal naj Judas, chianico Comam yul isk'ab camical, caw yohta naj hune' peyab tu', yuto caw tx'i'al el beyc'o Comam yeb ebnaj iscuylwom bey tu'.

³ Yuxin hac tu' yu isbey naj Judas tu' issaynoyo Comam. Tzujan xin hun bulan ebnaj soldado yinta naj, yeb hunték'an ebnaj chitañen yatut Comam Dios chejlxati yu ebnaj fariseo yeb ebnaj iswi'ehal yiri ebnaj sacerdote. Yetbi ebnaj tu' istah, yeb iscantil, yeb ch'en ch'en chiochnico yiri howal.

⁴ Wal xin, caw yohtaxa Comam Jesús tzet lañan yul yibañi, yuxinto elto Comam chahwal yiri ebnaj, isk'ambeni:

—¿Mac chesaya? Xi Comam.

⁵ Istak'wi ebnaj xin:

—Naj Jesús nazareno chicosayic'ojañi, xi ebnaj.

—Hanintonan, xi Comam tet ebnaj.

Aypaxico naj Judas xol ebnaj, naj chianico Comam yul isk'ab camical.

⁶ Yet yalni Comam haca' ti': *Hanintonan*, xi Comam, isto tecton ebnaj yintaj, yayc'ay ebnaj xin.

⁷ Lahwi tu' xin, isk'ambenpaxo Comam:

—¿Mac chesaya? Xi Comam.

—Ha' naj Jesús nazareno chicosayañi, xipaxo ebnaj.

⁸ Yalni Comam xin:

—Yaj caw chiwalan teyet tato haninan chinhesayic'ojan, bejwecano ebnaj ti', xi Comam tet ebnaj.

⁹ Hac tu' xin yu yijni isba tzet yal Comam tet Comam Dios yet yalni: “Sunil ebnaj hawak' yul ink'aban, machi hunu ebnaj chic'ayto wuhan,” xi.

¹⁰ Wal naj Simón Pedro, yihti naj yespada yul yatut, ispitnilto naj istxiquin ischejab naj yahawil ebnaj sacerdote, Malco isbi. Ha' hune' istxiquin naj yíñ iswatx'k'ab ha' ispitilto naj.

¹¹ Yalni Comam tet naj:

—Ayto hawespada yul yatut. ¿Tom mach yilalo wak'ni inbahan yul isk'ab isya'tajil nabilico wiñan yu Inmaman? Xi Comam.

Yet yilaxto Comam Jesús sata naj Anás

(Mt 26:57-58; Mr 14:53-54; Lc 22:54)

¹² Lahwi tu' xin, istzablaxayo Comam Jesús yu ebnaj soldado, yeb naj yahawil yeco yíñ ebnaj, yeb yu ebnaj chitañen yatut Comam Dios chejbilti yu ebnaj yahawil yíñ ebnaj Israel; isc'alnayo ebnaj Comam.

¹³ Babel yito ebnaj Comam bey yatut naj Anás,* ismam yixal naj Caifás. Ha' naj Caifás, caw yahawil yeco yíñ ebnaj sacerdote yíñ hune' habil tu'.

¹⁴ Ha' naj Caifás tu' halni tet ebnaj yahawil yíñ ebnaj sacerdote tato ec'na c'ul iscam hunu anma selelo sunil anma ay yul coñob Israel tu'.

Yet yalni naj Pedro ta mach yohtajo naj Comam Jesús

(Mt 26:69-70; Mr 14:66-68; Lc 22:55-57)

¹⁵ Yet yilaxto Comam Jesús, caw nahat tzujan isto naj Pedro yinta Comam, yeb hune'xa naj is-cuywom Comam. Hune' naj ti' xin, caw yohta isba naj yeb naj yahawil yehico yíñ ebnaj sacerdote, yuxinto octo naj isti' yatut naj yinta Comam.

* **18:13** Naj Anás ti', yet yalañtocano ha' naj ayco yahawilo yíñ ebnaj sacerdote Israel

¹⁶ Wal naj Pedro tu' xin, cancano naj sat hune' pulta ayco isti' beh, yaj xin elti naj iscuwymom Comam yohta isba yeb naj yahawil yiri ebnaj sacerdote, yalni naj tet ix chitañen pulta tu' ta chiocto naj Pedro.

¹⁷ Yalni ix chitañen yocto anma yul hune' pulta tu' tet naj Pedro:

—¿Tom mañtaj hunach chañcuywi yinta hune' naj ti'? Xi ix tet naj. Istak'wi naj Pedro tu' tet ix:

—Machoj, mañtajinan, xi naj.

¹⁸ Yet hune' tiempohal tu' caw chew, yuxin yaco ebnaj chejab yeb ebnaj chitañen yatut Comam Dios k'a', yoc ebnaj k'añnoj. Sunil ebnaj tu' oc liño yiri k'a', ha' hun naj Pedro tu' oc liño k'año yiri k'a' xol ebnaj.

Huntek'an k'ambetal oc tet Comam Jesús yu ebnaj yahawil sacerdote

(Mt 26:59-66; Mr 14:55-64; Lc 22:66-71)

¹⁹ Lahwi tu' xin, isk'amben naj yahawil ebnaj sacerdote huntek'an k'ambetal tet Comam Jesús:

—¿Mac ebnajil chicuywi tawintaj? ¿Tzettaj ye tu' chawak' iscuymu' ebnaj? Xi naj tet Comam.

²⁰ Istak'wi Comam tet naj:

—Yet incuywahan yiri anma, caw sajsatil quincuywahan. Caw incuyan anma yulaj capilla yeb xin yul yatut Comam Dios bay chi-la-iscutxba isba anma Israel. Yuxinto caw machi hunu tzet ye tu' ti' walan yiri caw ewantajil.

²¹ ¿Tzet yiri yuxinto wetan chak'ambe? K'ambe tet anma bay quincuywahan, ha' anma chihalni tawet tzet wak'an iscuymu'. Wal xin caw yohta anma tu' tzet halbilcano tet wuhan, xi Comam.

²² Yet yalni Comam tet naj haca' tu', ispak'laxilto sat Comam yu hune' naj chitañien yatut Comam Dios, yalni naj:

—¿Tzet yiñ yuxinto hac tu' hatak'wi tet naj yahawil sacerdote ti'? Xi naj tet Comam.

²³ Istak'wicañ Comam tet naj:

—Tato ay hunu tx'oj mawalan chawabe, halilo tinañ baytet. Ta c'ul xin, ¿tzet yiñ yuxinto chinhamak'an? Xi Comam tet naj.

²⁴ Isc'allaxto Comam tet naj Caifás yu naj Anás, naj yahawil yiñ ebnaj sacerdote.

Yal naj Pedro yiñ iscayel ta mach yohtajo naj Comam Jesús

(Mt 26:71-75; Mr 14:69-72; Lc 22:58-62)

²⁵ Wal naj Pedro xin, k'añno chu naj xol ebnaj chejab yeb ebnaj chitañien yatut Comam Dios, yoc ebnaj isk'ambeno tet naj:

—¿Walach hach ti', hawetbimi haba yeb naj Jesús ti'? Xi ebnaj tet naj. Yaj caw mañtic'a yalilo naj, yalni naj haca' ti':

—Machoj, caw mach wetbiho inbahan yeb naj, xi naj Pedro tu'.

²⁶ Hunepixto xin, isk'amben hune' ischejab naj yahawil yiñ ebnaj sacerdote ayto yu isba yeb naj elto istxiquin yu naj Pedro tu':

—Yaj caw cachwilan xol te' tz'unub yeb naj Jesús ti', xi naj tet naj Pedro.

²⁷ Yanipaxico naj Pedro tu' lek'ti'al tato mach yohtajo naj Comam, hunepixto xin, yok'cañ no' icham chiyo.

*Yet yilaxto Comam Jesús sata naj Pilato
(Mt 27:1-2, 11-14; Mr 15:1-5; Lc 23:1-5)*

28 Yet issajbilo xin, yilaxilti Comam Jesús yul yatut naj Caifás, yilaxto Comam sata naj gobernador Poncio Pilato. Yaj mach octo ebnaj Israel yul capil bay ayicto naj gobernador tu', yuto txahul yocto ebnaj haca' yalni isley ebnaj. Tato chiocto ebnaj tu', matxa chiyu isloni ebnaj itah chilolax yirñ k'irñ Pascua.

29 Yuxinto elti naj gobernador tzotelo isti' capil, isk'amben naj tet ebnaj:

—¿Tzet ismul hune' naj ti' heyalni? ñi naj.

30 Istak'wi ebnaj tet naj:

—Tato mach xiwqulta ismul naj ti', machim majitijañ naj tawet, ñi ebnaj.

31 Yalni naj Pilato tu' tet ebnaj:

—Iweto naj, cat xin heyilni tzet chielico naj haca' chiyute yalni heley, ñi naj tet ebnaj. Istak'wi ebnaj Israel tu':

—Yaj wal hañoñ Israel oñti'añ, caw mach chiyu jak'ni camojañ hunu anma,† ñi ebnaj.

32 Hac tu' xin yu yijni isba tzet halbilcano yu Comam Jesús yirñ tzet chiyu iscami.

33 Yocpaxto naj Pilato tu' yul capil hunelxa. Yawtenicto naj Comam Jesús isc'atañ, isk'amben naj tet Comam:

—¿Tom yahawil anma Israel hawehi? ñi naj tet Comam.

34 Istak'wi Comam xin:

—¿Yulmi hawi' chawiti chawalni hune' ti', mato ay mac halñe tawet? ñi Comam.

35 Istak'wi naj Pilato tu' xin:

† **18:31** Yal ebnaj haca' tu' yuto isley ebnaj ah Roma chiyu yak'ni camo hunu anma

—¿Tom Israel inan hawalni? Ha' ebnaj hawet coñob, yeb xin ebnaj yahawil yehico yin ebnaj sacerdote, ha' ebnaj macachiniti wetan, ¿tzet hamul? Xi naj tet Comam.

³⁶ Yalni Comam:

—Wal haninti'an, maɁtaj yul hune' sat yibañk'inal ti' chinocan Yahawil. Tato yul sat yibañk'inal ti' yahaw inan, sunilmi anma ayxaco yul ink'aban chiscutxba isba cat xin istzabnico howal yuñe quiniscolnihan yul isk'ab ebnaj yahawil coñob Israel. Wal xin maɁtaj yul sat yibañk'inal ti' chinocan Yahawil, xi Comam tet naj.

³⁷ Yalni naj Pilato tu':

—¿Tom yeltic'a yahawil hach, chal tu'? Xi naj.

—Ho' Yahawil wehan haca' hawalni ti'. Quinpitzc'ahan yul sat yibañk'inal ti' yuñe walnihan isyelal. Yuxin macɁetic'a yetxatic'a isyelal yehi chiyabe tzet chiwalan, xi Comam.

³⁸ Isk'amben naj Pilato tu':

—¿Tzet yelapno hune' isyelal tu'? Xi naj tet Comam.

*Yet iscawxelaxico camical yibañ Comam Jesús
(Mt 27:15-31; Mr 15:6-20; Lc 23:13-25)*

Yet lahwi isk'amben naj Pilato tet Comam haca' tu' xin, yelpaxti naj isti' capil, yalni naj tet ebnaj Israel cutxanico tu':

—Walinan, caw machi mule chiilchalo yin naj ti' wuhan.

³⁹ Yaj hex ti', caw hunun habil hek'annilto hunun ebnaj presowom yet chiec' k'iñ Pascua ti'. ¿Chimheyoche tato chinbejtzohan hune' naj heyahawil ti'? Xi naj tet ebnaj.

⁴⁰ Yet yaben ebnaj yalni naj Pilato haca' tu', yah wejla ebnaj, yalni yin caw ip:

—¡Machoj! Maʔtaj naj chabejtzo, ha' naj Barrabás, ha' naj chabejtzo, ʕi ebnaj. Wal naj Barrabás tu' xin, elk'om naj.

19

¹ Lahwi tu' xin, yinito naj Pilato tu' Comam Jesús, ischejni naj hatelaxo Comam.

² Isbak'onayo ebnaj soldado huntেক'an te' tx'ix coronahil, yanahto ebnaj yin iswi' Comam, yanipaxico ebnaj hune' xilk'ape yin Comam, hucan yehi, cajmutz'muñe jilni.

³ Lahwi tu' xin, ishitzico ebnaj isc'atañ Comam, yalni ebnaj haca' ti':

—Jak'a'co iswinajil naj yahawil coñob Israel, ʕi ebnaj chetan ebnaj Comam.

Chi-la-ispak'nilto ebnaj sat Comam.

⁴ Lahwi tu' xin, yelpaxti naj Pilato tu' isti' iscapil, yalni naj tet ebnaj Israel tu':

—Ilwec'anabi lah, chiwiltijan naj heyila' yuñe caw heyabencanoj tato caw machi nich'ano ismul naj chilchalo yin wuhan, ʕi naj tet ebnaj.

⁵ Lahwi tu' xin, yelilo Comam isti' capil, ayahto hune' corona tx'ix tu' yin iswi' Comam, hucanpaxico hune' k'ap yin Comam cajmutz'muñe. Yalni naj Pilato tu' tet ebnaj:

—Ilwec'anabi, ay naj lah, ʕi naj.

⁶ Hayet yilni ebnaj yahawil yin ebnaj sacerdote yeb ebnaj chitañen yatut Comam Dios, yah yaw ebnaj, yalni ebnaj yin caw ip:

—Ahojab naj yin culus, ahojab naj yin culus, ʕixañe ebnaj sunil.

—Yuxinto yal naj Pilato tu' tet ebnaj:

—Ta hac tu' chal tu', iweto naj cat heyanicarñ naj yirñ culus tu' hechuquil, yuto caw machi nino ismul naj chiilchalo yirñ wuhan, ñi naj tet ebnaj.

⁷ Yalni xin ebnaj Israel tu' tet naj:

—Wal coleyarñ xin, chala tato caw yilal iscam naj, yuto caw chalico isba naj Isc'aholo Comam Dios, ñi ebnaj.

⁸ Yet yaben naj Pilato hune' ti' xin, ec'na caw xiwcañ naj.

⁹ Yuxinto meltzopaxicto naj yul capil tu' hunelxa, isk'amben naj tet Comam:

—¿Baytu'wal titnajachicoj? ñi naj. Caw xin mañtic'a tak'wi Comam tet naj.

¹⁰ Yuxinto yal naj tet Comam:

—¿Tzet yirñ yuxinto mach chañtak'wi wetan? ¿Tom mach hawohtajoj tato ay wipan cachinbejt-zonan, maca xin cachwanicarian yirñ culus? ñi naj tet Comam.

¹¹ Istak'wi Comam tet naj:

—Caw machim hawip wiñan tato mañtaj Comam Dios ak'ñe hune' hawip ti' yul hak'ab. Wal xin, ha' naj quinanicojan yul hak'ab ti', ha' naj caw ec'na ay ismul tasataj, ñi Comam tet naj.

¹² Yet yaben naj yalni Comam hune' tu', issayni naj tzet caw chiyu iscolcha Comam, yaj caw ip yahcañ yel yaw ebnaj Israel tu', chalni ebnaj:

—¡Tato chabejtzo naj, caw chacaj naj jahaw ay bey Roma chal tu', yuto macñetic'a chal isba jahawil, caw chiscaj naj jahaw ay bey Roma! ñi ebnaj.

¹³ Yet yaben naj Pilato hune' tu', yalni naj tato chiillaxilti Comam Jesús. Lahwi tu' xin, yay

tz'orño naj yul ischem bay chiillaxi tzet chielico anma ay ismul. Hune' lugar tu', Gabata isbi yul abxubal hebreo. Gabata tu' chal yelapnoj latz'bilcañ ch'en ch'en.

¹⁴ Chumanil xin yet hecalxañe chiichico k'iñ Pascua, yalni naj tet ebnaj Israel tu':

—Ay heyahawil ti' lah, xi naj.

¹⁵ Yahpaxo wejna ebnaj yalni yiñ caw ip:

—¡Camojab naj, camojab naj, acañ naj yiñ culus! xi ebnaj yiñ Comam.

Istak'wipaxo naj:

—¿Tom chiwacañan naj heyahawil ti' yiñ culus, chal tu'? xi naj tet ebnaj.

Istak'wi ebnaj yahawil yiñ ebnaj sacerdote:

—Wal hañoñti'añ, mach hunuxa jahawilañ cachañe naj jahawil ay bey Roma, xi ebnaj tet naj.

¹⁶ Hac tu' xin yu yanico naj Pilato Comam yul isk'ab ebnaj yuñe yanicañ ebnaj yiñ culus. Hac tu' xin yu yinito ebnaj Comam.

Yet yalaxcañ Comam Jesús yiñ culus
(Mt 27:32-44; Mr 15:21-32; Lc 23:26-43)

¹⁷ Yet yelto Comam Jesús yul coñob Jerusalén tu', yinito Comam isculus yibañ iswixic' bay chialaxicoj. Yilaxto Comam bey hune' tx'otx' chiyij Gólgota. Hune' tzoti' Gólgota tu', chal yelapnoj Isbajil Wi'e yiñ abxubal hebreo.

¹⁸ Ha' tu' xin alaxcañ Comam yiñ culus. Ay-paxo xin cawañxa ebnaj alaxcañ yiñ culus yinta Comam. Hune' naj ah yiñ iswaxt'k'ab Comam, hune'xa naj ah yiñ ismeck'ab.

¹⁹ Istz'ibñien naj Pilato hayeb tz'ib, ischejni naj yalaxoco yibañ iswi' Comam yíñ culus, chalni haca' ti': *Naj Jesús ah Nazaret, Yahawil anma Israel, xi hayeb tz'ib tu'.*

²⁰ Caw hantañe ebnaj Israel ilni hunték'an tz'ib tu', yuto caw istxam coñob Jerusalén alaxcañ Comam yíñ culus. Ha' hunték'an tz'ib tu' xin, ayico yíñ abxubal hebreo yeb xin yíñ abxubal griego, yeb xin yíñ hune'xa abxubal chiyij latín.

²¹ Yuxinto yal ebnaj yahawil yíñ ebnaj sacerdote tet naj Pilato tu':

—Majaltam ti', mach yahawilo ebnaj Israel maxawutecoj, hacoj ti' maxawutecoj lah, naj chiyal isba yahawil ebnaj Israel, xi ebnaj.

²² Istak'wi naj Pilato tet ebnaj:

—Baytetic'a toxa mantz'ibñecojan hac tu' chiyucanoj, xi naj.

²³ Yet lahwi yanicañ ebnaj soldado Comam Jesús yíñ culus tu', yinicañ ebnaj xil isk'ap Comam, ispohnicanto ebnaj yíñ. Caw cañeb elico k'ap, hunun litx'an yet hunun ebnaj. Wal hune' k'ap chishucbaco Comam yibañ xil isk'ap xin, machi istzilbanil k'ap, yuto hune'ñe ye ischembanil k'ap sunil masanta chiayilo yíñ yojtabanil.

²⁴ Yuxinto yal ebnaj soldado tu' tet hunun:

—Mach chicotzilto hune' ti', wal xin jilwe coba yíñ mac chiinitoj, xi ebnaj tet hunun.

Hac tu' xin yu yijnicano isba yíñ tzet tz'ibñebilcano yul Yum Comam Dios bay chala: “Istzilayo ebnaj xil ink'apan yíñ, yilwenpaxo isba ebnaj yíñ mac chiinito xil ink'apan hucan yehi,”*

* **19:24** Sal 22:18

xicanayoj. Yaj xin caw yeli, hac tu' yute ebnaj soldado tu'.

²⁵ Iscawilal bay aycañ Comam yin culus tu' xin, liñancañ ismi' Comam yeb xin isnoh ismi', yeb xin ix María yixal naj Cleofas, yeb xin ix María ah Magdala.

²⁶ Isc'atañ ismi' Comam tu' xin, liñancañ hune' naj iscuwym Comam caw ochebil yu. Yet yilni Comam ismi' tu', yalni Comam:

—Mi', naj liñancañ tac'atañ tu', haca' hawunin chiyucanico naj, xi Comam.

²⁷ Yalnipaxo Comam tet naj iscuwym tu':

—Inmi'ti'an, caw haca' hami' chiyucanicoj, xi Comam tet naj.

Hac tu' xin yu yoc naj yilno ismi' Comam bey yatut.*

Yet iscam Comam Jesús

(Mt 27:45-56; Mr 15:33-41; Lc 23:44-49)

²⁸ Lahwi tu' xin, yohtañenilo Comam Jesús tato caw yijcano isba sunil tzet yilal iswatx'eni, yuxinto yal haca' ti':

—Caw chitaj inti'an, xi Comam. Yal Comam hune' ti' yuñe yijnicano isba tzet tz'ibrñebilcano yin Istzoti' Comam Dios yet payat.*

²⁹ Bey tu' xin, ayayo hune' xalu vinagre, islabanayto ebnaj hune' esponja xol, yanico ebnaj hune' esponja tu' yin iswi' hune' te' hisopo, yanahto ebnaj yin isti' Comam.

³⁰ Yet lahwi yuc'ni Comam vinagre tu' xin, yalni haca' ti':

* **19:27** Ha' naj bay yalcano Comam huntেক'an ti', ha' ton naj Juan, tz'ibrñencano hune' hum ti' * **19:28** Sal 69:21

—Mayijcano isba sunil tinañ, xicano Comam. Lahwi tu' xin, yay xulna iswi' Comam, iscamiloj.

Yet ishopchan hune' naj soldado ismotx Comam Jesús yu islanza

³¹ Caw xin hecalxañe k'iñ Pascua yeb xin istz'ayical xewilal, yuxinto mach chisje isc'ul ebnaj Israel tato chicancano isnimanil ebnaj aycañ yíñ culus bey tu', yuto caw aycano yelapno hune' tz'ayic xewilal tu' yul sat ebnaj. Yuxinto bey ebnaj isk'ana' tet naj Pilato tato chischej naj k'ahlaxoto isbajil yoj Comam yeb ebnaj alaxcañ yíñ culus yinta Comam tu', yuñe iscamilo yíñ añe cat xin yilaxayo isnimanil yíñ culus.

³² Yuxin apni ebnaj soldado isk'ahalto yoj naj babel yeb xin naj iscab.

³³ Yet yapni ebnaj yíñ Comam Jesús xin, yilni ebnaj tato xacamnalo Comam, yuxinto matxa isk'ahilto ebnaj yoj Comam.

³⁴ Yaj xin ay hune' naj soldado hopchan ismotx Comam yu islanza, yelilo chic' yeb ha ha' yul ismotx Comam.

³⁵ Wal xin haninan caw wilan hun ti' yuxinto chiwalan teyet, caw chiwalan isyelal teyet yuñe heyanyto yul heyannya tato caw hac tu' yuhi. Caw wohtajan tato caw isyelal tzet chiwalti'an.

³⁶ Matxa k'ahlaxilto yoj Comam yuñe yijnicano isba tzet tz'ibñebilcano yul Yum Comam Dios yet payat bay chal haca' ti': “Machi hunu isbajil chik'ahlaxtoj,” xi.

³⁷ Chalpaxo haca' ti' yíñ Istzoti' Comam Dios: “Chiillax hune' naj hopchabil yu ch'en lanza,”* xi.

* 19:37 Sal 34:10; Zac 12:10

*Yet ismujlax Comam Jesús**(Mt 27:57-61; Mr 15:42-47; Lc 23:50-56)*

³⁸ Ay xin hune' naj José isbi, ah Arimatea. Ha' naj tu' xin tzujantic'a yíñ tzet chal Comam Jesús, toñe xin mach chisyelo naj yuto caw chixiw naj tet ebnaj yahawil yeco yíñ anma Israel. Isbey naj isk'anno tet naj Pilato ta chiyiyo naj isnimanil Comam yíñ culus.

³⁹ Ha' hun naj Nicodemo, naj beyc'o ilno Comam yet ak'balil yet yalañtocoj, apni naj bey tu', ik'bil oxeb arroba hunték'an añ caw xuk' sam yu naj; mirra isbi, sombil yeb hunték'an añ chiyij áloes.

⁴⁰ Lahwi tu' xin, yinito ebnaj isnimanil Comam, ispichnico ebnaj k'ap yeb añ caw xuk' sam tu' yíñ isnimanil Comam; yuto hac tu' chiyute anma Israel yíñ iscamom yet chimujlaxi.

⁴¹ Iscawilal bay alaxcañ Comam yíñ culus tu', ay hune' peyab yet tz'unub, ha' tu' xin ay hune' ch'en ch'en holbil yul bay chialaxicto camom. Caw xin ac'to ch'en, caw maḁto hunu camom chialaxicto yul ch'en.

⁴² Yu yichixa tz'ayic xewilal, yeb xin yu cawil yeco hune' ch'en ch'en tu', yuxin ha' tu' yacanicto ebnaj isnimanil Comam.

20*Yet yitzitzbicañ Comam Jesús xol camom**(Mt 28:1-10; Mr 16:1-8; Lc 24:1-12)*

¹ Haxa yet babel tz'ayic yíñ semana, caw ayto issajbiloj isto ix María ah Magdala bay alaxicto isnimanil Comam. Yilni ix ta matxa ch'en ch'en ayco ismajilo isti' bay alaxicto Comam tu'.

² Hac tu' xin yu ispaxto ix yíñ añe yalno tet naj Simón Pedro yeb xin tet hune'xa naj iscuwymom Comam, naj caw xahan ay yu. Yalni ix María ah Magdala tu' tet ebnaj:

—Caw ma'ilaxilti isnimanil Comam Jesús baytic'a ayicto; baymitu'wal mailaxto isnimanil Comam, caw mach johtajoj, xi ix tet ebnaj.

³ Yet yaben naj Pedro yeb hune'xa naj caw ochebil yu Comam tu', isto ebnaj bay alaxicot Comam tu'.

⁴ Caw xin añe yak' ebnaj iscawañil, yaj xin babico hune'xa naj tu' sata naj Pedro, yuxin babel apni naj sata naj.

⁵ Apniñe naj xin yay c'oñino naj, ist'añixicto naj bay alaxicto isnimanil Comam. Yilni naj xin tato haxañc'añe k'ap k'ap pichlaxico yíñ Comam wojanayoj, yaja' xin machi octo naj.

⁶ Lahwi tu' xin, yapni naj Simón Pedro, beh xin yocto naj yilnoj, yilni naj xin tato caw haxañc'añe k'ap k'ap wojancanayoj.

⁷ Wal k'ap payu'e c'alñe iswi' Comam, chulbi-layo k'ap. Mach hunu yehayo k'ap yeb k'ap pichlaxico yíñ Comam.

⁸⁻⁹ Lahwi tu' xin, yocto hune'xa iscuwymom Comam tu', naj babel apni, yilni naj xin tato matxa Comam ayicto yul ch'en, yanayto naj yul yanma. Yaja' wal xin caw mañto chitxumchalo yu ebnaj tzet tz'ibñebilcano yul Yum Comam Dios bay chala tato caw yilal ispitzc'acañ Comam Jesús xol camom.*

¹⁰ Lahwi tu' xin, ispaxti ebnaj bay aya.

* **20:8-9** Sal 16:10; Is 53:10-12

Yet isyeni isba Comam Jesús tet ix María ah Magdala

(Mr 16:9-11)

¹¹ Wal ix María ah Magdala, cancano liño ix ok'o isti' bay alaxicto Comam, yay ñohno ix ist'añixicto ix.

¹² Yilnicto ix cawañ ebnaj ángel, caw saj jilni xil isk'ap ebnaj ayco yiñ, tz'oñayo ebnaj bay ec'lena isnimanil Comam tu', hune' naj yiñ iswi'taj hune'xa naj yiñ yojtaj.

¹³ Lahwi tu' xin, isk'amben ebnaj tet ix:

—¿Tzet chawok'te? Xi ebnaj. Istak'wi ix:

—Chinok'an yuto ma'ilaxto isnimanil Wahawilan, caw mach wohtajojan baytu'wal ma-bey-alaxocanoj, xi ix tet ebnaj.

¹⁴ Hunepixto tu' xin, ist'añixito ix yintaj, yilni ix xin liñanxacañ Comam Jesús isc'atañ ix, yaj mach istxumilo ix tato ha' Comam.

¹⁵ Isk'amben Comam tet ix:

—¿Tzet yiñ yuxinto chachok'i? ¿Mac chasaya? Xi Comam.

Ha' yute isnani ix tato ha' naj chitañen hune' tz'unub tu' chitzotel tet ix, yuxinto yal ix:

—Mamin, tato hach maxawitoj, halilo wetan baytu'wal macachbey hawak'a'canaoj, cat winitojan, xi ix.

¹⁶ Yalni Comam tet ix:

—¡María! Xi Comam.

Hac tu' xin yu ismeltzoto ix yintaj, ist'añixico ix yiñ Comam, yalni ix yiñ abxubal hebreo: “Raboni,” xi ix. *Maestro*, ha' chaliloj hune' tu'.

¹⁷ Yalni Comam tet ix:

—Bejtzoinan, mach chinhatzaban yuto mañto chinapnihan isc'atañ Inmaman. Wal tinañ xin, as

hal tet ebnaj wux̄tajan tato chinpaxtojan isc'atañ Inmaman, ha' Hemampaxoj, inDiosalan, heDiosalpaxoj, xi Comam tet ix.

¹⁸ Yuxin to ix María ah Magdala tu' yala' tet ebnaj iscuwym Comam, yalni ix haca' ti':

—Caw mawilan yin Comam Jesús, xi ix. Lahwi tu' yalni ix tet ebnaj yin tzet yal Comam.

Yet isyeni isba Comam Jesús tet ebnaj iscuwym (Mt 28:16-20; Mr 16:14-18; Lc 24:36-49)

¹⁹ Yet babel tz'ayic yin semana tu' yet lañan yah ak'bal cutxanico ebnaj iscuwym Comam. Caw caw yecano ispulta ebnaj yu, yuto caw chixiw ebnaj tet ebnaj yahawil yin ebnaj Israel. Yoc apno Comam bey tu', yoc liño Comam yictabal ebnaj, yalni Comam tet ebnaj:

—Ayojab ak'anc'ulal texol, xi Comam.

²⁰ Yet lahwi yalni Comam hune' tu', isyeni Comam isk'ab tet ebnaj yeb ismotx bay to ch'en lanza. Hayet yalni ebnaj Comam tu' xin, caw occano hune' niman tzalahilal yin yanma ebnaj.

²¹ Yalni Comam tet ebnaj hunelxa:

—Ayojab ak'anc'ulal texol. Haca' yu walaxtijan yu Inmaman, hac tu' xin chiyu quexwanitojan, xi Comam tet ebnaj.

²² Lahwi tu' xin, yanilto Comam xob isti', yalni Comam:

—Chahwecano Espíritu Santo, xi Comam.

²³ Ha' mac chitañcano ismul yibañ heyu, chitañcano ismul yibañ yu Comam Dios. Wal mac mach chitañcano ismul yibañ heyu xin, caw mach chitañpaxo ismul yibañ yu Comam Dios, xi Comam tet ebnaj.

Yet yilni naj Tomás Comam Jesús yet xapitzc'acari

²⁴ Ay xin hune' naj xol ebnaj cablahoriwari iscuwym Comam Jesús tu', Tomás isbi, naj chihallax “Tioŕ uninal.” Machi naj ayco xol ebnaj iscuwym Comam tu' yet isyeni isba Comam.

²⁵ Yuxinto yal ebnaj tet naj Tomás tu':

—Caw majilari yiri Comam, xi ebnaj.

—Istak'wi naj:

—Tato mach chiwilan bay tona ch'en lawuŕ yul isk'ab Comam cat wanicto yiximal ink'aban yul, yeb ta mach chintzaban bay tona ch'en lanza yul ismotx Comam, caw mach chiwaytojan yul wamahan, xi naj.

²⁶ Semanahilxa tu' xin, iscutxbanpaxo isba ebnaj hunelxa yul ña, ayicto xin naj Tomás tu' xol ebnaj, caw xin c'ul yecanico ispultahil te' ña bay ayicto ebnaj tu'. Yoc apno Comam bey tu', yoc liño Comam yictabal ebnaj, yalni Comam:

—Ayojab ak'anc'ulal texol, xi Comam.

²⁷ Lahwi tu' xin yalni Comam tet naj Tomás:

—Tomás, acto yiximal hak'ab yul isholanil ink'abti'an lah, cat hawanipaxicto yul isholanil inmotxan. Mach chicabcon hac'ul, ayto yul hawanma wiñan, xi Comam.

²⁸ Lahwi tu' xin, yalni naj Tomás tu' tet Comam:

—¡Hach Wahawil, hach inDiosalan! xi naj tet Comam.

²⁹ Yalni Comam Jesús tet naj xin:

—Caw mato xawilico wiñan maxawanayto yul hawanma. Wal xin, aytam sak'al yet anma mach yecho chinyilan cat xin quinyanaytojan yul yanma, xi Comam tet naj.

Tzet yin̄ yuxin tz'ibñelaxcano cuybanile ti'

³⁰ Caw xin tx'i'alto c'aybale'ule isye Comam Jesús yila' ebnaj iscuwym mach tz'ibñebilayo yul hune' hum ti'.

³¹ Yaja' tz'ibñebilcano huntেক'an ti' yuñe heyamayto yul heyayma tato ha' Comam Jesús, ha' ton Cristo, Isc'ahol Comam Dios. Haxinwal yet cheyanayto yul heyayma, chechah hek'inal mach istañbal yin̄ isbi Comam.

21

Yet isyeni isba Comam Jesús tet hujwañ ebnaj iscuwym

¹ Lahwi tu' xin, isyenipaxocañ isba Comam Jesús hunelxa tet ebnaj iscuwym yet ay ebnaj isti' ha' lago Tiberias. Hac ti' xin yu isyeni isba Comam tet ebnaj.

² Isti' ha' lago tu' ayayo naj Simón Pedro, yeb naj Tomás, naj chihallax *tiox uninal*, yeb xin naj Natanael ah Caná ay yul ismajul Galilea, yeb xin cawañ ebnaj isc'ahol icham Zebedeo, yebpaxo xin cawañxa ebnaj iscuwym Comam.

³ Yalni naj Simón Pedro:

—Chintohan tzabo cay, xi naj.

Yalnipaxo huntেক'anxa ebnaj tu':

—Chorñohañ tawintaj, xi ebnaj.

Hac tu' xin yu isto ebnaj. Yocto ebnaj yul hune' te' barco, yaja' xin mañtic'a hunu no' cay istzab ebnaj yin̄ hune' ak'bal tu'.

⁴ Yet lañanxa issajbilo xin, liñanxacañ Comam Jesús isti' ha'. Wal ebnaj iscuwym Comam tu' xin, caw mañtic'a txumchalo Comam yu ebnaj.

⁵ Yalni Comam tet ebnaj:

—¡We ach! ¿Tom caw maŕto no' chiahti heyu? ŕi Comam. Istak'wi ebnaj:

—Caw machi no', ŕi ebnaj.

⁶ Yalni Comam tet ebnaj:

—Aweyto hehac' yir̕ hewatx'k'ab, haxinwal cheyik' no', ŕi Comam tet ebnaj.

Hac tu' xin yu yanayto ebnaj ishac' tu' xol ha' hunelxa, haxa yet yinahti ebnaj tx'añ xol ha' xin, caw matxa chik'oji ebnaj yinahti tx'añ yu yalil no' nohayto yul tx'añ.

⁷ Ha' xin naj iscuwym Comam caw xahan ay yu, yal naj tet naj Pedro:

—¡Ha' Comam hune' ti'! ŕi naj.

Yabeñe naj Pedro tato ha' Comam hune' tu', yanico naj xil isk'ap, yuto yulñe k'ap ayco yir̕ naj. Caw xin yir̕ añe isbejtzoto isba naj xol ha', isto naj yilno Comam.

⁸ Yuxin haxa huntেক'anxa ebnaj ñic'niti te' barco isti' ha' lago tu'. Hatxbil xin tx'añ hac tu' yu ebnaj, nohna tx'añ yu no' cay tu'. Cañebñem xin tx'añil yehic'to te' yir̕ isti' ha' tu'.

⁹ Yet yapni ebnaj isti' ha' tu' xin, yilni ebnaj hune' k'a k'a', batxanayo hune' no' cay yibañ tzak'ak'. Aypaxayo ixim pan isc'atañ.

¹⁰ Yalni Comam tet ebnaj:

—Iweti hayc'oño no' cay maxeyik' tu', ŕi Comam.

¹¹ Hac tu' xin yu yahto naj Pedro tu' yul te' barco, ispuhnilo naj tx'añ, ishaxnilo naj tx'añ isti' ha'. Waxañca caw nohna tx'añ yu no' cay tu', yaj caw maŕtic'a liñmoto tx'añ; caw xin ciento cincuenta y tres no' yik' ebnaj yir̕ sunil.

¹² Lahwi tu' xin, yalni Comam tet ebnaj:

—Catawej, wa'añwej, xi Comam. Caw xin machi hunu ebnaj k'amben mac anmahil Comam, yuto caw yohta ebnaj tato ha' Comam Jesús.

¹³ Lahwi tu' xin, isto Comam yinocañ ixim pan, yak'ni Comam ixim tet ebnaj. Hactic'a tu' yutepaxo Comam yiriñ no' cay.

¹⁴ Ha' yiriñ hunel tu' xin, tz'ajna yoxel isyeni isba Comam tet ebnaj iscuwymom yet xaitzitzbicariñ Comam xol camom.

Yet istzotel Comam Jesús yeb naj Pedro

¹⁵ Lahwi iswa' ebnaj xin, yalni Comam Jesús tet naj Simón Pedro:

—Simón, isc'ahol naj Juan, ¿caw xahanmi ayinan hawu sata ebnaj ti'? xi Comam.

Istak'wi naj Pedro:

—Ho' Mamin, caw hawohtaj tato xahan ayach wuhan, xi naj tet Comam.

—Ta hac tu' chal tu', haca' chute hunu naj tariem me' islotzen no' nište yunin, hac tu' chawute hacuyni macta chiyaco isba yul ink'aban, xi Comam tet naj.

¹⁶ Lahwi tu' xin, yalni Comam yiriñ iscayel:

—Simón, isc'ahol naj Juan, ¿caw xahanmi ayinan hawu? xipaxo Comam tet naj.

—Ho' Mamin, caw hawohtaj tato caw xahan ayach wuhan, xipaxo naj Pedro tu'. Yalni Comam tet naj xin:

—Ta hac tu' chal tu', haca' chiyute istarien hunu naj tariem me' isme', hac tu' chawute hawilni anma chiyaco isba yul ink'aban, xi Comam tet naj.

¹⁷ Yalnipaxo Comam yet yoxel tet naj:

—Simón, isc'ahol naj Juan, ¿caw yelmi xahan ayinan hawu? xi Comam tet naj.

Hac tu' xin yu yoc bisc'ulal yiri isc'ul naj Pedro yuto yetxa yoxel isk'amben Comam tet naj tato yeli xahan ay Comam yu naj. Yuxinto yal naj:

—Mamin, walach hach ti', caw sunil tzet hawohtaj, caw xin hawohtaj tato caw yeli xahan ayach wuhan, xi naj tet Comam.

Istak'wi Comam:

—Ta hac tu' chal tu', caw haca' chiyute hunu naj tañem me' islotzen no' niñte yunin, hac tu' chawute hacuyini macta chaco isba yul ink'aban.

¹⁸ Yiri caw isyelal chiwalan tawet, yet caw tze-hach to, caw chawatx'eco isc'alil hawictaj. Ha' cawxencañ haba, hasaynito haba baytic'a chal hac'ul. Wal yet chachichambi xin, toxañe chawicañ hak'ab, nanxa mac ch'anico xil hak'ap, cat hawilaxto bay mach isjeto hac'ul, xi Comam tet naj.

¹⁹ Yal Comam haca' ti' tet naj Pedro tu' yuñe yohtañenilo naj yiri tzet chiyu iscami, cat xin isyeni-
nilo isba yip Comam Dios yiri iscamic'al naj Pedro tu'. Lahwi tu' xin yalni Comam:

—Ocañ tzujno wintajan, xi Comam tet naj.

Hune' naj iscuwym Comam Jesús caw xahan ay yu

²⁰ Lahwi tu' xin, ist'añxiti naj Pedro yintaj, yilni naj tato tzujanpaxo naj iscuwym Comam caw ochebil yu, naj tz'oñan iscawilal Comam yet iswa' yeb iscuwym, naj k'amben tet Comam haca' ti':
“Mamin, ¿mac chañanico yul isk'ab camical?” xi.

²¹ Yet yilni naj Pedro tato tzujan naj xin, isk'amben naj tu' tet Comam Jesús:

—Mamin, ¿haxaca naj tzujan jinta ti', tzet chiyub iscamopaxo naj? xi naj tet Comam.

²² Istak'wi Comam:

—Tato chiwochehan aytoñetic'ac'o naj yet chinhulan hunelxa, wal xin machi hawoc yiñ. Hachcahanñe chachoc tzužno wintajan, xi Comam tet naj Pedro tu'.

²³ Hac tu' xin yu yelto isk'umal xol ebnaj ayx-aco yul isk'ab Comam tato mach chicam hune' naj iscuwymom Comam tu', yaj mach yal Comam tato mach chicam naj, wal xin yal Comam: “Tato chiwochehan aytoñetic'ac'o naj ti' yet chinhulan, caw machi hawoc yiñ,” xi Comam.

²⁴ Hune' naj iscuwymom Comam ti', ha' naj caw chihalni sunil huntেক'an ti', ha' xin tz'ibrñencanoj. Yuxinto caw johtaj tato caw yel tzet tz'ibrñebilcano ti'.

²⁵ Caw hantañeto tzet iswatx'e Comam Jesús tu'. K'inalo tato caw hununtajil le-yu istz'ibrñelaxcanoj, caw machim chiyabe hune' yul sat yibañk'inal ti' yu te' hum tato tz'ibrñelaxi. ¡Hacojab tu'!

Nuevo Testamento yin abxubal
New Testament in Jakalteko Eastern; jac
(GT:jac:Jakalteko)

copyright © 1997 Wycliffe Bible Translators, Inc.

Language: Jakalteko

Translation by: Wycliffe Bible Translators, Inc.

Copyright Information

© 1997, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Jakalteko

© 1997, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-05-05

PDF generated using Haiola and XeLaTeX on 1 Oct 2024 from source files
dated 29 Jan 2022

b5bce385-9ed7-5701-9edc-e221ef239a1c